



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



9  
0

292  
~~618~~

~~7882~~

4082

ՄԱԿԵԹ ՊԵՏՐՈՍԵԱՆ

891.99

7-50

ly

487

Handwritten notes in blue ink, including the word "արտ" (art) and other illegible characters.

# ՊԱՏՄԻԱԾԻՆԵՐ

1001  
3401

Handwritten notes in blue ink, including "20" and "20-0".



Թ Ի Յ Լ Ի Զ

Ելեքորտչարժ տպարան. Ընկ. «Հեռուկա» Մադաթեան փող. № 5.

1906

(192)

18 JUL 2013

50793

-6 NOV 2011



Շ Ո Ւ Շ Ա Ն



Յ Ա Տ Վ Ո Տ

Լոյս հանելով առանձին գրքոյկով գրական աշխատութիւնս, անհրաժեշտ համարեցի նրա բովանդակութեան վերաբերեալ մի քանի խօսք ասել:


«Շուշան» «Լուսի» և «Հռիփսի» միևնոյն անձնաւորութիւններ են, ա՛րձեղ, անարատ, դեռ մանկական յստակութեան մէջ, կեանքը նրանց սեղմել է իր ճիրաններում, նետել է կարիքի, տանջանքի ծոցը. տառապում են փոքրահասակ մանուկները, տառապում են և նրանց հասակաւոր մայրերը, որոնք իրանց ժամանակին եղել են միմի «շուշաններ» և «լուսիներ»:

Իմ ցանկութիւնը եղել է խլել նրանց կեանքից մի յօմենտ և ընդգծել մարդկութեան առաջ, ինչպէս դա թելադրել է զգացմունքներս, որքան կարողացել եմ ըմբռնել նրանց հոգեկան աշխարհը:

«Մի կտոր հացի համար» և «Բանուորը» պատմաւածքները նոյն դասակարգիցն է որը իր թշաւութեան մէջ իրաւունք չունի ապրելու, սիրելու և սիրուելու. մարդկային ազնիւ վեհացնող ըզգացմունքները, ընտանեկան անարատ սրբութիւնը նրանց համար չէ. թերևս նրանք էլ զիտէին ընքոյշ կերպով սիրել, հպարտանալ և ապրել:

«Կապոյտ շապիկ» և «գնդակահարութիւն» ժողովրդի զաւակներն են, մէկը ազատ, միւսը կապանքների մէջ. երկու բողոքողներ, երկու իսկական բարեկամներ մարդկութեան համար. սակայն կեանքը ինքն է նետում նրանց դեռ շատ և շատ զոհեողների շարքը:

Վերջապէս «տխուր պատմութիւն» և «արցունքներ» լիրիկական գրածներս, սա ցաւերից ամենախոր է և վերքերից ամենածանր: Ա. խառած եմ շոշափել անհատի սև օրը, նրա ընկերակցութեան դատարկութիւնը, բողոքը, վիշտը և մի նոր կեանքի որոնումը:



## Շ Ո Ւ Շ Ա Ն

Աշխանային ցուրտ ու խոնավ առաւօտ է. երկինքը պատած է մշուշով. մանր անձրև է մաղուում: Տանիքներից թափուղ ջրերը թիթեղեայ խողովակների մէջ թեթև աղմուկ հանելով, փողոցները լցնում է մի ընդհանուր մրումուռով: Ծառերը նայում են վհատ ու տխուր. նրանց թորշոմած, ու գեղնած տերևները, անձրևի կաթիլներից ծանրացած՝ մէկիկ-մէկիկ ընկնում են ցած, ցեխի ու սղմի մէջ:

Տխուր է քաղաքը, մռայլ են և մարդիկ. նրանք զրժգոհ դէմքերով անցնում են սառը և թաց մայթերով: Թարմ և ուրախ են միայն դէպի դպրոցը շտապող մանուկները. բնութեան թախծոտ տեսքը, ամպը, թուխպը, անձրևը, ցուրտն ու խոնավը, տերեթափ ծառը նրանց չի վշտացնում, նրանց մատաղ սիրտը չի ալեկոծում, բոլորը նրանց համար սիրելի են, բոլորին նրանք սիրում են և ուրախ, գուարթ, թևերի տակ մի-մի կապոց, գրքերի պայուսակ, շտապում են:

«Ահա դարձեալ մի կէս ժամ ու բոլորը կանցնեն» . մտածում է կօշկակարի տասներկու տարեկան աղջիկ, Շուշանը՝ որը իր սովորութեան համաձայն կանգնել էր բակում, դէպի փողոցը նայող դռների մէջ: Նա անընդհատ նայում է անցուղարձ անող իր բարեկամներին ու հայացքներով հետևում է նրանց մինչև փողոցի միւս ծայրը. նա բոլորին գիտէ, բոլորին էլ ճանաչում է: «Այժմ, ձեռք-ձեռքի տւած, երկու քոյրը կանցնեն. ահա կաղլիկ աղջիկը, ահա փոքրի տղան, իր մեծ պայուսակով. այժմ

սիրուն աղջիկն է գնում. ահա երեք փոքրիկները իրանց աղախնի հետ. հիմայ կանցնի սեփական կառքը»... Նա բուրբին էլ նախանձում է՝ մանաւանդ վերջինին: «Որքան բախտաւոր են», բայադանչում է Շուշանիկը ամեն անգամ, երբ անցնում է այդ կառքը և այդ ժամին թւում է, որ ձիանները կայծակից էլ արագ են թռչում, կառապանը հպարտ նստած, հագիւ է նրանց պահում:

— Շուշան, հեշտաեռին նայիր, լսում է նա մօր ձայնը: Ինչոյն վագում, մի քանի ածուխ է աւելացնում ու նորից դառնում է իր տեղը:

— Շուշան, լսում է նորից մօր ձայնը. — բակը աւելիր: Նա, աւելը ձեռքին, բակը սրբում է. բայց աչքը փողոցից չի հեռանում. նոյն տան կեցող, վերի յարկի երկու քոյրերը դեռ չեն անցել. ահա նրանք իջնում են, իր մօտով պիտի անցնեն. նա այդ գիտէ:

— Բարի լոյս քեզ Շուշան, բակն ես աւելում. — ուրախ բարեում է նրան տան տիրոջ աղջիկ Հեղինէն, որը վերաքննութիւնից յետոյ փոխւել է վեցերորդը:

— Այն, ցածր ու քնքոյշ ձայնով պատասխանում է Շուշանը ու քայլում է նրանց յետևից մինչև փողոցը:

«Կը լինի մի օր էլ ես սրանց պէս ուսումնարան գրնամ. առաւօտները վեր կենամ շատ վաղ, կօշիկներս սրբեմ, մազերս սանրեմ, ես էլ նրանց պէս մարմար, գեղեցիկ շորեր հագնեմ, սև գոգնոցով, սիրուն ուսնոցով. կապեմ գրքերս, առնեմ թևիս տակ, ուրախ ու զւարթ վազեմ ուսումնարան: Այնտեղ դեռ ոչ ոք չի լինիլ. բակը աւելեմ, դռները, պատուհանները սրբեմ, ուսուցչիս հեշտաեռն էլ փայլեցնեմ: Նա ինձի շատ սիրէ. ասէ Շուշան, սոսայս գիրքը կարգա, այս նկարներով գիրքը քոնը լինի... Երբ կը դառնամ տուն, տան գործն էլ կանեմ, մայրիկիս կօգնեմ, լւացք կանեմ. օ, շատ կաշխատեմ. ափսոս չի՞ մայրիկս. նա շատ է շարձարւում»: Նա սիրում էր երկմը

մտածել, տարւել վառ ցնորքներով, քաղցր ու առչն պատրանքով:

Անցնում էին օրեր: Մի առաւօտ վերին յարկի քոյրերը պարմացան: Շուշանը դուրսը չէր, նրանց չը բարեւեց. երկրորդ օրն էլ չը կար նա: Տրամեցին, մի մեծ բանից զրկւած էին համարում իրանց: «Այսօր էլ մենք վառ թւանշան կը ստանանք» նախագուշակում էին նըրանք: Եւ երբ դասից վերադարձան տուն, անմիջապէս իջան ներքնայարկը և առաջին անգամ մտան Շուշանի ծընողների բնակարանը:

Շուշանը հիւանդ է. նա պառկած է թախտի մի ծայրին. այտերը կարմրել են, աչքերը աւելի են վառւում, շրթունքները չորացել են, սիրտը արագ-արագ բաբախում է, իսկ շնչառութիւնը տաք է, ինչպէս կրակ:

- Բարի լոյս քեզ, Շուշան, տկա՞ր ես:
- Այն, զարմացած պատասխանեց նա:
- Ի՞նչու տկարացար:
- Չգիտեմ:

— Մըսել է. անցեալ օրը այն ցրտին հօ տեսա՞ք, դուրսը կանգնած էր: Մըսել է, շատ է մըսել, միջամտեց մայրը, խնդրելով օրիորդներին նստել: Նրանք տեղաւորւեցին հիւանդի մօտ. մի վարկեան տիրեց լուսթիւն, ապա կարեկցաբար նայելով հիւանդին, սկսեց մեծ քոյրը:

— Իհարկէ կը մըսի, տաք հագուստ չունի, վերաբրկու չունի, նոյն իսկ մի շալ չունի ուսերին:

— Ի՞նչպէս չէ, բամբազի փուֆայկայ ունի, չի հագնում, ի՞նչ անեմ. ամեն առաւօտ դուրսն է, ձեզ է նայում, ձեզ շատ է սիրում, այժմ է ինչո՞ւ է մըսում: Ամեն օր լաց է լինում «ի՞նձ ուսումնարան տարէք ես էլ եմ ուղում սովորել» բայց մեզ պէս խեղճին ուսումնարանն չի կը տայ:

— Շուշանը լաւ աղջիկ է. ափսոս է, որ առանց ուսումի մնայ. իհարկէ պիտի ուսումնարան տաք, ուղիղ է ասում:



— Մայրիկս ի՞նչ անի, մենք խեղճ ենք, թէ հարուստ լինէինք, ես էլ ձեզ հետ ուսումնարան կը գայի, այնտեղ լաւ է, չէ՞, շատ գրքեր կան:

— Այո՛, մի ամբողջ սենեակ լիքը:

— Եւ այդ բոլորը դուք կարդում էք. կարող էք տուն էլ բերել, այնպէս չէ՞. ուսումնարանն ինչ լաւ է: Ես որ վեր կենամ... ես... ես էլ կը գամ. կը տանէք, հա՛, ինձ էլ կը տանէք:

— Անպատճառ, անպատճառ, կը տանենք. դու այնքան լաւ աղջիկ ես, Շուշան, դու այնքան բարի ես:

— Հայրիկս չի թողնիլ. ես ամեն երեկոյ խանութի կօշիկները սրբում եմ. մայրս էլ մեղք է. օ, նա անչափ գործ ունի. նա լացք է անում. ես էլ տան գործն եմ շինում, երեխաներին եմ պահում. այդ դուք չը գիտէք. հայրս բարկացոտ է... բայց ուսումնարան ի՞նչ լաւ է. ասում էք ամբողջ սենեակը գիրք է, այսպէս, մինչև աստուաղը լիքը, օ ինչ շատ է, կարդում էք. խաղալիք էլ կայ, տիկին էլ կայ... Բայց ես ոչինչ չունեմ, ոչինչ: Որ ես ուսումնարան գնամ, մայրիկ, կը թողնե՞ս:

— Կը թողնեմ, միայն լաւացիր, շուտով լաւացիր:

— Ես լաւացել եմ, այ, տես, լաւ եմ, ձեռքերիս մէջ չի այրւում. այստեղ մի փոքր ծակում է, ձեռքդ բեր, այ, այստեղ, կռանս տակ, կարծես դանակով են ծակում, շատ չի ցաւում: Առաւօտը վեր կը կենամ, դուրսը կը պասեմ ձեզ, դուք ինձ կասէք. «բարի լոյս Շուշան, տկա՛ր ես», եո էլ կասեմ,— ո՛չ, այժմ, առողջ եմ:

— Ո՛չ, այդպէս չի լինիլ. մենք առաւօտ կը գանք քեզ մօտ ու կը տանք քեզ ուսումնարան:

— Դ՞ուք, ի՞նձ, ուսումնարան. ո՛չ, խաբում էք, ես գիտեմ... բայց չէք խաբիլ, այնպէս չէ՞. գիտեմ, բայց ես ձեզանից մի բան պիտի խնդրեմ... այնպէս սրտով ուզում եմ գրքերը բռնել թևիս տակ ու ման գալ: Առաւօտները երբ դուք ուսումնարան էք գնում, ես էլ այնպէս գնամ,

մի փոքր հեռու ու նորից գամ մեր տունը. բայց գրքեր չունեմ... Այստեղ, ուսումնարանի այն մեծ սենեակից, ինձ համար մեծ գիրք բերեցէք. ես էլի ձեզ յետ կը տամ. միայն մի օր, գարձեալ տարէք. հա՛, կըտա՞ք, կը բերէք:

— Հէնց այս բոլորն քեզ համար գրքեր կը բերենք, որքան ուզում ես. մենք շատ ունենք, պատասխանեց Հեղինէն. փոքր քոյրը վազեց տուն, մի քանի վարկեանից յետոյ բերեց Շուշանի ուզած գրքերը և դառնալով հիւանդին ասաց.

— Ահա այս բոլորը քոնն է՝ քեզ ենք ընծայում:

Հիւանդը աչքերին չի հաւատում. նա մերթ մօրն է նայում, մերթ քոյրերին, թւում է նրան որ անա մէկնում է կը գրքերը նորից պիտի առնի: Երկու ձեռքով ամուր բռնած, նա դիտում է, նոյնիսկ չէ վստահանում թերթի:

— Շուշան, ապա՛ բաց, այդ կարմիր կողով գրքի մէջ պատկերներ կան, ասաց Հեղինէն, սիրալիք նայելով նրան:

— Ուղիղ էք ասում, այս գրքերը ի՞նձ կը տաք: չէք տանի:

— Այդ բոլորն էլ քոնն է. մենք գեռ ուրիշ գրքեր էլ պիտի տանք:

— Շնորհակալ եմ. այս ինձ բաւական է. ես որ լաւանամ, էլի ձեզ յետ կը տամ. հայրիկը ինձ համար կառնի. նստեցէք. ի՞նչու վեր կացաք:

— Թող հայրիկդ էլ առնի, բայց մենք քեզ էլի շատ գրքեր կը տանք նրա համար, որ դու շատ ես սիրում:

Շուշանիկը ոչինչ չէ պատասխանում. նայում է գրքերին. թերթում է. նայում է պատկերներին գրքերը նորից դարսում է, դնում է թևի տակ, նորից վերցնում:

«Ա՛խ ինչ լաւ է այդպէս... բայց ես վստահանում եմ». նրա աչքերը մթնում են, մայրը ջուր է տալիս, օրիորդները քացախ են քսում ձակատին. նա փոքր ինչ ուզքի է գալիս, գրքերը հաւաքում, դնում է թևի տակ և իր սիրալիք հայեացքը նորից ուղղում է օրիորդներին. նրա վառ,

հրեշտակային աչքերը, անթարթ նայում են. իր երախտագիտութիւնն է ուզում արտայայտել ամբողջ էութեամբ. և այդ վայրկեանին նա սրբան գեղեցիկ, սրբան չքնաղ է նա ցանկանում է իր ամբողջ սիրտը բաց անել նրանց առաջ. ուզում է խօսիլ, բայց չի կարողանում... Յանկարծ նա լաց է լինում:

— Չգիտեմ, այնպէս լացս դալիս է. հեկեկանքը զրուպելով, պատասխանում է նա օրիորդներին և նորից բաց անելով կարմիր կողով գիրքը, կանգ է առնում մի պատկերի վրայ: — Այս փոքրիկ աղջիկը պահում է իր կոյր պապին, այնպէս չէ:

— Այո, դա մուրացկանութիւն է անում և կերակրում է իր ծերունի և կոյր պապին:

— Խեղճ աղջիկ, նա ուսումնարան դնացել է:

— Այո, ուսումնարան եղել է. երբ ծնողներից զրկուել է, գուրս է եկել և երկար տարիներ իր պապին պահել է:

— Այդ բոլորը այստեղ գրուած է, այնպէս չէ:

— Այո դա փոքրիկ Հեղինէի պատմութիւնն է:

— Ի՞նչ լաւ աղջիկ է. իսկ ես ուզում եմ խեղճ մայրիկիս թողնել և ուսումնարան գնալ: Նա երկար նայում է պատկերներին, թւում է նրան, որ ինքը իրաւունք չունի ուսումնարան գնալու, քանի որ իր ծնողները խեղճ են:

— Մայրիկ, դառնում է նա մօրը օրիորդների գուրս գալուց յետոյ, Հեղինէի հայրը շատ փող ունի:

— Այո, նրա հայրը վաճառական է:

— Ինչո՞ւ հայրիկս էլ վաճառական չէ... այն ժամանակ ես էլ ուսումնարան կը գնայի և եթէ մեր բակումը մի կօշկակարի աղջիկ ապրէր, ես նրան շատ կը սիրէի, հետը խաղ կ'անէի, մեր տունը կը տանէի, ուսումնարան էլ ցոյց կը տայի, խաղալիքներ կը տայի... Չեռքերս էլի այրում են, ինչ վատ եմ... հայրիկս ինչո՞ւ չեկաւ:

— Դեռ թնդանօթը չեն արձակել, երևի շուտով կը գայ, ի՞նչ պիտի անես:

— Այնպէս, ուզում եմ որ շուտով գայ: Կ'ասեմ գիրք ունեմ... ես ուսումնարան... բայց չի թողնիլ... մայրիկ, կօշկակարի աղջկանը ուսումնարան կը թողնեն:

— Իհարկէ կը թողնեն:

— Ո՛չ, կ'ասեն քու հայրիկը կօշկակար է. դու էլ գնա լաւ արա, տուն սրբի, բալ աւլիր, գիտես այդպէս է. ուզում ես Հեղինէին հարցրու. նա այդ բոլորը գիտէ, բայց չի ասում, այ վաղը տօն է, նա ինքն ասաց, մեզ մօտ պիտի գայ. ուզում ես հարցրու. կարծես ուզում եմ քնել, թէ ինչ՝ ինքս էլ չգիտեմ:

— Եթէ քունդ տանում է, քնիր, ես էլ լաւ քըլ պարգաշրեմ, այ, այս բոպէիս կը գամ:

— Գնա, մայրիկ, ես լաւ եմ, ասաց Շուշանիկը: Բայց նա լաւ չէր. տաքութիւնը սաստկանում էր, գլուխը ցաւում, ականջները խշշում էին, հայեացքը պղտորում էր, վերմակը ծանրացել ճիշտում էր նրան. թւում էր սենեակը մեծանում է, պատերն էլ են շարժւում ու ինքը տարւում է, աւելի շուտ ընկնում է այնտեղ, հեռու կանաչ բլրակի վրայ. անա պիտի հասնի ու տանջանքից ազատի: Բայց նա գլորւում է անդունդ, անուշի խորխորատներ, և օգնութիւն է կանչում... Չառացնում է, անհասկանալի բառերի մէջ մերթ լոււմ է, գիրք... ուսումնարան... կօշկակարի աղջիկ...

Նա չի մացաւ ի՞նչ պատահեց իր հետ գիշերը: Լուսաբացին կարծես փոքր ինչ լաւ էր զգում իրան: Երբ աչքերը բաց արաւ, կարմիր կազմով գիրքը ընկած էր իր կողքին, իսկոյն առաւ դրեց թևի տակ: Մայրը աթոռի վրայ հագուստով նստած էր, հայրը աշխատանքի չէր գընացել, լամպարը դեռ վառւում էր: Նա ուշադրութիւնը լաւեց, հարևանի տանը պատի ժամացոյցը խփում էր. համարեց, ժամի եօթն էր. դա նրան զարմանք պատճառեց. ի՞նչու այդ ժամանակին մայրը դեռ նստած է, հայրը գործի չի գնացել... մոլթը, երազի պէս մի բան էր դառ-

նում նրա գլխում. կարծես մտաբերում էր զիշերւայ անցքը. «խեղճ հայրիկ» դուրս թուալ յանկարծ նրա բերանից, աչքերը փակեց և ուզեց մտաբերել բոլորը, բոլորը ինչ կատարուեց այդ գիշեր:

Մայրը սթափւեց, երեսին խաչ հանեց. կուացաւ, դիտեց Շուշանի շնչառութիւնը և կարծելով թէ նա քնած է, զգուշութեամբ սկսեց սենեակի իրերը կարգի գցել:

Դուռը կամացուկ բացւեց, ոտքերի ծայրով ներս մտաւ Հեղինէն:

— Մայրիկ, Շուշանիկը քնած է:—Քնած է հազիւ խելի արտասանեց մայրը:

— Ոչ, քնած չեմ, ես այնպէս միտք եմ անում, ուրախացած պատասխանեց աղջիկը. մայրը շփոթւած էր, նրա տանջւած դէմքի վրայ երևում էր յուսահատութիւն և երկիւղ. նա այդ մի գիշերւայ մէջ կրել էր անասելի վիշտ ու տանջանք:

— Հայրիկիդ խօսեցիր, ի՞նչ է ասում:

— Հայրիկս ասում է, թող Շուշանը ուսումնարան գնայ:

— Ուղի՞ր, ուրախացած բացականչեց Հեղինէն:

— Շուշանս ճիշտ է ասում, հայրը համաձայն է:

— Ուրեմն վաղը Շուշանը ուսումնարան է գնում: Այստեղ մեզ մօտիկ ուսումնարան կայ, կը խնդրեմ, որ ընդունեն:

— Հայրիկս ասաց. ասաց թող Շուշանին էլ ուսումնարան գնայ. մենակ ես, ասաց, տեղը չգիտեմ, ասաց ես Հեղինէի համար մի զոյգ կօշիկ կը կարեմ, թող տանի. ես այնպէս հիւանդ էի, երբ հայրիկս ասաց, լուացայ. բայց գիտեմ, ինձ չեն ընդունի:

— Ի՞նչու:

— Նրա համար որ... ես ուսումնարանի հագուստ չունիմ. ես գիտեմ. բոլորին էլ ճանաչում եմ. այսպիսի հա-

գուստով ոչ ոք ուսումնարան չի գնում. խեղճ մայրիկս սրտեղից կաննի:

— Այս կապոցը տեսնում ես, ի՞նչ կը լինի այստեղ:

— Չգիտեմ:

— Ապա առ, բաց:

Շուշանիկը արագ բացեց կապոցը և յանկարծ կանգ առաւ:

— Ի՞նչ ես զարմանում, փոքր քրոջս հագուստն է, քեզ համար եմ բերել. այ, տես՜ր, հագուստ էլ ունիս:

— Մայրիկ, տես, ասում է ինձ համար է բերել այս հագուստը. ես պիտ հագնեմ, իսկ ձեր հայրիկը չի՞ բարկանալ, այնպէս չի... ի՞նչ լաւն է ձեր հայրիկը. բայց իմ հայրիկն էլ լաւն է. նա փող չունի, կօշկակար է, ասաց, ինձ թողնում է, որ ուսումնարան գնամ: Ես լսում էի երբ մօրս հետ խօսում էր. նա լաց եղաւ. նա ինձ համբուրեց. այնպէս սիրում է ինձ, ձեռքս բռնեց, ասաց, ինչ տաք է. ձեռքերս էլ համբուրեց. ասաց, գնամ, բժիշկ կանչեմ. մայրիկս չէր թողնում. բայց նա գնաց. խեղճ հայրիկ, զրնաց բժիշկ բերեց. մի մեծ մարդ... Ես նրանից վախում էի. նա չգիտեմ ինչո՞ւ հօրս վրայ բարկացաւ, բղաւեց: Երբ բժիշկը գնաց, մայրիկս շատ լաց եղաւ, հայրիկս էլ լաց եղաւ. իմ լացն էլ եկաւ, յետոյ... քնեցի... — Մայրիկ, սիր հայրիկս չգիտի, որ ես ուսումնարանի հագուստ ունիմ. որքան կուրախանայ: Ձեր հայրիկը գիտէ, որ ինձ էք տալիս, հօ չի՞ բարկանալ:

— Մենք պատմեցինք նրան. նա քեզ շատ սիրեց. ասաց ուսումնարանի վարձն էլ կը տամ, զրքերի փողն էլ, ուսումնարանի հագուստն էլ այնպէս, որ դու ոչ մի բանի հոգ չես տանի:

— Ուսումնարանին փող են տալիս, ախ ես այդ չգիտէի, գլուխս այնպէս ցաւում է... եթէ մեռնեմ, այն ժամանակ ոչինչ, ոչինչ էլ հարկաւոր չի... Ա՛խ ինչ վատ եմ... Հեղինին կանչեց տարաւ իրանց սպասուհին, մօր հրա-

մանով. վախենում էին վարակելուց թէև բժիշկը ասել էր, «Թողերի բորբոքում է»:

Շուշանիկը մնաց մենակ: Խոհանոցում մայրը աշխատում է, կրակ է անում, ածուխը լցրել է քուրան, փչում է, ուզում է կրակը աւելի բորբոքի. նրա մոայլ աչքերից մէկ-մէկ կաթում են արցունքի կաթիլներ, ընկնում է թէժ կրակի վրայ, թշուրում ու կորչում: Ինքը, կօշկակարը, կուշ է եկել, աւելի է կուայել. մկանունքները դուրս են ցրցւել, աչքերը խորացել, փոս ընկել, յօնքերը եկել ծածկել նրանց. նա շղաձգական ցնցումներով այս անկիւնից այն անկիւնն է ընկնում, կարծես մի բան է որոնում. մեծ աշխատանքի մէջ է: Տաւարի փափուկ լղար միս է գնել. այդպէս է բժիշկը հրամայել. «Երկու ֆունտ միս, ութ բաժակ ջուր, այնքան եփել, որ երկու բաժակ մնայ»: Ահա կրակի վրայ միսը եփում է. նա մի անգամ չափել է, դեռ 4 բաժակ ջուր կայ. դեռ շատ պիտի եռայ: «Ահ, ինչ սւշ է այդ ջուրը քաշուում. երբ պիտի երկու բաժակ մնայ». մտածում է կօշկակարը, շուտ-շուտ նայելով կաթսային: «Մտաշուր, մտաշուր, միայն մտաշուր պիտի տալ. ո՞վ գիտէ ի՞նչ էք, տուել. ձեր աղջիկը չի ապրել. նրա դուրթիւնը անյուսարի. է երբ դանակը ոսկորին է հասնում, նոր էք գալի ինձ մօտ». բղաւել է նրանց վրայ բժիշկը ու կրակ է գցել ծնողների սիրտը: Այժմ նրանք բուրժոնի շուրջը պտտում են, կարծես դա պէտք է իրանց աղջկանը ազատէ. կարծես այդ փրկարար հեղուկից է կախուած նրա կեանքը: Նրանք երբեմն իրար ետևից դողդողալով մտնում են աղջկայ մօտ, ապա նորից խոհանոց, նորից սծուի են աւելացնում ու բորբոքում կրակը:

Այդ միջոցին Շուշանիկը նորից բացեց կապոցը, նայեց հագուստին, կոճակներին, գրպանին. ապա գոգնոցն ու ուսնոցը գննեց, ցանկացաւ մի վայրկեան իրան երևակայել այդ հագուստի մէջ. գիրքը թևի տակ, ուսումնարան գնա-

լիս, բայց դա նրան չյաջողեց. միտքը պղտորում էր. գլուխը լի էր այլանդակ պատկերներով, առէլի, տխուր: Մեծ դժւարութեամբ նստեց. ապա սկսեց հագնել նոր զգեստը: Երբ ուսնոցը գցեց ուսերին, կարծես նա իրան լաւ զգաց, գոգնոցն էլ կապեց և զգուշութեամբ իջաւ ցած. մի ձեռքով յենեց պատին, միւս ձեռքով գրքերը առաւ թևի տակ. ապա պատէ պատ բռնելով հասաւ դռներին. դուռը բաց արաւ ու անցաւ դուրս: Նրա ոտքերը ծալւում էին, գլուխը պտտում էր, բայց ուրախ էր, անչափ ուրախ. նա նայում էր իրան, գրքերին, և թւում էր, որ ահա ուսումնարան է գնում... Մի քանի քայլ էլ արաւ. ահա և խոհանոցը, նա իր ամբողջ ոյժերը հաւաքեց, ուզում էր դուռը բաց անել, գոչել. «Հայրիկ ջան, տես ես ուսումնարան եմ գնում»: Բայց դեռ շէմքին չհասած, աչքերը մթնեցին, երեքաց, տատանեց ու վայր ընկաւ...

Ծնողները լեղապատառ դուրս վազեցին, բայց իրանց աչքերին չէին ուզում հաւատալ. գրքերը ամուր բռնած՝ անշնչացած ընկած էր իրանց աղջիկը: Նրանք ձշացին պոռացին. նրանց ձայնը երկինք հասաւ. տները դողացին, հարևանները ցնցուեցին, ամբողջ բակը հաւաքւեց, բայց վշտից խելագար ծնողներին չկարողացան մխիթարել: Շուշանի անմեղ, հրեշտակային հոգին դեռ սաւառնում էր կօշկակարի տանը, բայց նրա փոքրիկ ու վտիտ մարմինը ուսումնարանի հագուստով, գրքերը թևի տակ, զրեցին հողի մէջ:

Շուշանը ուսումնարան գնաց, այն միակ ուսումնարանը, որի դռները բաց են ամենքի համար, անխտիր հարուստ թէ աղքատ, կօշկակար թէ վաճառական:

1001  
3401



## Լ ՈՒՍԻ

Հարթ հաւատար տարածութեան վրայ կանգնած էր մի մենաւոր տնակ: Հաստ ու ամուր էին նրա պատերը, կռպիտ քարերից, կիր ու աւազով ծեփած: Մի նեղլիկ, երկաթապատ լուսանցք, մի փեղականի հաստ ու ցածրիկ դուռ, թիթեղեայ մուգկարմրագոյն տանիք—անա տան ամբողջ կազմը:

Իռնից քիչ հեռու, ցանկապատի ուղիղ մէջ տեղում, բուսել էր տան միակ զարդ՝ փոքրիկ ծիրանի ծառը. նրա կատարի ցիրուցան փռուած դայար ոտերը հասնում էին մինչև տանիքը, քսում էին պատերին, ասես մեղմիւ խօսում, մխիթարում էին տնակին:

Համարեա տան շեմքից ձգուած է ուղիղ ու երկնայն ճանապարհ սև, զուգահեռական երկաթէ ձողերով, որոնք հեռում միանում, մի գիծ են դառնում ու անհետնում հորիզոնի տակ:

Տխուր է. տխուր է և՛ ծառը, և՛ նրա բնակիչները: Բոլորն էլ կարծես այս մոռացուած անկիւնում աշխարհից հալածականներ լինին: Ծանր թախիծն է իշխում բոլորի վրայ:

Տնակի մի անկիւնում, երկար թախտի վրայ պռակած է մի մաշուած ու դալկացած կին: Նա նոր է ազատուել երկունքից, աչքերը փոսեն ընկել, ծնոտի և այտերի ոսկորները դուրս են ցցել: Ո՞վ կ'ասի, թարշամած, պառաւացած կինը երեկուայ ջահիլ, սիրուն Գիւլօն է:

Երկու տարի չկայ, որ նա թողեց հայրենի գիւղը, իր սիրելի բարեկամներին, տեսուճանաչ զբայցիներին ու եկաւ այս երկաթուղու գիծը: Ինչպէս էին գիւղացիք նախանձ-

ւում նրանց վրա. «14 բուբլի փող ինքը Սաքօն պիտի ստանայ, 4 բուբլի կինը. ամսական 18 բուբլի. տանն և ութ մանէթ. կինն էլ պիտի փող ստանայ», գլուխներն օրօրելով ասում էին գիւղացիք:

Ինքն, Ուհանանց Սաքօն էլ պակաս չէր հրճում: Նա հրպարտանալով՝ երբեմն իր նոր պաշտօնական գլխարկի նշանն էր ուղղում, երբեմն կոճակներն էր փայլեցնում և օգուելով իր գիտեցած ոուսաց բառերից՝ ծանր-ծանր խօսում էր: «Հեշտ չէ, եղբայր, բաւզկաչի դառնալ. չորս տարի ռեմոնանի ռաբոչի եմ եղել. պէտք է գիտենաս կաստիլը ոնց են խփում, շպալը ինչպէս են ամրացնում, գայկան ու բոլտը ոնց են հուպ տալի. պէտք է գիտենաս որտեղ է պուտը ռազլիրիլ եղել. դժար է, շատ դժար է»:

—Աֆարիմ, դոչաղ ես, եղբայր, ինչ ասենք. հալալ լինի, գովում էին նրան գիւղացիք:

Ուրախ էր և Գիւլօն. նա այժմ միշտ իր ամուսնու հետ կը լինի, այլևս ամիսներով, տարիներով աչքը ճանապի չի մնալ. այժմ ամեն օր, ամեն երեկոյ իր Սաքօն, իր սիրելի ամուսինը տանը, իր կողքին կը լինի: «Թող սարի ծայրին, թող քարի, ապառաժի վրա լինիմ, միայն ամուսնուս հետ». պատասխանում էր Գիւլօն, երբ զբայցիները նկատում էին նրան, որ «նա միայնակութիւն կը քաշի, մօրից, քրոջից հեռու լինելը դժւար է». նա քրքրջալով պատասխանում էր. «Ո՛չ, ո՛չ, ամուսնուց հեռու ապրելն է դժւար»: Օ՛, որքան ուրախ էր նա. մանաւանդ, այն նախանձ օձ, հարևանի հարս Հերիքից հեռու կը լինի. սա իր ամուսնու հետ էլ հանաք չի անիլ: «Սաքօ ջան, շուտով գնանք. շտապեցնում էր նա ամուսնուն, որքան բախտաւոր եմ». բացագանչում էր նա՝ փարելով ամուսնու վզովը ու անհամբեր սպասում էր իրոնց համար նշանակուած վագոնին, որ շուտով գնան երագած փառքին հասնելու:

Ինչ խաբուսիկ էր այդ երագը. ուղիղ հակառակը դուրս

եկաւ: Այժմ նրա սրտից արիւն է գնում, տան չորս պատերը վիշապ են դառել, խեղդում են նրան... Օդ չկայ սիրտը ձմրում է, նա տանջւում է, ուզում է խօսել, ասել, պոռալ, պատմել իր վիշտը, իր սև օրը, լսող չկայ: Նա յուսահատուած՝ գլուխը թաղում է բարձերի մէջ ու իր մարած աչքերից մի քանի կաթիլ արցունք էլ է քամում: Բայց դա նրան չի հովացնում, կուրծքը աւելի է ուռչում, սիրտն ուզում է պայթել, ամբողջ տունը պտոյտ է գալիս գլխին. նրան թւում է, թէ թախտը շուռ է գալիս. նա աչքերը աւելի լայն բաց արած՝ երկու ձեռքով ամուր բռնում է թախտի եզրերից և իր երկիւղով լի հայեացքը գցում երեխաներին, կարծես օգնութիւն է խնդրում նրանցից:

Գողգոթայով մօտենում է իր մեծ, 12 տարեկան աղջիկը, տալիս է նրան մի աման ցուրտ ջուր, միւս երկու փոքրիկները փաթաթւում են հիւանդ մօրը:

Մայրը դատարկում է ջրի ամանը, ուշքի է գալիս ու երեխաների հետ միասին սկսում է հեկեկալ: Լուռ է միայն նորածինը. սա չորրորդ աղջիկն է, որ լոյս աշխարհ եկաւ, մի շատ անցանկալի հիւր:

Ծանր էր նրանց վիճակը. միայնակ, առանձնացած, կտրւած աշխարհից, օրեր են մթնեցնում, մէկը միւսին շատ նման: Եթէ մի փոփոխութիւն կայ, դա գնացքն է. անհա նա թափ առած՝ որոտալով գալիս է, նրա դրդոցները բռնում է շրջակաքը, տնակի շուրջը մի վայրկեան կենդանութիւն է տիրում, շարժւում է տնակի փեղկը, ծառը օրօրում է. այժմ նրանք միայնակ չեն, սրտցող գնացքը նրանց հետ է. կիսաբաց փեղկերից երևում են անհամար գլուխներ, թուած գնում է մարդկային մի մեծ զանգւած: Բայց ինչո՞ւ նա մի ակնթարթում անցաւ, գնաց. ինչո՞ւ մի վայրկեան կանգ չառաւ. կը տեսնէին զեղեցիկ ու առոյգ դէմքեր, երջանիկ ու ուրախ մարդիկ, կուշտ, զարգարուն երեխաներ...:

Լուեց. անցաւ սրտցող գնացքի հետ և նրա վերջին աղմուկը. նորից նոյնը, նոյն ծառը, նոյն մութ ու խոնաւ տնակը: Ո՛հ, ի՞նչ դառն է միայնութիւնը, ի՞նչ դժուար է կեանքը տան չորս պատերի մէջ... Շատ են նայել չորս պատերին, շատ են խօսել նրանց հետ. իւրաքանչիւր խորշ իր բոլոր կազմով, իր բոլոր մանրամասնութիւններով, նրանց յայտնի են...:

Սաքօն էլ անսիրտ է դարձել. նա տանը երկար չի մնում, ամբողջ օրը դուրսն է. դեռ շատ առաջ, երբ գծի վրայ մշակութիւն էր անում, ծանօթ էր իր պաշտօնակից Իւանի կնոջը: Սա հաստիկ, փոքրիկ աչքերով, լայն, սպիտակ երեսով մի ուրախ ու կայտառ կին էր. գարմոնիկ ունէր, օղին էլ պակաս չէր նրանց տնից:

Սեղճ Գիւլօն հէնց գալու օրից նկատեց, բայց ամուսնուն բան չասաց. ներքուստ տանջւում էր, երբեմն իր կասկածը անիմն էր համարում, երբեմն էլ իրան էր մեղադրում: Սկսեց աւելի սիրել ամուսնուն, աւելի փայփայել և նրա բոլոր պահանջները սրբութեամբ կատարել: Մի քանի անգամ նա լաց եղաւ, խօսեց, ասեց իր դարդը ամուսնուն: «Ի՞նչ ես՝ թէ իմ մայրը, թէ իմ եղբայրը, թէ բարեկամս, քեզանով եմ ես միայն մխիթարւում». արցունք թափելով ասում էր կինը: Բայց Սաքօն աւելի էր հրճւում. նրան աւելի էր դուր գալիս կնոջ վիշտը: Մի քանի գիշեր նա տուն էլ չեկաւ. մի երկու անգամ էլ հարբած տուն ընկաւ ու սկսեց կնոջը ծեծել: «Թու ինչ կին ես, կինը Մաշայի պէս պէտք է լինի, նա գարմոնիկ է ածում, ուրախ գլարթ թուչկոտում է, իսկ դու պառաւել, չորացել, դեղնել ես, սուգ է մեր տունը. սա տո՞ւն է, մարդ մի ըոպէ որ նստում է, քիչ է մնում, որ խեղդւի»:

Այս օր էլ նա չկար. առաւօտից գնացել է առաջիկայ կայարանը ոտձիկը ստանալու. «Նա կը խմի, կը հարբի, Մաշօի մօտ կը գնայ». մտածում էր Գիւլօն՝ խոր հոգոց հանելով: Տանը հաց չկար, ալիւրը վաղուց էր հատել, ե-

բեխաները քաղցած են, նորածինը կաթ է ուզում... «Ա, ի՞նչ դժւար է», դառնացած արտասանեց նա, ձեռքը շփեց ձակատին ու գլուխը նորից թաղեց բարձերի մէջ. բայց երեխաներին հաց է հարկաւոր, մտածեց նա:

— Տուր հագուստս, Լուսի, դարձաւ նա աղջկանը:

— Ո՞ւր պիտի գնաս:

— Էլ ո՞ւր է մնում, որ գնամ. թուրքի գիւղը:

— Խանութի մօտ, մայրիկ. ես գիտեմ նրանց տունը. անցեալ անգամ որ միտսին գնացինք. ես էլ կարող եմ գնալ. խանութին կը խնդրեմ, կ'ասեմ՝ մայրիկս տկար է, երեխան կաթ է ուզում. նա բարի է, չի մերժի... դու գեռ շատ հիւանդ ես, դու չես կարող:

— Այնտեղ վատ է, հազար ու մի շուն կայ, քեզ չի կարելի:

— Ես այս րոպէին կը գամ. ի՞նչ պէտք է լինի որ, վազելով կը գամ:

— Քեզ չեն ճանաչում, ոչինչ չեն տալ. ո՞վ գիտէ, գլխիդ ի՞նչ փորձանք գայ:

— Ես կ'ասեմ, կ'ասեմ, բուզկաչի Սաքօի աղջիկն եմ. ոչինչ չի լինիլ, Աստուած վկայ, բան չի լինիլ, ես այս րոպէին...

Աղջիկը երկար չմտածեց, խլեց մօր հին շալը, գցեց ուտերին, կռան տակը դրաւ մի փոքրիկ պնակ ու անմիջապէս դուրս ելաւ տնից:

Փոքրերը ուրախացած՝ դուրս եկան նրա յետևից ու սկսեցին նայել քրոջը, մինչև որ նա կ'անցնէր բլրակի միւս կողմը, ուր իր սեփական գիւղում ապրում էր կալուածատէր աղան իր խանութի հետ:

Անհամարձակ քայլերով ու դողդողալով աղջիկը մօտեցաւ աղայի տանը: Նրա փոքրիկ սիրտը բաբախում էր, նա և վախենում էր, և՛ ամաչում: Մի վայրկեան կանգ առաւ. տատանման մէջ էր. «յեա գնամ, ասեմ՝ չտւին, բարկացան վրաս, բայց մայրիկս հիւանդ է, նա էլի լաց

կը լինի, երեխաներն էլ լաց կը լինին... Ո՞ւ, ի՞նչ դժւար է»: Փոքրիկ աղջիկը կրկին առաջ գնաց: Յանկապատի դռանը արդէն մօտ էր. դուռը փակ չէր, կարող էր ներս մտնել, բայց նորից կանգ առաւ. սիրտն աւելի ուժեղ ըսկսեց բաբախել: «Ա՛խ, Տէր. Աստուած», կոչեց աղջիկը՝ աւելի մօտենալով դռանը. մի քայլ էլ արաւ և նա արդէն բահումն էր: Բայց չէր համարձակուում աչքերը վեր բարձրացնել, նայել տան լուսամտաներին:

— Ի՞նչ ես ուզում, այ աղջիկ, լսեց նա յանկարծ մի կոշտ ու բարձր ձայն և կարծես գետնի տակից բուսաւ նրա առաջ մի առոյգ ու յաղթանգամ պատանի:

— Երկու շահու կաթ. հայրիկս վաղը կը բերի փողը. ցածր ու վախկոտ ձայնով պատասխանեց աղջիկը:

— Ո՞վ է քո հայրը, ո՞ւմ աղջիկն ես դու:

— Ես... բուզկաչի Սաքօի. մայրս տկար է... ես... խանութի մօտ եմ եկել:

— Լաւ ես արել. խանութին ես կ'ասեմ. պնակ ես բերել. սուր տեսնեմ, ի՞նչ սիրուն է, աղջիկ, ապա մի տեսնեմ. այդտեղ մի բբասու կաթ կը տանի. քաղաքիցն էք առել:

— Այո...

— Աղջիկ, մեր շներից չվախեցանք. ի՞նչ սրտոտ աղջիկ ես:

«Աղջիկ» բառը նա արտասանում էր մի առանձին շեշտով ու հաճոյքով:

Աղջիկը լուռ էր. նա այս տղայից չափազանց վախենում էր. «Ինչո՞ւ յեա չգնացի». մտածում էր նա:

Իսկ տղան աչքերը շոտ՝ նայում էր նրա կիսամերկ սորունքներին, հասակին, իրանին և կարծես ինչ որ մտածում էր:

Աղջիկը դռնատուէր, ամբողջ մարմնով դողում էր:

Տուր պնակս. վախենալով ասաց նա:

Տղան զգաց, որ նա ուզում է փախչել:

— Կաթ չէ՞ ուզածդ. սպասիր, լցնեմ, տամ՝ տանք, բայց այնպէս, որ ոչ ոք չտեսնի. ես քեզ ծածուկ կը տամ. արի իմ յետևից:

— Կաթ չեմ ուզում, տո՛ւր պնակս:

— Ահա այստեղ է, լցնեմ՝ տա՛ր. ես քու հօրը լաւ եմ ճանաչում, նա շատ բարի մարդ է. բուզկաչի Սաքօն չէ՛:

Աղջիկը դողդողալով հետեց նրան. անցան ցանկապատի կողքով տան յետևի մասը և կանգ առան գոմի դռանը:

— Այ, տեսա՛ր, կաթը այստեղ է. դու կանգնիր, տեսնեմ գոմումը ուրիշ մարդ չկա՞յ:

Նա զգուշութեամբ մտաւ գոմը. աղջիկը կարծես փոքր ինչ հանգստացաւ, առանց տրտնջալու կանգնեց, մինչև որ տղան կաթը բերի:

— Օրի ներս, արի՛, կաթը լցնեմ՝ տա՛ր. փոքր ինչ գուռը բաց անելով՝ ասաց տղան:

Աղջկանը նորից տիրեց երկիւղ. նա տեղից չշարժեց:

— Աղջիկ, ի՞նչ ես կանգնել, ներս արի, շուտ, մարդ չըտեսնի:

Այս ասելով՝ նա ցատկեց, բռնեց աղջկայ կռնից ու դռով գոմը քաշեց, անմիջապէս փակեց դուռը. ապա առանց ձեռքիցը բաց թողնելու հարցրեց:

— Ասացիր՝ ում աղջիկն էս:

— Սաքօի. լաւակրկնած. արտասանեց աղջիկը:

Կիրքը կոբացրել էր տղային. «աղջիկ» բառը կլանել էր նրան. այլևս չհամբերեց, գիրկը առաւ աղջկան, բերանը ամուր փակեց ու թռաւ դէպի գոմի խորքը:

Հարբած, օրօրելով՝ աղջկայ դուրս գնալուց յետոյ անմիջապէս ներս եկաւ Սաքօն, մի կապոց ձեռքին:

— Կնիկ, պենսի պիտի ստանանք, պենսի, գիտե՛ս. էլ դարդ մի անի. երբ պառակենք, փողը իրան ոտովը կը գայ: Ասա, քանի՞ տարի ենք ծառայել:

— Ես ոչինչ չեմ հասկանում, զարմացած՝ պատասխանեց կինը:

— Ասում եմ՝ քանի՞ տարի ենք ծառայում:

— Երկու:

— Երկու, քսանուերեք տարի էլ որ ծառայենք, պենսի

կը ստանանք. քէֆ արա՛, ահա քեզ օղի. խմիր, ասում եմ քեզ:

— Ինչիր ես ասում, այ մարդ. քսանուերեք տարի... Քսանուերեք տարի ծառայել կը լինի՞. մեր ոսկորները աւելի շուտ կը փթեն, խելքդ գլխի՞դ է:

— Ես հարբած չեմ, ես ուղիղ բան եմ ասում, յիմար, սարսաղ կին. բոլորը ուրախ են, շնորհաւորում են, աչքի լոյս են անում. ի՞նչ է, քսանուերեք տարին շատ է. տո՛ւր բաժակը, խմենք. գու չէ՛ս խմում:

— Ես չեմ խմում. օղին Մաշօն է խմում, տար նրան տուր, նա կը խմի:

— Շատ էլ լաւ կ'անի, նա խմում է և աշխատում է. տասը մանէթ ամիսը մենակ լուացքից է աշխատում, նրան հալալ է, կը տանեմ; թող նա խմի:

— Սպասիր, Մաշօն չի փախչիլ. ոռճիկ ստացա՛ր:

— Հաշիւ ես ուզում, համեցէք. 7 փութ ալիւր, փութը մի բուբլի տասը կոպէկ. չայ, շաքար մի բուբլի. հաշւեցիր. չստերս չէ՛ս տեսնում, մի բուբլի եմ տուել. չորս բուբլի էլ այդ չարչի ջնուգի պարտքը տուի, հացը մի փութ է, մի բուբլի 20 կոպ. սա տեսնում ես, մի կվարտ է, ուղիղ 80 կոպէկ: Բայց գիտե՛ս՝ որքան եմ ստացել. 16 բ. 92 կ., իսկ մնացած 1 բուբ. 8 կ. հանում են պենսի համար. էհ, դու ոչինչ չես հասկանում, քեզ համար ողջը մէկ է, ես գնում եմ. ահա հացը, տո՛ւր երեխանցը, թող ուտեն:

— Սպասիր, ո՛ւր ես գնում. Լուսիկիս ուղարկեցի թուրքի գիւղը:

— Ի՞նչ կայ այնտեղ:

— Երեխան գնաց կաթ բերելու, խանումի մօտ:

— Յետո՞յ:

— Էլ ի՞նչ յետոյ, գնա՛, տես՝ ի՞նչ եղաւ:

— Ի՞նչ պէտք է լինի, կը գայ, երեխայ հօ չի, ժամանակ չունիմ. մարդատարը գալիս է, պէտք է գիծը նայեմ: Այս ասելով՝ նա վերցրեց տան անկիւնից մեծ մուր



ճը, երկարակոթ սև, ժանգոտ բանալին, դրեց ուսին ու գուրս եկաւ:

Մուլին ընկել էր, բայց աղջիկը դեռ չկար: Հիւանդի գրուծիւնն անտանելի էր. «Ի՛նչու, ի՛նչու ուշացաւ» հազարումի գարհուրելի պատկերներ զալիս, անցնում էին նրա գլխով. «Տէր Աստուած, այս ի՛նչ պատիժ է»: տեղի մէջ տապալկուում էր նա:

Հայացքը նեղլիկ լուսամուտին յառած՝ մայրը տեսնում էր, թէ ինչպէս վայրկեան առ վայրկեան խաւարը թանձրանում է՝ իր մուծ ծալքերի մէջ գրկած այնքան սարսափ, այնքան երկիւղ, յուսահատութիւն:

Նւ Լուսիկը չկար...

Մայրը լարում էր իր խղճուկ լսողութիւնը. չէ՞ որ եթէ աղջիկը գար, թեթև ոտնաձայն կը լինէր, արագ ու երկչոտ... ոչ մի ձայն, միայն մենաուոր ծառն էր շնչում գիշերային: թեթև հովի առաջ, լիզում էր կտուրը իր ստիկներով, քսում էր պատերին մեղմով և կարծես նոյնպէս խօսում էր անորոշ, ճնշող սարսափից: Այն գիշերը իր մուծ գրկի մէջ կամաց-կամաց խեղդում էր և՛ անակը, և՛ նրա լքած բնակիչներին, և՛ մենաուոր ծառը:

— Մայրիկ, Լուսիկը չեկաւ ար... գուրսը մուծ է... մրմնջում էին փոկրիկները:

— Չեկան, կրկնում էր մայրը՝ սիրտը ճնշած մի անագին բեռի տակ, հեալով, արցունքները հազիւ դսպած:

Անցնում էին բոպէներ, երկնք, երկնք...

— Շորերս տուր, Աստղիկ. դիմեց մայրը փոքրիկ աղջկան և հեկեկաց գառնագին: Քանի դեռ պառկած էր, յուսոյ մի նշոյլ ունէր. այժմ՝ երբ հագնել սկսեց, այն էլ կորաւ: «Մ՛ը գնամ, սրտեղից գանեմ», մրմնջում էին նրա շրթուքները: Երկու փոքրիկները անուզողով նայում էին իրանց մօրը, հետեւում էին նրա շարժումներին և գգում էին նրա հոգում տիրող անագին վիշտը:

— Տանից գուրս չգա՞ր. երբ ձեր հայրը կը գայ, կ'ա-

սէք որ... ես... գնացի թուրքի գիւղը... աղայի տունը... լսեցի՞ք, թող նա էլ գայ, կ'ասէք, որ Լուսիկը...

Նա այլևս շարունակել չկարողացաւ և խելագորի պէս գուրս ընկաւ դռնից ու կորաւ խաւարի մէջ: Երկու փոքրիկ աղջիկներ կծկեցին նորածնի մօտ, որ ճշում էր անընդհատ:

Ճանապարհը սարսափելի էր, խաւարն աւելի թանձր, քան երբևիցէ. հիւանդ, ուժասպառ կիներ և՛ վախենում էր, և՛ քայլում էր անընդհատ. լուծեան մէջ երբեմն հնչում էր նրա նւաղած ձայնը, որ կարծես բարձրանում էր ջրհորից. «Լուսիկ, Լուսիկ». այդ ժամանակ նա կանգնում էր, մի վայրկեան ականջ դնում, և երբ իր ձայնը մեռնում էր խաւարի մէջ, կրկին քայլում էր հեալով, շնչակտուր:

Ահա և թուրքի գիւղը, որ ներքեւում հազիւ ծրագրւում է ինչպէս մի անուելի հրէշ, թաթերի տակ պահած ունի իր թանգագին գաւակին. «Լուսիկ, Լուսիկ». ոչ մի ձայն: Մ՛ը գնայ, գիւղում ոչ մի ճրագ, ո՞ւմ գուրս թակել, ո՞ւմ հարցնել: Այնուամենայնիւ մօտեցաւ գիւղին, բարձրովին մօտ. «Լուսիկ, Լուսիկ»... Ծների միահամուռ ոտնոցը խեղդեց նրա ձայնը, և դժբախտ կիներ յետ դարձաւ շտապով, վազել սկսեց բոլորովին հակառակ կողմը՝ տրտելով մացառները, արիւնոտելով ոտները: Որքան վազեց նա, ինքն էլ չգիտէր, կանգ առաւ ուժասպառ, գիւղը հեռու էր. «Լուսիկ, Լուսիկ»... Մի թեթև նւոց, խղճուկ ու ցաւագին, հնչեց մօտիկ մացառների տակից. մայրը քարացաւ և կարծես խաւարի մէջ մէկը մի անագին հարւած հասցրեց նրա գլխին. նւոցը շարունակում էր, որպէս ուշ գիշերին քամու հծծիւն: Մայրը շարժեց դէպի մացառները, և յանկարծ նրա ոտների տակ ընկաւ մի մուծ, անորոշ զանգւած. այդ զանգւածը իր աղջիկն էր, որ անքում էր ցաւով. աղայի ծառան գազանային կրքին յագուրդ տալուց յետոյ սրախողխող էր արել իր դժբախտ գոհին և զաշտ նետել՝ սճրի հետքը կորցնելու համար:

Մայրը ճանաչեց այդ ձայնը, իր գաւակի այդ յետին հա-  
ռաչանքը և այնպիսի ճիշ արձակեց, որ ասես խաւարը դո-  
ղաց և մացառների վրայ ծւարած թռչունները սարսա-  
փից թողեցին իրանց գիշերային ապաստանները սոսկումի  
ճթճթոցով: Արիւնտա համբոյրը միացրեց ուշաթափ մօր և  
մեռնող աղջկայ շրթունքները:

Եւ այնտեղ՝ մենաւոր տնակում՝ խաւարի մէջ հեկե-  
կում են երկու փոքրիկ աղջիկները մայրը կորցրած ձա-  
գուկների պէս, անվերջ ճչում է քաղցած նորածինը, իսկ  
ծառը դրսից շշնջում է նրանց ականջին դաշտերից խլած  
հեռաւոր սարսափը: Աւելի հեռուն, մի ուրիշ տնակի առաջ  
հնչում է Մաշայի գարմոնիկը. Մաքօն հարբած՝ աչքերը  
պղտոր ու այլանդակ, երեքալով մօտենում, գրկում է վա-  
ճառուղ կնոջ լիքը մարմինը, ապա ընկնում, թաւալում  
է գետին՝ ոռնալով մի անպատկառ երգի անհասկանալի  
կտորները:

Լուսացաւ. գնացքը դարձեալ եկաւ շառաչելով. հա-  
րիւրաւոր գլուխներ կրկին դուրս ցցւեցին լուսամուտնե-  
րից, բազմաթիւ անտարբեր, քնկոտ աչքեր նայեցին մե-  
նաւոր տնակին, և ոչ ոք, ոչ ոք չիմացաւ, թէ ի՞նչ անա-  
գին ցաւ կայ բուն դրած այն չորս քարէ պատերի մէջ:

Գնացքը սլացաւ սրտատալով. մեծ կեանքն էր այն՝ ա-  
նողորմ ու կոյր, որ փշրելով անցնում էր մանր գոյու-  
թիւնների վրայից:

## Հ Ո Ւ Փ Ս Ի

Իննը տարեկան շինական աղջիկ Հովհաննէս կամի վը-  
րա կանգնած՝ կալ է կալսում և տաղաուկ ձայնով երգում  
է: Հսուկելժ, եզը ջան. կալ արան, եզը ջան...

Կալի ամբողջ լայնութեամբ փուած է ցորենի օրա-  
նը, որը դոյզ եզների համաչափ քայլերի տակ տրորում,  
նորից բարձրանում և թողնում է ցաք ու ցրիւ հետքեր:  
Կամ խշշալով սողում է առաջ և երբեմն երբեմն քաւելով  
եզան ոտքերին հարթում է օրանը. եզը զգուշութեամբ  
խլում է ոտքերը նրանից, բայց կամը նորից հասնում,  
քերծում, արիւնստում է նրա սրունքները:

Շոք է, թող է բարձրանում. կալի վրա ախրում է  
տաղակութիւն: Եզները յոգնել են, հագիւ են քարշ տալի  
անագին կամը. յոգնել է Հովհաննէս, աչքերը փակւում են.  
գլուխը ծանրացել ցած է ընկնում, ոտքերը ցաւում են:

Մանի ման արա, եզը ջան. — դնդրնում է նա. — կալը  
մանը արան, եզը ջան: Կալի շուրջը գոթագների տակից ան-  
հանգիստ ազմուկ է անում ճռիկը: Մարաքի կտերը, ցո-  
րենի դէզի մօտ, պառաւ Եզսիկ տատը փնթփնթալով թափ-  
փուած հասկերը խնամքով հաւաքում է: Լուռ է միայն  
Հովհաննէս մայր, նոր այրիացած Շողերը, որը եզանով  
ախուր, տրտում շուռ է տալի օրանը:

— Քէ, բալայ ջան, բէ. օրը ճաշ էլաւ, կալը դեռ  
չի իմացել:

«Օրը ճաշ էլաւ». սհ, Հովհաննէս ինչպէս կուզէր, որ  
իրաւ օրը ճաշ լինէր: Նա իր թմբած աչքերը բռնցքով տը-  
րորում է, ապա դոթագի տակից նայում է կտորած սայ-

լի շւաքին: «Օ՛ դեռ շատ կայ շւաքը պէտք է թէքւի սրահի պատին հասնի, որ օրը ճաշ լինի» . մտածում է նա, բայց մօրը ոչինչ չի ասում:

Արեգակը բարձրացել է, իր բուռը ճառագայթները ուղղել է կալին, ծղոտը տաքացել վառւում է. կալի միջից տեղ-տեղ կարծես ալաւ է բարձրանում: Սպիտակ փալասի կտորը չի կարողանում Հռիփսիկի գլուխը ամբողջապէս ծածկել. նրա ծոծրակը, ճակատը, այրուել, սևացել, մազերից չի զանազանւում: Մի քանի տեղ կարկատաններով լաթած շապիկն էլ հազիւ է ծածկում նրա մերկ մարմինը:

Օ՛, ինչ շոք է. կոչում է նա և ակամայից աչքը կըթում է դէզի շւաքին. «եթէ այժմ նա կարողանար, այնտեղ պառկել. գլուխը խրձին դնէր և քնէր, երկար քնէր: Ամբողջ գիշերը նա ցորենը շատաբարել է մօր հետ. դարմանը հալել է մարաքը, և հազիւ ընկել էր քնելու՝ վեր էին հանել և վաղ առաւօտւանից կամի վրայ չորանում է:

«Կալը մանր արա, եզը ջան. նորից շնչում է նա. «հօռօվել» եզը ջան» . երգում է նա կարծես տաղտուկը հեռացնելու համար:

Տաղտուկը չի հեռանում, նա աւելի է թմրում, միատեսակ պտոյտները, եզների համաչափ քայլերը, ծղոտի, կամի խշշոցը, ճռիկի պաղ-պաղ կոչը, այդ բոլորը ձուլւում, ներդաշնակում են մի օրօրի, որը այնքան քաղցր է լւում երբ պարկում են քնելու...

Նա աչքերը տրորում, նորից նայում է սայլի շւաքին. այսօր նա կարծես տեղը քարացել է. չի շարժւում: Գոնէ տանիքը մէկը դուրս գար և իրան տեղ կամը քէր. մտածում է նա և քունը փախցնելու համար, նորից գնդնում է:

«Հօռօվելօն» նրա բերանում մեծանում, լիզուկի վրայ ճնշում է և նա չի կարողանում մինչև վերջը ասել. գլուխը հակւում է, ծնկները թուլանում, ընկնում է նա կամի վրա: Թւում է նրան, որ սայլի շւաքը մեծացել— դս-

խաղից անցել է, երկարացել— սրահի պատին է հասել: Ճաշ է. եզները բաց է թողել. տարել է աղբիւրը, եզները ջուր են խմում, ինքն էլ է ուզում խմել. աղբիւրը քշքշում է, սառը ջուրը անցնում է նրա բերանի մօտով, վիզը ցաւում է, ծոււււմ է, ուզում է հասնել ջրին, բայց յանկարծ մինը ծոծրակին խփում է, գլուխը դիպչում է քարին: Նա աչքերը բաց է անում, նայում է շուրջը. եզները կանգնել են. պառաւ տատը փնթփնթում է:

— Գլուխդ մեռնի, եզները ցորենը կերան, դու քրնում ես:

Պառաւը դեռ երկար անիծում է թոռին, խսկ նա գարմացած նայում է նրան, և հազիւ ուշքի գալով, խփում է եզներին և նորից սկսում է ընդհատւած պտույտները:

Այդ միջոցին պառաւ քոթօն, պոչին հաւաքւած ճանճերի հետ կոււելով, արագ անցաւ կալի միջով, և մի քանի բերան ճանճ որսալուց յետոյ, քնկոտ գլուխը կոխեց դէզի խորքը, ոտքերը ձգեց և դէզի շւաքում սկսեց հանգիստ խռմփալ:

— Քուլթի, քուլթի, ինքն էլ չիմանալով թէ ինչնու, մի քանի անգամ կանչեց աղջիկը: Շունը դանդաղ կերպով պոչը շարժեց, և ցանկանալով հաւաստիացնել իր համակրանքը, թեթև կերպով բարձրացրեց գլուխը, նայեց աղջկանը և նորից սկսեց խռմփոցը:

— Քուլթի, քուլթի, նորից կանչեց նա, բայց այս անգամ շունը ծուլացաւ պատասխանելու, այլ շարունակեց աւելի եռանդով խռմփալ, որով Հռիփսիկին աւելի ու աւելի էր գրաւում դէզի շւաքը. եթէ ինքն էլ կարողանար գլուխը դնէր քոթօի վրայ և նրա պէս հանգիստ քնէր...

— Ջուր եմ ուզում, դառաւ նա մօրը: Մայրը փայտեայ փոքրիկ կուժը շւաքից հանեց, աւեց աղջկանը. եզները կանգ առան, նա կուշտ խմեց, և փոքր ինչ թարմացած՝ ուզեց նա մօրը հետ խօսել:

—Մայրիկ, կալը որ քամենք, դէզի տակը կը քնենք, հմ. այ, քոթօն որ քնել է:

Մայրը լուռ էր. նա խորասուզուած իր մտածմունքը- ների մէջ, առանց հասկանալու աղջկայ ասածը, մեքենա- բար միայն գլխով է անում:

—Մայրիկ, նորից դառնում է աղջիկը մօրը, — կալը որ քամենք, ցորենը էլի պիտի տանի՞ն:

Մայրը նայում է աղջկանը, բայց չի պատասխանում:

—Մայրիկ, ցորենը քոխլան պիտի գայ չափի ու ի- րանց առնը պիտի տանի՞:

Տատին էլ խո՛ւ չի ծէծիլ, չէ՞ նանի:

Նանը լուռ էր. նա զգուշութեամբ նայեց տատին, կարծես համոզուելու համար, որ այսօր տատին հո չը պի- տի ծեծեն: Այդ միջոցին Հոբիփսիկի փոքր եղբայրը ձմե- րուկի մի մեծ կճէպ վազելով բերեց տւեց քրոջը. — ես էլի կը բերեմ. — ասաց ու նորից վազեց դէպի խանութը, ուր խլխուում էին իրար ձեռքից աղբակոյտում թափւած ձմերուկի և սեխի կճեպները:

Հոբիփսիկը մի քանի անգամ կռան տակով սրբեց և ազահարար կրծեց, մինչև կճեպը ձեռքումը կը հալուէր: Անցեալ ամառ լաւ էր, յիշեց նա, ապին ձորիցը մի բեռը ձմերուկ բերեց, ինքը այդ օր մի ամբողջ ձմերուկ ստա- ցաւ, մեծ, կարմիր ձմերուկ էր. նա միայն կէսը կարօ- դացաւ ուտել, իսկ միւս կէսը ջուր շինեց ու խմեց. անո՛ւշ ջուրը: Նա նորից ծարաւ զգաց, նայեց շաքին, թեքւել էր քիչ էր մնացել, որ հասնէր սրահի պատին. բայց այդ քիչը որքան երկարանում է... նայեց քնած քօթօին, որը գլուխը հանել, մի քանի աներես ճանճերի հետ կուում էր. նրա քաւթառ ատամները մի քանի անգամ խփւեցին ի- իար, ապա նորից գլուխը կոխեց դէզի խորքը:

—Քութի, քութի, քութի, կոչեց Հոբիփսիկը ինքն ի- կան, առանց շանը նայելու. շան անտարբերութիւնը Հոբի- րմովն չէր վրդովում, նա միայն ցանկանում էր շանը

հասկացնել, որ քութի լինելը լաւ է. նա համ կամը չէ բշոււմ, համ էլ շաքի տակը քնում է: Եթէ ինքն էլ քնէր. այնպէս աչքերը փակէր, քնէր խորը, նրան ոչ ոք չը գար- թեցնէր:

Կալի մօտով անցնում էին գիւղի մեծամեծները: Քա- դաքից ստացած նոր օրաթերթը ձեռքերին, կարդում էին. լաւ լուր չէր բերել նա՛ բոլորի դէմքն էլ դաժան էր: Նը- բանք կանգ առան կալի առաջ. մէկը մօտեցաւ, ինչ որ փսփսաց «քոխուկ» ականջին, սա ուղղելով վրի դեղին նը- շանադրոշմի շղթան, հազաց և դէմքին լուրջ դիրք տալով, դառաւ Շողերին. — Այ քերայ, այնպէս արա, որ էլ դուռդ չը բերես ինձ. էս մարդին պարտ էք 5 թաղար 20 խան ցորեն. իրան կը տաք: Գլխինդ լաչակ ա, ես չեմ կարող ոտս ոտիդ դնել, հէնց արա էն օրուայ պէս աշխարհը դը- խիդ չըբերեմ:

Հոբիփսին լացակնւել էր, պառաւ տատը աւելը ձեռ- քին կուշ էր եկել երկուտակել և դողում էր բարկութիւ- նից. Շողերը ամօթխածութիւնից գլուխը կախել, տխուր- արտում նայում էր առաջը ընկած հասկերին. նրա աչքե- րից կաթ-կաթ ընկնում էին արցունքներ:

—Քշիր, բալա ջան, տեսնենք ինչ է գալիս գլուխ- ներս. արցունքի արանքից ասում է նրան մայրը՝ գիւղի մեծերը հեռանալուց յետոյ:

Աղջիկը շապիկի թևով սրբում է աչքերը և կատարե- լով մօր հրամանը նորից սկսում է «Հօռօվելօ, եզը ջանը»:

Տատը կարծես մեխուած լինի դոխազին, ոչ մի շար- ժում չի անում. դա թողը նկատում է, նրա սիրտը ցա- ւում է — տատի ջան, դառնում է նա պառուին. — դնա, դէզի շաքը, գլուխդ վէր դի, միքիչ ննջայ:

—Տատդ սև ննջայ իրա գլխին, մահը փախել է նը- բանից:

—Ինչի մեռնես, տատի ջան, քոխլէն գնաց, նա էլ

քեզ չի ծեծիլ. նաչառլիզը չի թողնիլ, այ, որ եկել էր քո-  
խուի տունը:

— Բի՛ն լեզուիդ տուր, քշէ, օրը ճա՛ն ելաւ, պառաւը  
համբերութիւնից դուրս գալով նկատեց թոռանը: Սատըխ-  
րեց. նայեց եղներին, նրանք հեռում էին: Կա՛լը մանր ա-  
րա՛ն, եզը ջան. նա ա՛ջ ձեռքով եզան շփելով սկսեց իր հո-  
ռովելոն աւելի քնքոյշ և վշտալի:

## Պ Ա Հ Ա Կ Ը

Զօրանոցի նեղ սրահանցքում անհանգիստ ոնց ու  
դարձ էր անում պահակը. նա իր համաշափքայլւածքի հետ  
նայում էր պատից կախւած մեծ ժամացոյցին և երբեմն իր  
մոլոր հայեառքը ուղղում էր հեռուն, խաւարի մէջ նշմար-  
ւող սարերի կատարներին:

Գիշերը տարի էր դառել. ոչ մի շշուկ, ոչ մի ձայն,  
ոչ մի կենդանի արարած չկոր շուրջը. միայն մի հատիկ  
դժգոյն լամպարն էր ազոտ ցոլքեր արձակում. ա՛հ ինչ  
տխուր էր:

Նա ծոցից հանեց մաշւած, դեղնած ծրարի մէջ պահ-  
ւած մի հին նամակ. մօտեցաւ լամպարին և խնամքով  
սկսեց բացանել նրա ծալքերը. նա կարդալու համար չը  
հանեց նամակը գրագէտ չէր, բայց նամակի ամեն մի  
գիծը, ծուռնումուռ երկար սողերը նրան շատ բան էր ա-  
սում. նա ծանօթ էր, հասկանում էր, աւելի շուտ պզում  
էր, որ իրան այդտեղ հարազատ, սրտակից շատ բան կար  
ասւած:

Նրան պատկերացաւ գիւղի փոքրիկ եկեղեցին. ծերու-  
նի Տէր-Ուհանը հարթ գերեզմանաքարին նստած, կորա-  
ցած մէջքով զանգակատան սիւնին հենւած՝ նամակ է գը-  
րում. նրա ոտքերի մօտ, փեշից ամուր բռնած, գլուխը  
խոնարհել, կծկւել է իր մայրը. փետուրի գրիչը դողում է  
սպիտակ թղթի վրայ. իսկ մօր աչքերից—արցունքը այն-  
պէս հոսում է:

«Սարեր, լեռներ ձեզքեց, օտար աշխարհ հանեց, գեա-  
մին կրակի պէս փախցրեց հեռո՛ւ, հեռո՛ւ, մօր աչքից, մօր

կրծքից խլեց որդուն»... գրել էր մայրը: Երկար նայեց նա նամակին, թուղթը մօտեցրեց շրթունքներին և համր լուսթեան մէջ ապրում էր մօր իւրաքանչիւր խօսքի, իրաքանչիւր շեշտի հետ: Միրտը բաբախում էր, կարօտ էր զգում, անսահման կարօտ: Նա հոգով թոել էր հայրենի աշխարհը. ահա իրանց գիւղը, ահա ճանապարհի խաչքարը, հարազատ տունը, օջաղը, ահա մեծ եղբայրը, ծերունի հայրը, իր սիրտուն քոյրը և պառաւ տատը: Այնտեղ ինչլաւ էր. օջաղի շուրջը բոլորը շարւած... Նա որքան երջանիկ էր. բայց այժմ, հրացանը ամուր գրկած՝ հսկում է մարդկանց. ինչու...

Երէկ նրանց երգւեցրել էին, մաղթանքով, խաչերով, աւետարաններով. նրանք համբուրել երգւել էին, որ իրանց գնդակը շի վրիպել, որ իրանք առանց տատանւելու լուռ ու մունջ կը կատարեն իրանց վրայ դրած սուրբ պարտքը, գնդակահար կանեն երբ... նա յիշեց այդ բոլորը և սառսուռ զգաց: Յիշեց երբ նա դողդողալով մօտեցնում էր շրթունքները, աւետարանը ցնցւեց, խաչը տէրտէրի ձեռքում դողաց և զինորին թւաց, որ յանցանքի առաջին քայլը արել էր:

Սառեցնող ցոլրտ անցաւ նրա ամբողջ մարմնի մէջ. ճակատ շփեց, մի քանի արագ շարժում արաւ և տենդային դրութեան մէջ սկսեց նորից անցուղարձ անել:

Հարևան սենեակում ընկերները այնքան հանդիստ քնած էին. այն ինչ ինքը տանջւում է. միտքը պղտորւել էր, անդուլ մտածմունքներ եկել պաշարել էին նրան. ինչո՞ւ է նա տանջւում. ինչու է նա դատապարտւած հրացանների սւխներին, խաչերին և աւետարաններին: Խաչով նա երգւում է, որ սւխներով մարդիկ սպանի. որպիսի սերտ կապ այդ երկու գործիքի մէջ. մէկով նա երգւում է, որ միւսով ոճիր գործի... Նրան այդ թմրութիւնից հանեցին մի շարք կալանաւորների մօտենալը զինւորանոցին. նա զգաստւեց, ուղղւեց, հրացան առաւ ուսին և սպասողա-

կան դիրք բռնեց: Արդէն լուսացել էր և նա որոշ կարողացաւ տեսնել կալանաւորների դէմքերը. սովորական հագուստով, բարի և խելացի տեսքով մարդիկ էին. նրանց մէջը կար մի գեռահաս կին, երեք քահանայ՝ երկուսը դեռ շատ ջահել, միւսը ալեխառն. մնացածները թւով 7 - 8 հոգի երիտասարդներ էին: Մի շարք զինւորներ հրացանների մէջ առած, միւսները մերկացրած սրերով շղթայ էին կապել նրանց շուրջը և դանդաղ քայլերով մօտենում էին սրահանցքին: Նա կարառու կանգնեց, պատշաճաւոր պատուով ճանապարհ տւեց նրանց դէպի՝ զօրանոցի մուտքը:

— Ինչո՞ւն է սրանց յանցանքը, հարցրեց նա զինորներից մէկին,

- Պալիտիչսկիներեն, պատասխանեց սա ցածր:
- Ի՞նչի բերեցիք մեզ մօտ:
- Պիտի գնդակահարէք. աւելի ցածր ասաց նա:
- Մէնք. այդ բոլորի՞ն:
- Մի քանիսը այսօր, միւսները վաղը... հազիւ լսելի ասաց նա և նոյն ձևով հարցրեց.
- Դուք երգւեցի՞ք:
- Այո՛.
- Խաչերով, աւետարաններով:
- Պահակը գլխով դրական շարժում արաւ:
- Իսկ դո՞ւք, երկիւղով հարցրեց նա.
- Զինւորը առանց պատասխանելու հեռացաւ. բայց պահակը նրա աչքերում նշմարեց դառը հեգնութիւն և վիշտ:

Թէ ինչպէս պատահեց, և ճանապարհին որպիսի դժուարութիւնների հանդիպեց, պահակը այդ չը գիտէր. միայն մի բան նրա համար պարզ էր, որ նա այժմ իր հայրենի գիւղումն է:

Սրտապատառ նա տուն ընկաւ, մոլոր, վշտահար այլ-

այլւած. նրա դէմքը դալիւացած էր, խոր ընկած աչքերը երկիրէ, սարսափ էր ազդում նայողին:

Մեծ եղբայրը և ծերունի հայրը զարմացած նայում էին:

Մայրը այնքան էր անաբեկուած, որ լեզուն կապւել էր. ամբողջ տունը քարացել էր:

— Ի՞նչ է պատահել, այդ դձու էս. ուժերը հաւաքելով խօսեց հայրը:

— Դուռը փակիր, փակիր... գալիս են:

— Ո՞վ, սրտեղից, սուր էիր գնում:

— Ահա այնտեղ երեք սև սիւն կայ, այնպէս կանգնած.

խօսեց կցկաուր պահակը:

— Վազեցի յետ, նորից կանգնեցի: «Գնա կապիր, թուղը առ կապիր, նրանց կանները այն սիւներից»:

— Լ՛ըրսում եմ... առացի. բայց ձեռքերս զոդացին, գլուխս պտայտ եկաւ, ընկնում էի:

«Շո՛ւտ», գոռացիր վրաս: Արդէն կապում էի նրանց ձեռքերը. չէի համարձակում տեղիցս շարժւել, նայել նրան. և երբ յետ էի գալիս, սիրտս ամբացրի, նայեցի, ա, այնտեղ է, նա ինձ նայում է... հետու, շուր ածա այդ կրակին. հանգցրու, ես վախում եմ:

Նա երկու ձեռքով ամուր ծածկեց երեսը. և կարծես երազի մէջ խօսեց:

...Սև, երկայն մազեր թափւած կրակոտ աչքերին, նա ինձ այնպէս նայեց. վշտահար... մայրիկ: Վերջի բառը նա այնքան բարձր արտասանեց, որ տունը զոդաց: Մայրը ուշափորոյս մօտեցաւ նրան. ուզեց սփոփել, մի բան ասել որդուն, բայց սոգան առանց ուշքի գալու շարունակեց:

«Անցէք տեղներդ, հրամայեցին մեզ»:

Կանգնած էինք:

«Կ՛ը-րակ»...

Ձեռքերս զոդաց, հրացանը վայր ընկաւ. գոզում էի, ամբողջ մարմնով ցորտ էի զգում:

Մեր յետևից շարւեց մի այլ գունդ, լաւեց փամփուշտների շառաչիւնը, փողերը ուղղեցին դեպի մեզ. մեծ խարույկ պատրաստեցին մեր շուրջը. սարսափով էինք:

«Ն՛ը-շան». գոռացին մեզ:

Վ՛ըջ. թուաւ գնդակը, աչքերս մթնեց:

Ընկած էր նա, թուկից կախւած ընկած. վիզը ծուել, թեքւել էր պարանոցին. ձախ ձեռքով նա ամուր սեղմել էր իր վերքը բայց աչքերը, ես նայեցի նրանց. կրակ էր, թէժ կրակ, նրանք վառուում էին. մօտեցայ նրան. ծնկաչոք ընկայ նրա առաջ, կպայ նրա վիրաւար կրծքին, արիւնը պահեցի ներսը, պահեցի, որ աչքերս չըտեսնի. լուռ ողբում էի, այնքան տանջանք կար այնտեղ վիշտ, ցաւ կար այնտեղ, սիրտս ճմրլում էր... ես փախայ: Նրա կրծքի տակ խաչ էր պահւած, և այդ խաչը նրան սպանեց:

Նա խենթացած նայում էր. մերթ ընկնում էր մօր գիրկը, մերթ հեռու էր նետուում նրանից: Վազում էր դէպի եղբայրը. նորից իր յուսահատ, աղերսական հայեացքը գցում էր մօրը և կարծես ուզում էր հանգստանալ. որոնում էր, բայց տեղ չէր գտնում... Յանկարծ նա մի ճիչ արձակեց.— Թող ինձ աքսորէին, թող տանջէին տաժանակիր աշխատանքներում, թող մուժ բանտերում քայքայէին իմ ամբողջ կեանքը. բայց չասէին այդ սիւնին կապած մարդուն սպանիր. չասէին թուկ առ և...

Նա կուչ եկաւ, կծկեց և դառը կերպով սկսեց հեկեկալ. նրա դէմքը վշտահար էր, ճնշւած ու յուսահատ, երբեմն իր պղտոր հայեացքը գցում էր հեռուն, շղաձգական ցնցումներ էր անում, երբեմն աչքերը փակում կպչում էր մօր կրծքին և հազիւ լսելի արտասանում.

...և կրակը այնպէս բոցավառուում է. երկինքը կատաղի մրրիկ է բարձրացրել՝ տանում է մեզ. սուր...

### Բ Ա Ն Ի Ո Ր

Մեծ չէր Օհանի ընտանիքը. կինը, վեց տարեկան աղջիկ և փոքրիկ տղայ:

Իր ջնջին օրուայ վաստակով նա հազիւ էր կարողանում պահպանել իր փոքրիկ ընտանիքի խղճուկ գոյութիւնը:

Օհանը «սև բանւոր» էր երկաթուղու մեծ արհեստանոցում, բայց ձգտում էր սովորել, հետևում էր վարպետներին, որ ժամանակով գէթ վարպետի օգնական դառնայ:

Մի կիւրակի, շուկայում. երկար տատանումից յետոյ, գնեց մուրճ, մանգանայ, խարտոցներ և մի քանի մանր գործիքներ:

Այդ օրը Օհանի տանը կենդանութիւն էր տիրում. նա մանգանան էր ամբացնում սեղանին, գործիքները սրբբում-փայլեցնում, խարտոցներն էր դասաւորում: Երկու փոքրիկները մանկական հետաքրքրութեամբ նայում, օգնում էին իրանց հօրը, իսկ կինը՝ Եոթերը ճաշ էր պատրաստում: Ամբողջ ամիս է որ մսի համ չէին տեսել. այս շաբաթ նրանք վարձ են ստացել և այդ շաբաթիւնը արեցին:

Որքան կոպիտ և առնական էր Օհանը իր խոժոռ դիմագծերով, նոյնքան նրա Եոթերը քնքոյշ և կանացի էր իր կազմաւածքով: Օհանը սիրում էր կնոջ և ամեն օր նորանոր առաւելութիւններ էր գտնում նրա մէջ: Կինը այդ զգում էր և աշխատում էր սիրտ տալ, քաջալերել Օհանին: Երբ սա յոգնած, դադարած, տուն էր Գալիս, ուրախ դիմաւորում էր նրան, հոգում էր նրա թէյի, հացի մասին, աշխատում էր միշտ ուրախ տրամադրութեան մէջ պահել նրան:

Օհանն էլ բոպէսպէս կազդուրուելով՝ սկսում էր պատմել գործարանի կեանքից. մանաւանդ նա սիրում էր նկարագրել դարբնոցի աշխատանքը: «Գիտես, ինչպէս են երկաթները կաղապարում, յղկում: Մեծ հնոց է. երկաթի անպէտք կտորներ հաւաքում, կապուկ-կապուկ դարսում լցնում են այնտեղ, ապա դռները ամուր փակում և կրակ ու բոցը տալիս են նրա տակը: Երկաթները կարմրում, շիկանում, եռում են. այդ ժամանակ վարպետը դառնում է մեզ:—Դէ, աղերք, պատրաստուեցէք: Եւ մենք, ահագին ունելիքները ձերքերնիս, մի ալիւթարթում դուրս ենք քաշում մի մեծ զանգուած՝ կրակ ու բոց և դնում շոգէշարժ մուրճի տակ: Կայծերը խուրձ-խուրձ փախչում են մուրճի տակից, մեր երեսին, ձեռքերին և մենք լողում ենք բոցի, կրակի ու կայծերի մէջ: Բայց սարսափելին յղկող, կաղապարող մեքենաներն են. սրանք շառաչիւնով դառնում են և մենք երկաթի մեծ զանգուածը մուրճի տակից նրա այս կամ այն բերանը պիտի նետենք, մինչև որ շատացուի կալանոնաւոր ձեւերով յղկուած, գործածութեան համար պատրաստ ձողեր: Երբ անիւները դղրդալով դառնում են, երբ հսկայական ճախարակները մէկը միւսի մէջ օձապտոյտներ են անում, մարդ սարսափում է. բաւական է մի անգոյշ քայլ և աշխատաւորը մեքենաների ալուաների տակ է, նա այլևս այս աշխարհիցը չէ:»

Կինը սարսափով խնդրում էր ամուսնուն՝ թողնել դարբնոցը, բայց Օհանը ծիծաղում էր, հպարտանում էր որ աշխատում է վտանգների մէջ: Ինքնաբաւական կերպով միշտ նա հանգստացնում էր կնոջը. նա վտանգից վախեցող չէ, վարպետից էլ լաւ է հասկանում իր գործը. բայց աշխարհը անարդար է, իրան իր ընդունակութիւնների համեմատ չեն վարձատրում... Այն օրից, երբ կաշուի գործարանում նրա «ըմբոստ» հրատարակեցին և դուրս վճարեցին, ամբողջ երկու ձիգ տարի, վաթսուհ կոպէկ օրավարձով են նրանք ապրում: Կարիքը նրանց շատ է նե-



դու՛մ, բայց մի կերպ տանում են, յոյս ունենալով, որ մի օր նրան վարպետի տեղ պիտի տան: Ահա թէ ինչու այսօր նա շատ ուրախ է, գործիքներ գնելու բուպէից նա իրան արդէն իսկական փականագործ է համարում: Եւ աւելի եռանդով սրբելով ու փայլեցնելով իր նոր գնած գործիքները, Օհանը դասաւորեց նրանց և նստեց ճաշի ու բերկրութեամբ սկսեց մտապատկերել իր ապագայ գործունէութեան ծրագիրները:

Կինը պատրաստեց մի սեղան, որի ձոխութիւնը նրան գարմացրեց:

— Գինով լի շիշ, կանաչի, պանիր, վարունգ, այս ի՞նչ է Եսթեր, դարձաւ նա կնոջը: Եթէ միշտ մենք այսպիսի ճաշ ունենայինք:

— Եւ ամեն կիւրակի կ'ունենանք.

— Ի՞նչպէս, ուրախացած, հարցրեց ամուսինը:

— Մայրիկս շատ փող ունի, գիտե՞ս, մայրիկը շատ շորեր է կարում. ասաց աղջիկը նայելով մօրը:

— Ի՞նչ շորեր, ո՞վ, գարմացած, գիմեց Օհանը կնոջը:

— Այո, հրճանքով պատասխանեց կինը. ես էլ եմ փող աշխատում, ես սրանից յետոյ օրական քսան կոպէկ պիտի աշխատեմ. չորս շապիկ հեշտ կը կարեմ, դեռ օրը վեց եօթն էլ կը կարեմ: Մի մարդ բերեց, ինքը մեծ վաճառական է, ասում է. — «Նեղձ ընտանիք էք, գիտեմ, ձեր ամուսինը բանւոր է, գիտեմ, մարդը մեղք է, մենակ չի կարող տուն պահել, ժամանակս, ասում է, գէշ է. կ'ինն էլ պիտի աշխատի. մեր հայ կանայք մենակ ուտել, խումել, հագնել գիտեն, իրանց մարդկանցը չեն օգնում, ասում է»:

Նա պահարանից հանեց սպիտակեղէնների կապոցը և շարունակեց. «Երէկ բերեց, ասում է, մինչև շաբաթ օրը պիտի վերջացնես, քառասուն կոպէկ էլ փող տւեց. ասում է. ուրիշները օրական 10-ը կարում են, ամիսը 7—8 մանէթ փող են աւնում»: Որքան ուրախ եմ, ես էլ կ'աշխա-

տեմ, դու էլ կ'աշխատես, միայն խնդրեմ, դու այժմ այդ գարբնոցից դուրս արի. տեղափոխուիր աւելի հեշտ բաժանմունքները, ոչինչ եթէ օրավարձդ քիչ էլ պակաս կը լինի, այնպէս չէ՛»:

Ամուսինը մեքենաբար գլխով արաւ, նա կէս գարմացած, կէս թերահաւատ լուռ նայում էր կնոջը, նրա բոլոր շարժումներին և սպիտակեղէնների այդ հարուստ կապոցին: Կամաց-կամաց նրա ճակատը կնճուռւմ էր, բիբերը լայնանում, հայեացքը պղտորւում էր: Նա նորից նայեց կնոջը, աւելի գննող. աւելի խորը, նրան թուաց, որ այսօր նա աւելի է գեղեցկացել, աւելի գրաւիչ, աչքերը բոցավար, երջանիկ: Երկար նայեց նա այդ հմայիչ պատկերին, ապա գլուխը կախեց, աչքերը դարձրեց իր մաշուած ու մրտաւած կաշուի պինջակին, կոշտացած ձեռքերին... դողաց, ցաւեցնող ցուրտ անցաւ նրա ամբողջ մարմնի մէջ. սոսկաց, ցնցուեց ու տեղիցը վերկացաւ:

Գիշերը վրա հասաւ, բայց Օհանի քուռը չէր գալիս, նա շարդւած ու տանջւած էր գգում իրան: Զանազան մոլթ մտքեր գալիս անցնում էին նրա յոգնած գլխով, նա շատ ուրախ կը լինէր, որ այդ դէպքը պատահած չլինէր: «Ի՞նչու ինքը այնպէս չլինէր, որ իր ընտանիքը պահել կարողանար»: Բայց այժմ իսկապէս դա չէր նրա միակ վիշտը. գլխաւորը շատ խորն էր, գաւեցնող և սիրտ կրծող, որից նա սարսափում էր: Յանկարծ նա վեր էր թռչում և աչքերը լայն բացած՝ գննող հայեացքով, նայում էր հանգիստ ու երջանիկ քնած կնոջը: Երբեմն նա ամաչում էր իր սեփական մտքից, աշխատում էր մօռմանալ, քնել, բայց ներքին կրակը վառում էր նրա հոգին:

Բն-ն... սուլոցի խրոխտ ձայնը անցաւ տարածուեց քաղաքի հազար ու մի աղքատիկ տան վրայ և Օհանին իր

ներքին տանջանքից հանեց: Նա վեր թռաւ տեղիցը, երե-  
սին խաչ հանեց ու շտապեց արհեստանոց:

Երբ գործարանի մեծը եկաւ, նա անվստահ կեքքով  
մօտեցաւ և աշխատի աղերսանքով խնդրեց՝ գիշերն էլ ի-  
րան գործ տալ, որ սա չկարողացաւ մերժել. միայն գար-  
մացած հարցրեց.

— Ի՞նչպէս, դուք դարբնոցում չէ՞ք աշխատում, այն  
ծանր աշխատանքից յետոյ էլ ոյժ կը մնայ գիշերուայ հա-  
մար:

— Վիճակս նեղ է. ընտանիքս մեծ է. չեմ կարողա-  
նում պահել. եթէ կարելի է, հէնց այս օրուանից...

— Լաւ, եթէ ցանկանում էք—ես դէմ չեմ:

Օհանը ազատ շունչ քաշեց: «Սյժմ ես օրական մի  
ուրբի կաշխատեմ, դա մեզ բաւական է. Եսթերին կ'ա-  
սեմ. դու աշխատանքի սովոր չես, աչքերդ կը ցաւեն...  
կ'ասեմ, ես երեկոներն էլ եմ աշխատելու, օրավարձս մի  
ուրբի է: Նա կ'ուրախանայ էլ չի կարի Եւ, կարծես մի  
փոքր ինչ թեթևութիւն գգալով, նա նորից կպաւ գործին,  
անհամբեր սպասելով երեկոյին, որգնայ տուն, իր Եսթերի  
մօտ, պատմէ նրան օրուայ անցածը: Բայց այդ դրութիւնը  
երկար չտևեց, հանգիստ աշխատել չէր կարողանում, նո-  
րից մտածմուքներ գալիս պաշարում էին նրան. «Եսթերը  
կ'ասի, աւելի լաւ, այժմ մենք երկուսով աւելի շատ կ'  
աշխատենք, աւելի լաւ կ'ապրենք»: Նա երբեմն վճռում  
էր անկեղծ կերպով բանալ սիրտը, ասել. «Եսթերը ջան,  
ես կասկածում եմ... երկիւղ եմ կրում... չեմ ուզում,  
որ մի ուրիշ տղամարդ նայէ քու երեսին. խօսի քեզ հետ,  
ձեռք տայ քեզ. ես կը մեռնեմ, ես վախում եմ, թուում է  
ինձ, որ քեզ կը խլեն ինձանից... մի՛ կարիլ:»

Միտքը ալեկոծ՝ նա աշխատեց մինչև գիշերուայ ժամի  
տասը և իր յոգնած քայլերը ուղղեց դէպի տուն: Նա գ-  
նում էր արագ և միևնոյն ժամանակ ծրագրում իր ասե-  
լիքը: Քանի դեռ անից հեռու էր՝ կտրական էին նրա վճիռ-

ները. երբ տանը մօտեցաւ, յանկարծ բոլորովին փոխուեց:  
«Սյժմ Եսթերը քնած կը լինի. մտածեցնա, զգուշութեամբ կը  
մտնեմ, դուռը կամաց կը բանամ, որ չզարթեցնեմ նրան.  
չէ՞ որ նա յոգնած է. ես առաւօտեան կ'ասեմ բաց կանեմ  
սիրտս նրա առաջ:»

Մտի բաբախումով մօտեցաւ նա տանը. դուռը փակ  
չէր, լամպան դէռ ներսը վառուում էր: «Մի՞թէ քնած չէ,  
երևի դեռ աշխատում է», մտածեց և զգուշութեամբ դու-  
ռը բաց արաւ. բայց ինչ մեծ նորութիւն նրանց տանը:  
Կինը վեր թռաւ և սովորականից ուրախ ընկաւ մարդու  
վիզը ու համբուրելով կոչեց:

— Օհան ջան, տեսնում ես, մենք կարի մէքենայ ու-  
նենք: Ի՞նչու, ի՞նչու ուշացար. սրբան անհամբեր սպա-  
սում էի քեզ:

— Գիտես, սա մերն է, վաճառականը գնեց. չես հա-  
ւատում, ես ամեն ամիս իմ աշխատած կարի փողիցը պի-  
տի վճարեմ նրան. նա ասում է, որ ես այժմ տասը ուրբ-  
ուց աւելի կաշխատեմ, թող ինքը ամսական հինգ ուրբ-  
լին տանի՝ մինչև պարտքը վերջանայ: Տես, այսօր համա-  
րեա ճաշից յետոյ տասը շապիկ եմ սկսել, շուտով կ'ա-  
ւարտեմ:

Կինը նորից մօտեցաւ մեքենային, վերսկսեց իր ընդ-  
հատած կարը, լցնելով սենեակը մեքենայի միտկերպ աղ-  
մուկով:

Օհանը ոչինչ չասեց. նայում էր մեքենային, նայում  
էր կնոջը, նրա արագաշարժ ձեռներին. թուում էր, որ այդ  
անշունչ մեքենան իրանից բարձր է. որ նա չի կարում,  
այլ կուռում, իր սուր ասեղով նրա կուրծքը ծակտաւում է.  
և ինքը չի կարողանում նրա հարւածներին դիմանալ: Օ,  
այդ բոլորը տանելու համար նա շատ անգոր է:

Մի վայրկեան նա նորից վճռեց դուրս գնալ, փախ-  
չել անից, չլսել այդ ձայնը, բայց կանգ առաւ, մի ճիգ  
թափեց, ուղեց խօսել:

— Եսթեր... Եսս... ըրը... երեխաները... Վաղճւց է, որ քնել են:

Կինը մեքենայի արանքից զարմացած նայեց ամուս, նուն և պատասխանի փոխարէն դարձաւ նրան.

— Բնիր, բեզարած ես, ինչո՞ւ չես հանգստանում: Սեղանի վրա քեզ համար միս եմ դրել, կեր և պառկիր քնիր:

— Ո՛չ, ո՛չ, ախորժակ չունեմ: Դու չե՞ս քնում:

— Ա՛յ շուտով կ'աւարտեմ. դու կեր, մինչև ես վերջացնեմ:

Օհանը մի վարկեան չիմացաւ ինչ անի. շարեց, կարկամեց, բայց զգաց որ իր վիճակը ծանր է, շատ դժւար:

Յ՞նչ անէր. նա սոսկում էր երբ այն միտքը լուի իբրև մի մտածմունք՝ դառնում էր իր գլխում. ինչպէս ասէ, չէ՞ որ նա Եսթերին կը ստըրացնէ, կ'անպատուէ: Ինչ դժւար է բայց հարկաւոր է տանել՝ չէր կարող, սիրտը քիչ է մնում դուրս գայ. պայթի... Նա աչքերը փակեց, գլուխը խոնարհեց և յանկարծ, կարծես սթափուած, սկսեց:

— Եսթեր, մի կարիր... ես...

— Բայց, նա առաջ չը կարողացաւ գնալ. Եսթերը իր երջանիկ ժպտը ուղղեց դէպի ամուսինը և սիրալիբ կերպով ասաց. — լաւ, ասում ես, ես էլ չեմ կարիլ. սա էլ առաւօտը. դու երևի շատ ես յոգնած:

Օհանը, որ մինչև այդ կանգնած էր, երեքաց և եթէ մօտիկ աթոռը չլինէր, պիտի ընկնէր: Տխուր էր, յոգնած ու տանջւած,

Կինը կարը հաւարեց և մեքենան սրբելով դարձաւ ամուսնուն.

— Գիտե՞ս, սա ամենալաւ մեքենան է. «Զինգեր է» սրա անունը: Այդ փաճառականը շատ լաւ մարդ է, հարուստ, ջանել և որքան բարի:

— Զանել:

— Այո. նրա խանութը լիքն է նուրբ ձեռագործներով և զանազան թանկագին իրերով: Նա ինձ ձեռագործ էլ

պիտի սովորեցնէ, ես ասեղնագործ շապիկներ պիտի կարեմ. նրանք շատ թանգ են գնահատուում, հատը մի ուրբլի. ասում է օրը կարող եմ մի հատ կարել: Քեզ համար էլ պիտի կարեմ, մետաքս կրծքով. այ տես, այս կտորը նա ընծայեց. ասում է «ուրախացրաւ մարդուդ». նա այնքան բարի է, քո մասին դարձեալ հարցրեց, ես ասացի՝ նա փականագործ է, ամիսը քսան ուրբլի է ստանում: Լաւ չարի՛: Գոյնզգոյն թելեր էլ պիտի տայ: Օ՛ այնքան գեղեցիկ, այնքան լաւ բաներ կայ նրա խանութում. ինձ տարաւ իր խանութը, գիտե՞ս կամուրջի վրայ է, մեզանից շատ մօտ:

Կինը չափից դուրս ուրախ էր, ուզում էր խօսել, շատ խօսել, մասնակից անել ամուսնուն իր այս մի քանի օրուայ ուրախութեանը: Նա թէև ամուսնու կողմից մի տեղակ սառնութիւն էր նկատում, բայց այդ աւելի շուտ նրա յոգնածութեանն էր վերագրում. նրա գլխով անգամ չէր անցնում, որ իր այդ շատախոսութեամբ Օհանի տանջանքն է կը ընկապատկում, որ իր իւրաքանչիւր խօսքը ցընցում է նրան:

Այդ ինքնակոչ մարդու անունը նա տանել չէր կարողանում. մեքենան այդ սպիտակեղէնների կապոցը հրեղէն դարձել կրծում են Օհանի սիրտը: վերջապէս կինը լռեց:

Օհանի քունը չէր տանում. անկողնի մէջ տապալկուում էր. քրտինքը կոխել էր նրան. սիրտը բաբախում էր. դարհուրելի մտքեր շարան-շարան դալիս անցնում էին նրա գլխով: Երեք օր չկայ, խանութն է տարել, վաղը տուն կը տանի, իսկ միւս, միւս օրը... Նա հարուստ է, ջանել է, իսկ ես՝ սև մշակ, աւելի ոչինչ:

Բայց ինչո՞ւ, ինչո՞ւ չեմ դէն շարտում մեքենան և այս սպիտակեղէնների կապոցը. ինչո՞ւ չեմ կոտորում այդ սուտ բարերարի ոտը:

Նա երբեմն հաստատ վճուում էր, նոյնիսկ մի քանի անգամ տեղիցը ցատկեց, նայեց անշունչ մեքենային, նայեց խաղաղ ու հանգիստ քնած կնոջը. բայց այդ իր ոյ-

ժերից վեր էր. կարծես ինքը իրանից ամաչեց. «օ, սր-  
քան կոպիտ եմ չէ, այսպէս չի կարող լինել: Ես կարող  
եմ միայն խնդրել, աղաչել: Բայց դա ինչ դժւար է և սր-  
քան անգուտ:

«Ի՞նչու այսքան խղճուկ ու չնչին եմ»: Եւ նա ինքն  
իր աչքում ստորացաւ, մանրացաւ. «մարդ էլ այսքան ան-  
պէտք, այսպէս չնչին լինի»:

Եւ առաջի անգամ նրա գլխով անցաւ մի զարհուրե-  
լի միտք... Թոքերը սղմեցին, յետոյ ուռան, սիրտը աւե-  
լի ուժգին բաբախեց և իր ուժգին շնչառութեան հետ նը-  
րա կրծքից դուրս թռաւ մի խոր հառաջ, մահը իր անու-  
լի տեսքով եկաւ, կանգ առաւ նրա առաջ. նա դողաց սոս-  
կաց, կարծես զգում էր, կարծես հաւատացած էր, որ միակ  
էլքը դա է...

Նա խղճաց ինքն իրան, պարզ տեսաւ իր թշուառ վի-  
ճակը. «Միթէ սա չի տեսնում». նայեց կնոջը, բայց նա  
խաղաղ անվրդով քնած էր, խորը երջանիկ քնով: Ապրե-  
լու բուռն տենչը վերստին փոթորկեց նրա հոգին ուժգնու-  
րէն, բայց և այնպէս մահւան գաղափարը նրան դադար  
չէր տալիս. «ամեն ցաւից ու տանջանքից, ամեն դժւա-  
րութիւնից իսպառ կազատես, մեռիր, միայն մեռիր». կար-  
ծես նրա ականջին փսփսում էր անուշի ու դաժան...

Նա ամբողջ գիշերը չ'քնեց անտանելի տանջանքներից:  
Եւ գիշերը հակառակի պէս կարծես սնծայր էր, չէր լու-  
սանում: Նա այլևս չ'համբերեց, շարժուեց տեղիցը շո-  
րերը հագաւ. տխուր էր, անտանելի տխուր. նրա աչքին  
ընկաւ խնամքով ծածկուած մեքենան, սպիտակեղենի կա-  
պոցը, դարցեալ նոյն ցաւը, նոյն անտանելի վիշտը, նոյն  
ծանր թախիժը, որ նստել էր նրա հոգու վրայ: Յոգնած  
էր, ոտքերը չէին շարժւում, մի միտք, մի մութ ու ահ-  
ուելի միտք նրան պաշարել էր, գլխիցը չէր հեռանում,  
կարծես շոյում միտթարում էր նրան ու միևնայն ժամա-  
նակ, սարսուռ էր ազդում նրան: Ուզում էր փախչել,

ազատել, նա խղճում էր իրան. «Երէկ որքան երջանիկ  
էր, իսկ այսօր... ինչ դառն է կեանքը»:

Նա ընկաւ ամուսնու անկողնի առաջ, իր կոշտացած  
ձեռքերը դրեց ծնոտին, նայեց կնոջը, նրա քնքոյշ և թար-  
մը երեսին. որքան հանգիստ է նա: Երկար նայեց ուզում  
էր կշտանալ, կարծես զգում էր, գիտէր, որ ընդմիշտ պի-  
տի զրկուի նրանից... կուրծքը լցեց, աչքերը մթնեցին  
և ցաւի յորձանք, մի աղէ կտուր հառաչանք դուրս թռաւ  
նրա կրծքից: Պիտի հեկեկար, արդէն անձնատուր էր ե-  
ղել ցաւին, երբ սուլիչը հնչեց, նա ամբողջ մարմնով դո-  
ղաց, նրա աչքերի խոքից կաթեց երկու կաթիլ խոր վըշ-  
տի արցունք. հեկանքը զսպած՝ դողդող շրթունքը-  
ները մօտեցրեց կնոջ մազերին, համբուրեց. ուզեց բան  
ասել, ուզեց վերջին անգամ խօսել. բայց խեղդւում էր...  
նորից հնչեց սուրոցը... Օհանը անորոշ կերպով, համարեա  
մեքնայաբար, կամաց դուռը բաց արաւ և ոտքերի ծայրե-  
րով դուրս ելաւ:

Արցունքը հեղեղի պէս թափւում էր նրա աչքերից,  
կուրծքը բարձր ու ցածր էր անում և այդ հսկայ ազա-  
մարդը փողոցի մէջ հեկեկում էր ինչպէս երեխայ, որբ  
անտէր երեխայ:

### ՄԻ ԿՏՈՐ ՀԱՑԻ ՀԱՄԱՐ

Մեքենավար Դաւիթ Միքայելեանը ննջարանում մեծ մահճակալի վրա հանգիստ քնած էր: Սև, երկար թերթեքսուքները փակել էին նրա աչքերը. նորածիլ երիտասարդական բեղերի տակից երևում էին նրա առողջ շրթունքները. և խելացի ճակատը՝ իր թաւ, առնացի յօնքերով, մի առանձին վեհութիւն է տալիս նրա կանոնաւոր դիմագծին:

Ձահիլ կինը զեռ արթուն էր. ննջարանի լուսամուտի առաջ նստած՝ սպիտակեղէններ էր կարում և մերթընդմերթ անհանգստութեամբ նայում էր դէպի դուրսը: Կատաղի քամին ձիւնի անազին հիւսերը խառնելով իրար՝ քշում, տանում էր մէկը միւսի յետևից. երբեմն ոլորում էր իբրև մի հսկայական անիւ, կամ մի անուշի սիւն, ապա գոռում-գոչիւնով խփում էր լուսամուտի փեղկերին՝ դողացնելով ամբողջ տունը: Մարգարիտը սարսափած՝ երեսին խաչ էր հանում, մօտենալով մերթ ամուսնու, մերթ իր վեցամեայ Լեոնիկի մահճակալին: Նա գոհ էր գոնէ, որ այս բուք բորանին, այս սարսափելի եղանակին իր Դաւիթը տանն է, իր մօտ: Քանի կատաղում էր քամին, քանի սաստկանում էր նրա մենչիւնը, Մարգարիտն աւելի էր մօտենում ամուսնուն, աւելի սիրալիր էր նայում նրա խաղաղ և անվրդով դէմքին. կարծես այդ ժամամանակ նրա կրծքից բղխած աղօթքը աւելի զօրեղ էր հրնչւում, նրա սև կրակոտ աչքերը աւելի էին բոցավառում: Նրա նոյնիսկ վայրկեան. երբ նա չոքեց ամուսնու մահճակալի առաջ, խոնարհեց և զգուշութեամբ մի քնքոյշ համբոյր գողացաւ նրա շրթունքներից: «Ա՛խ, ի՛նչ լաւ է»,

լի յուզմունքով մրմնջաց նա, զգալով բուռն տենչ փարել ամուսնուն, փաթաթել նրա պարանոցով ու համբուրել... Կարը գցեց մի կողմ. սկսեց շտապ-շտապ հանուել և մի անբացատրելի հաճոյք զգալով դրսի անեղ փոթորկից՝ կոչեց. «Խփիր, ջարդիր, կատաղիր, ես չեմ վախենում. ես այժմ նոյնիսկ ցանկանում եմ, սր դու աւելի ուժեղ, աւելի անաւոր լինես. անա իմ Դաւիթը ինձ մօտ է»: Ապա մաղերը արձակեց, կուցաւ, սանրերը դարսեց սեղանի վրա, գլուխը բարձրացրեց, ուղղեց, պչրանքով նայեց իր վայելչակազմ հասակին, իր նազելի մերկութեանը: Նա մեքենայաբար աչք ածեց շուրջը և համոզւելով, որ օտար աչքից ազատ է, աւելի մօտեցաւ հայելուն: Մի չարածձի ժպիտ անցաւ նրա դէմքով. գլուխը շարժեց դէպի աջ, ձախ, շրթունքներին տւեց զանազան ձևեր, աչքերը շարժեց վեր, վար, ձախ ուսը ազատեց շապկի թևից, շէկ գանգուր մաղերը անփոյթ կերպով թափեց ուսին, կրքքին, աջ ցուցամատը մօտեցրեց շրթունքներին, սեղմեց իր սպիտակ և փայլուն ատամների մէջ: Եւ այսպէս ինքնագոհ նայում էր հայելուն՝ զմայլւելով իր արտաքինից: «Նիթե Դաւիթս յանկարծ արթնանար ու ինձ այսպէս տէսնէր», անցաւ նրա մտքով ու քիչ ֆուսց, որ քրքշալով կոչէր. «Դաւիթ, Դաւիթ:»

Լուսամուտի փեղկերը աւելի պինդ շարժւեցին: Մարգարիտն սթոփւելով՝ մի ակնթարթում նետեց ամուսնու գիրկը: Լուսամուտը նորից շարժւեց և այս անգամ այնքան զօրեղ, որ կարծես անազին մահակով խփեցին նրա փեղկերին: Մարգարտի սիրտը սկսեց բաբախել, նա աւելի ամուր փաթաթւեց ամուսնուն և սկսեց համբուրել նրան: Մեքենավարը շարժւեց, ձեռքը տարաւ ու գրկեց կնոջ իրանը. փեղկերը նորից շարժւեցին. այս անգամ մարդու ձայն էլ լաւեց: Ո՞վ է այսպէս տարածում, այն էլ այսպիսի եղանակին, մտածեց Մարգարիտը, և երբ ձայնը կրկնեց, նա հանգստացաւ.

գա երկաթուղու ծառան էր: Բայց երկիւղը նորից պատեց նրան, նա գուշակեց, որ ծառան եկել է ամուսնուն կանչելու. ոչ, ես չեմ տայ թոյլ, վճռեց նա՝ աւելի ամուր փաթաթելով ամուսնուն: Շըր՛ խկ, խփեց փեղկերին. վու՛ն, մոնչաց կատաղի քամին: Մեքենավարը թէև սովոր աղմուկների, բայց այս անգամ ցնցեց, մի քանի անորոշ շարժումներ արաւ, ապա աչքերը աւելի լաւ բանալով՝ զարմացած նայեց կնոջը:

— Բնիր, քնիր, շտապ-շտապ ասաց նրան կինը. ինչո՞ւ արթնացար, դու հօ սովոր ես լոկոմոտիւի (շոգեշարժի) որոտին. ապա ամուսնու գլուխը առնելով իր ավերի մէջ, համբոյրներ տալով՝ քնքշութեամբ թեքեց դէպի բարձր:— Այ, այդպէս, այժմ քնիր:

— Գիժ, կարողացաւ միայն արտասանել մեքենավարը. զգալով իրան անսահման երջանիկ:

Փեղկերը նորից շարժեցին, և որոշ կերպով լաւեց. «Պարոն մեխանիկ, պարոն մեխանիկ»:

— Հ'ը, ինչ է, Կուզմին. կանչում են, հանդարտ կերպով ասաց մեքենավարը».

— Այո, շտապեցէք, ձեզ նշանակել են համար 4-րդ մարդատար գնացքի վրայ, լավում էք:

Մեքենավարը տեղից վեր ելաւ, մօտեցաւ, լուսամտի փեղկերից մէկը յետ քաշեց, ապա դառնալով ծառային՝ հարցրեց.

— Վալկովը չի՞ եկել. չէ՞ որ նա է մարդատարի վրա:

— Չը գիտեմ, պ. մեխանիկ, ձեզ են նշանակել, հասկանում էք. շուտով հագնեցէք, ժամանակը քիչ է. 53 վայրկեան է մնում: Մարդատարի, մարդատարի, հասկանում էք: Նղանակը սարսափելի է, տաք հագնեցէք. ես գնում եմ, լսում էք:

— Դու չես գնալ, ասա, որ չես կարող, հիւանդ ես. միջամտեց կին՝ նստելով տեղի մէջ:

— Լաւ, դու գնան, Կուզմին. ես հագնւում եմ. պա-

տասխանեց մեքենավարը, ապա դառնալով կնոջն՝ ասաց.

— Անկարելի է, անգինս, չէ՞ որ մարդատարի վրա են նշանակել:

— Իսկ ես չեմ ուզում. այս եղանակին ես քեզ ոչ մի տեղ չեմ թողնի, հասկանում ես. դու չես գնալ, եթէ գնացքը նոյնիսկ կայսէրական լինի:

— Չարմանում եմ, չէ՞ որ դու անհամբեր սպասում էիր, որ ինձ մարդատարի վրայ նշանակեն. այժմ ուրախանալու տեղը, որ վերջապէս... Հասնում ենք մեր նպատակին: Գիտե՞ս, որքան վերստաշափ կը ստանանք. և ու՛ճիկս է աւելանում. մանաւանդ ամենանշանաւորը, որ դու մոռանում ես... որ, որ... չեմ ասիլ:

— Մի ասիր, կարծես ես չեմ հասկանում, որ դու այժմ տանը աւելի երկար կը մնաս: Մի գնար, սիրոտս վատ է. ինձ թւում է, որ դու... եթէ ինձ սիրում ես, մի գնար, խնդրում եմ, աղաչում եմ, լսիր ինձ...:

— Ապա, տես, լաց ես լինում: Եւ դու միշտ այդպէս ես, կարծես երեսայ լինիս, փոխանակ քաջալերելու, սիրտ տալու, օգնելու, դու տես՝ թէ ինչ ես անում, միթէ՞ չես մտածում, որ եթէ չը գնամ, պրծա՛ւ, այլևս մարդատարի երես շեմ տեսնիլ. ուրեմն ուզում ես միշտ մնամ ապրանքատարի վրա, փթե՛մ այնտեղ: Միթէ իմ Մարգարիտը կը ցանկանա, որ իր ամուսինը ծաղրի առարկա, դառնա, նոյն իսկ իր ընկերների շրջանում:

— Ասա՛ հիւանդ եմ, չեմ կարող, վերջապէս թքիր, դուրս արի, քաղցած չենք մնալ: Եթէ ոչ, ինքդ ասա, սա ինչ կեանք է. այս բուք ու բորանին... լսիր, լսիր, տես՝ ինչ է կատարում դուքսը. մի գնար:

— Լաւ չեմ, գնալ, տեսնենք ո՞ւմ ինչ կ'անենք: Վաղը տուգանք, յանդիմանութիւն, նախատինք մի խօսքով խայտառակութիւն: Կարող եմ նոյնիսկ պաշտօնից հեռացնել: Այդպէս ես սիրում ամուսնուդ, այ:

Մարգարիտը տխրեց, չէր իմանում ինչ անէր, լուռ հետևում էր ամուսնու բոլոր շարժումներին:

— Հը՛, ի՞նչ ես լսել:

— Լաւ, գնա՛, մի կտոր հացի համար գոհիր և՛ քեզ, և՛ ընտանիքդ, յուսահատ ցաւով լաւեց Մարգարտի ձայնը:

— Դու եղանակիցն ես վախենում, քի՛չ եմ այսպիսի եղանակներին գնացել ծառայութեան, դատարկ բան է ապա որ վաղը երեկոյեան, ամբողջ գիշերը և միւս օրը մինչև ճաշը քեզ մօտ եմ, դա քի՛չ է: Լաւ էր, որ շաբաթներով մնում էի գծի վրայ, դուրսը մոռանում ես: Ո՞ւր է պայուսակս, դէ՛ մի տխրիր, եթէ ոչ՝ անհանգիստ կը լինեմ, այն ժամանակ չէ՞ որ աւելի վատ կը լինի:

— Չեմ ուզում, մի գնար. և կինը կէս-արտասուք, կէս-ժպիտ փարւեց ամուսնու վզովը սկսեց համբուրել նրան:

— Այ, այդպէս. այժմ հանգիստ սրտով կը գնամ: Նա գրկեց կնոջը, համբուրեց նրա թաց աչքերը, գլուխը, ձեռքերը և սիրալիբ ժպիտը շրթունքին՝ նայեց կնոջը, առաւ նրա ձեռքից պայուսակը, մի անգամ ևս համբուրեց, և շտապ-շտապ քայլերը ուղղեց կայարան:

Ձիւնախառն քամին խփում էր նրա երեսին. փոքրիկ լապտերը տատանւում էր կատաղի մրրկից ու հազիւ էր լուսաւորում ճանապարհը:

— Պարոն մեխանիկ, շտապիր, ժամանակը շատ քիչ է:

— Ախ, դու, Կուզմին, այստե՞ղ ես:

— Այո, սպասում էի, երկիւղ կրեցի, որ նորից կը քնէք: Ձեր կինը... երեխայ է՛լ ունիք. վաղ՞ուց է, որ ամուսնացել էք: Էհ, ի՞նչ է մեր կեանքը, մենք էլ կ'ասենք՝ ապրում ենք: Շունը մեզանից լաւ է ապրում. ուր քշում են, պիտի գնաս, մարդ մի վայրկեան իրան չի պատկանում:

Բայց «պարոն մեխանիկին» իր մտածմունքներն էլ բաւական էին. նա առաջին անգամ պէտք է գնար մար-

դատար գնացքով, այն էլ կէս գիշերին ու այսպիսի եղանակով: Կարծես զղջում էր, որ կնոջը թողեց, նրա վերջին նայեացքը չէր հեռանում իր աչքից:

— Այո, մարդս իրան չի պատկանում, կրկնեց նա ծառայի վերջին խօսքերը, ու նորից խորասուզւեց իր մտքերի մէջ:

— Այո, ի հարդէ, պ. մեխանիկ, սիրտ առած, շաբուհակեց ծառան. — Ծախւած ենք ամբողջովին. դուրսը բուք է, սառնամանիք է, վտանգ է սպառնում, կին, երեխայ, հայր, մայր, դատարկ բան է, թող նրանք մեռնեն, ոչընչանան, դու գնա և ժամանակիցդ մի վայրկեան չ'ուշանաս. նոյնիսկ եթէ գիտես, որ կախելու ես, դարձեալ գնա և այդպէս միշտ: Դեռ դուք լաւ էք, ձեր ընտանիքը շատ անգամ մոռացնում է ձեր վիշտը, ապա ես ինչ անեմ, թողել եմ երեխաներս, կինս. դուք չէ՞ք լսում, պ. մեխանիկ:

— Ինչպէս չէ, լսում եմ. դուք կի՞ն ունէք:

— Ապա, ես էլ կին ունեմ, և ուղիղ, շատ ուղիղ, որքան ձեր կնոջը նման է. երբ ես Ռուսաստանից վալիս էի, նա լացեց և ճիշտ այդպէս. երբ ձեզ տեսա, սիրտս լցեց, ծանր վիշտ գգացի, կարծես յանցանք, ծանր յանցանք եմ գործել. վաղը խնդիր պէտք է տամ և թողնեմ ծառայութիւնս, գնամ տեսնեմ կնոջս, երեխաներիս... իսկ երբ վերադառնում, դարձեալ լաց, դարձեալ արտասուք...

Մեքենավարը չէր լսում. նրա գլխում դառնում էին անորոշ մտքեր. ոչ մի վայրկեան չը պէտք է ուշանալ. դեռ դա ոչինչ, բայց եթէ մի փորձանք պատահի... ամբողջ գնացքը իրան է յանձնւում, հարիւրաւոր մարդկանց կեանք իր ձեռին է. մի անգոյշ քայլ, մի թեթև վերաբերմունք, և ամեն բան վերջացած է:

— Ցուրտ է, պարոն մեխանիկ, շտապենք:

— Այս, շտապենք, Կուզմին:

Կայարանում համարեա մարդ չը կար. նրանց դիմա-

ւորեց օբեր-կոնդուկտորը, որը հաստ, պաշտօնական վերարկւի մէջ փաթաթուած՝ կուշ էր եկել մի անկիւնում ու անհամբեր նայում էր պատից կախած զանգակին և ժամացոյցի սլաքներին: Վերջապէս հնչեց երրորդ զանգը. կայարանում տիրեց մի փոքր շարժում. օբերը երկար ու ձիգ փչեց իր սուլիչը, որին անմիջապէս պատասխանեց մեքենավարը ապա ուժեղ շարժումով առաջ քաշեց բեգուլեատորի լծակը. ֆոն-ու սև, ֆոն-սև ֆոն, խորը շունչ քաշեց լոկոմոտիւր և շառաչիւնով առաջ շարժուեց՝ տանելով իր յետևից մի շարք վագոններ մարդկանցով ծանրաբեռնուած:

Սև մրտած ծխնելոյզից անընդհատ դուրս էին ցատկում գոլորշու քուլաներ, որոնք քամու հոսանքից ցրւում, կորչում էին տարածութեան մէջ: Քամին փչում, ձիւնի հաստ-հաստ շերտեր էր առաջացնում և թէև լոկոմոտիւի առաջ վառւում էին երեք խոշոր լապտերներ, թոյլ չէր տալիս մեքենավորին գիծը գիտել, քիչ հեռուն տեսնել: Եւ գնացքը փեշերը ձիւնի մէջ խրուած՝ պատռում, անցնում էր սարեր ու ձորեր, թողրելով իր յետևից դոյզ սև գիծ:

Մեքենավարը նայեց ժամացոյցին:

— Մեզ մնում է դեռ էլի 5 վայրկեան, ուրեմն ուղիղ ժամանակին կը հասնենք: Զուր քաշիր, Վարդան, դարձաւ նա օգնականին, ապա սեղմեց սուլիչի լծակը: Լսեց և գծի պահապանների մի շարք իրար յաջորդող սուլոցներ:

— Ահա և կայարանը, ուղիղ ժամանակին. կոչեց մեքենավարը՝ վերջնականապէս փակելով բեգուլեատորը:

Երբ գնացքը սկսեց նորից շարժւել, մեքենավարը դարձաւ իր օգնականին:

— Գիտես, Վարդան, ամենադժար կայարանն է. զգոյշ եղիր, նայիր միշտ առաջ:

— Այո, պ. մեխանիկ, երևի ժամանակին չենք հաս-

նիլ առաջիկայ կայարանը, անպատճառ կ'ուշանանք. այլ կերպ անկարելի է, եղանակը չէք տեսնում:

— Նաւթացնդիչները (ֆորսունկա) լաւ վառիր. տես, ամբողջ բեգուլեատորը բաց է, բայց մենք որջան դանդաղ ենք առաջ գնում:

Մեքենավարը աչքերը գծից չէր հեռացնում: Անցել էին մօտաւորապէս 5-6 վերստ, յանկարծ նա իր ուշադրութիւնը աւելի լարեց, նայեց առաջ, աւելի հեռուն ու գտնալով օգնականին՝ ասաց.

— Նայիր քո կողմից, Վարդան, հեռում ինչ որ բան է երևում, կարծես կարմիր լապտեր լինի.

— Անպիտան եղանակը թոյլ է տալիս, որ մարդ բան տեսնի, այո, կարծես լապտեր լինի:

— Այո, այո, նա շարժւում է...

Մեքենավարը երեք անգամ անգուսպ կոչ արաւ, պոն-սւպու, պոն-սւպու, պոն-սւպու, և փակեց բեգուլեատորը: Գնացքը զգալի կերպով իր ընթացքը դանդաղացրեց. այժմ շատ պարզ էր. անա պահապանի տնակը, որի առաջ քամուց պաշտպանւելով՝ կանգնած է նա իր անբաժան լապտերի, կարմիր երեսը ուղղած դէպի մեքենավարը: Մի կարճ սուլոց ևս, և գնացքը կանգ առաւ:

— Երևի ճանապարհ չը կայ, այստեղ շատ վտանգաւոր է. մանաւանդ տուննելից անմիջապէս յետոյ սկսում է զառիվայր. ես կարծում եմ, մեզ յետ կ'ուղարկեն, կամ կը մնանք այստեղ մինչև լուսանալը, դարձաւ մեքենավարը իր օգնականին և սկսեց մեքենան կարգի բերել, մինչև որ օբերը կարմիր լապտերի շարժառիթն իմանայ:

— Իսկ ես կարծում եմ, այստեղ գիծը ուղղակի ձիւնով կապւած, կամ սարը փուլ եկած կը լինի, պատասխանեց օգնականը՝ ուղղելով նաւթացնդիչները:

Գնացքում մեծամասնութիւնը քնած էր, իսկ արթուն եղողներն էլ մի առանձին նշանակութիւն չը տւին: Օբերը դուրս գալով առաջին կարգի վագոնի կուպէից՝ քնա-



Թաթախ, փրնթփրնթալով մօտեցաւ պահապանի տնակին: Մեքենավարը հետաքրքրւած՝ ցանկանում էր նրանց խօսակցութիւնից մի բան որոշել, բայց եղանակը թոյլ չէր տալիս. նա լսեց միայն օրերի վերջին բարձրաձայն արտասանած հայհոյանքները.

— «Յիմար, քաւթառ, չի էլ ամաչում, ամբողջ գընացքը կանգնեցնում է. ես քեզ ցոյց կը տամ քո այգւլիսի խաղերիդ համար, իշի գլո՛ւխ, էշ»:

— Ճանապարհ չը կ'սոյ, պ. օրեր, դիմեց մեքենավարը օրերին, երբ սա վերադառնալով՝ դեռ հայհոյում էր պահապանի հասցէին:

— Յիմար է, կատարեալ յիմար, գլխին գոռ է տալիս, ճանապարհ ի՞նչպէս չը կայ:

— Ապա ինչո՞ւ մեզ կանգնեցրեց, երևի մի բան կայ, որ խեղճ ծերոսկը համարձակեց այս քայլն անել:

— Համարձակուեց, որպէսզի վարձատրութիւն ըստանա, որ ասեն ամենաարթուն ծառայողն է գծի վրա, միթէ չէք հասկանում. շուտ արէք գնացէք:

— Ուղիդ ասած, ինքս էլ երկիւղ եմ կըրում. առաջներս շատ վտանգաւոր է. լսեցէք, պ. օրեր, լաւ չէ՞ր լինիլ առաջ միայնակ լոկոմոտիւով գնայինք. ճանապարհը շատ թէ քիչ կը հարթւի և աւելի ապահով կը լինի:

— Ի՞նչ, գնացքը թողնենք այստե՞ղ. ի՞նչ խելօքն էք. լաւ, այսքան ճանապարհ եկանք, ի՞նչ եղաւ. շատ-շատ մի 20—30 վայրկեան ուշանանք, արժէ՞ դրա համար այդքան դալմադալ:

— Այդ ուղիդ է, բայց խոճեմութիւնը պահանջում է գնացքը թողնել այստեղ:

— Ի՞նչ վախկան էք, պ. մեխանիկ, երևի առաջին անգամն էք մարդատարի վրա:

Այս ասելով՝ օրերը աւելի շուտ մըսելուց, քայլերն ուղղեց դէպի առաջի վագոնը, սուլիչն ատամների մէջ աւելի ամուր սեղմած՝ ամբողջ կրճքով փչեց, ձեռքերով

մի քանի շարժումներ արաւ, մտաւ վագոնը և ամուր փակեց դուռը: Մեքենավարը միայն ուսերը շարժեց ու առանց խօսել սկսեց առաջ գնալ:

«Ոչինչ, ոչինչ չը կայ», առանց կանգ առնելու պատասխանում էր օրերը, անցնելու ժամանակ, վագոնում այն միքանի իրան անհանգստացնող ճանապարհորդներին. բայց նա կանգ առաւ միայն այն ժամանակ, երբ նոյն հարցով դիմեց նրան, առաջին կարգի կուպէտում նստած՝ մի յաղթանգամ պարոն. օրերը ձեռը դրեց ճակատին և ասաց. — որ շատ ձիւն է եկել, որ գծի պահապանը պարտական էր իրան զգուշացնել, որպէսզի ինքը աչքի առաջ ունենայ և այնպէս կարգադրէ, որ իրան յանձնած գնացքը առանց վտանգի տեղ հասցնի:

— Բայց, ասացէք խնդրեմ, նորից վտանգ չի՞ սպառնում: — Ոչ, ոչ, բոլորովին. միամիտ եղէք, մենք ինչպէս կարգն է՝ կարգադրել ենք, մեքենավարին ամեն բան հասկացրել ենք, այնպէս որ դուք կարող էք հանգստանալ, ինչպէս ձեր սիրտը կը ցանկանա:

— Մեքենավարը երևի փորձւած է:

— Դէ, մենք ուրիշ ինչ գործ ունենք, 18 տարի է, այս գծի վրայ ծառայում ենք, ահագին փորձառութիւնից զատ՝ գծի իւրաքանչիւր շպալը մեզ յայտնի է:

— Շնորհակալ եմ, փոքր ինչ կամենում եմ քնել:

— Հանգիստացէք ձերդ գերազանցութիւն, խոնարհ գլուխ իջեցնելով՝ անցաւ և ինքն էլ փակեց հետևեալ կուպէտում:

Այդ միջոցին լոկոմոտիւի վրա աշխատանքը ետում էր: Մեքենավարը լարւած սւշադրութեամբ նայում էր առաջ՝ գծին, իսկ ձեռքերը մեքենայաբար կատարում էին պէտք եղածը: Օգնականը միևնոյն ժամանակ ամբողջապէս լսողութիւն էր դարձել. մեքենավարի բոլոր հրամանները նա կատարում էր ամենայն ճշտութեամբ, նաւթացնողիչ-դիշները ուղղում էր, գլանակները իւղում ջուր էր

լցնում կաթսան, նայում էր առաջ, կարծես երկունս էլ զգում էին մի ինչ-որ անխուսափելի դժբախտութիւն:

— Վարդան, լաւ նայիր, բան չես տեսնում գծի վրայ:

— Ո՛չ, պարոն մեխանիկ, իմ կողմս ազատ է:

— Այս կողմն էլ լաւ է, տեսնենք, այս առաջի կիրճն էլ որ անցնենք, ապահով ենք:

Քամին միևնոյն ժամանակ կարծես կռիւ էր մտել, աւելի ու աւելի էր կատաղում, շառաչիւնով փչում ու երկինք էր հասցնում ձիւնի վիթխարի սիւնեակներ, պարտում, ոլորում էր իբրև մի ահուելի ակիք, ապա խորտակելով՝ ահագին ուժով թափում էր ներքև, թաղելով իր տակ ամբողջ գնացքը: «Ոչինչ չեմ տեսնում», բացականշում էր մեքենավարը յուսահատ կերպով, և անգիտակցաբար նրա ձեռքը ծանրանում էր սուլիչի լծակին՝ բռնու, ճշում էր սուլիչը, վրձնում էր քամին ու միախառնելով՝ գընում, անհետանում էին մութ տարածութեան մէջ: Ահա բարձրացան սարը, անցան փոքրիկ կամուրջը, այժմ նրանց առաջ զառիվայր է. և մի 5. վերստից յետոյ առաջիկայ կայարանը, ուր մեքենավարը վճռել էր սպասել, մինչև եզանակը հան դարուի: Իսկ այդ ահուելի ձորում քամին աւելի էր կատաղել, կարծես իր վերջին ճիգն էր գործ դնում, որ գնացքը ջարդուփշուր անի:

Յանկարծ մեքենավար մի զարուհրելի թռիչք գործեց տեղից, կարծես թունաւոր օձ կպաւ նրա կրծքից, սուլիչի լծակն ու վեստինհատուղի անիւարգելը մի ակնթարթում շարժւեցին:

— Վարդան, կրակը, գոռաց նա շնչասպառ:

Փշչաց ու մոնչաց լոկոմոտիւրը և ցնցեց ամբողջ գնացքը:

Վայրկեանը սարսափէի էր:

— Թռիր ազատիր քեզ, գոռաց նա օգնականին, երբ սա ահուկողով հանգցնում էր կրակը. միևնոյն միտքը անցաւ և իր գլխում... կեանքի և մահուան այդ պայքարում կնոջ վերջին հայեացքը չէր հեռանում նրա աչքից. «Թռիր,

թռիր, ազատիր քեզ» . կարծես լսում էր կնաջ աղերսանքը... «Հայրիկ ջան, հայրիկ ջան, թռիր, դու կը մեռնես» . գնացքի հետ վազում էր իր Լևոնիկը: Միևնոյն ժամանակ նրա առաջ պատկերանում էին զարհուրելի տեսարաններ, խորտակւած գնացքը, վագոնների փրատակների տակ հարիւրաւոր այլանդակւած դիակներ, կին, երեխայ, նըրանց արիւնաշարախ ու ճխլուած դէմքերը... նորից իր երեխան, կինը, նրանց հայեացքը... — Ո՛չ, գոռաց նա...

Ապա մի վճռական շարժումով յետ մղեց լոկոմոտիւ: Լսուեց մի սոսկալի շառաչիւն. «լոկոմոտիւրը գողաց, տատանւեց ու մի շարք ահուելի հարւածների տակ անյայտացաւ ձիւնի զանգւածի մէջ:

Փոռում-գոչիւն, լաց, ազազակ տիրել էր դուրսը՝ խաւարի մէջ: Մարդիկ, կանայք, երեխաներ դուրս էին եկել, ով ինչպէս կարողացել էր, խառնւել էին իրար, գլուխները կորցրած՝ մէկը «վայ կուս» էր ճշում, միւսը դեռ փրատակների տակ օգնութիւն էր կանչում, որը գլուխն էր երկու ձեռքով բռնել, որի քթիցն ու բերանիցն էր արիւն հոսում, մէկը հայհոյում էր, միւսը աղօթում էր, ոմանք կիսախելագար գրութեան մէջ իրանց մազերն էին փետում, վայրենի ճիչ ու աղաղակ էին բարձրացնում: Այս բոլորի հետ և՛ կատաղի մրրիկը, և՛ անթափանց խաւարը... տեսարանը սոսկալի էր:

Լուսացաւ: Մրրիկը կամաց-կամաց հանդարուեց. նա իր գործը արդէն կատարել էր: Ծագեց արեգակը և լուսաւորեց խորտակւած գնացքը: Լոկոմոտիւրը շրջւած ու կիսով չափ խրւած էր ձիւնի մէջ, վագոնը ջարդւած էր. զգալի վնասուած էին և հետուեալ երեք վագոնները, բայց վերջին 4 վագոնները համարեա մնացել էին անվնաս. սպանւած էին՝ մեքենավարը, իր օգնականը և բազաթի կոնդուկտորը. վիրաւորուած էին 14 հոգի: Այդուկը հանդարուել էր, այժմ մարդիկ իրանց իրերն էին հաւաքում, ոմանք էլ մինչև անգամ սկսեցին տեղերի մասին վիճել:

Առաջին արտակարգ գնացքը եկել էր արդէն. բերելով 100-ից աւելի բանորհներ, որոնք արիաբար աշխատում էին դժի վրա: Ահա եկաւ և երկրորդ գնացքը, այստեղ հաւաքուել էին ժանդարմներ, ինժեներներ, կառավարիչներ, պրոկուրորը, երկաթուղու բժիշկը, ֆելդշերներ և մի խումբ կողմնակի մարդիկ:

— Պարոններ, հարկաւոր է կազմել արձանագրութիւն, համեցէք, դիմեց ժանդարմների մեծը իր ուղեկիցներին՝ հանելով թևի ծալքից պատրաստի սպառած թղթեր. մօտեցան գնացքին. ապա ժանդարմը դառնալով օբերին՝ հարցրեց անունը, ազգանունը, հօրանունը, խորտակման բուպէն, գնացքի բոլոր վագոնների համարները, լոկոմոտիւի համարը, մեքենավարի և օգնականի անունները և այլն և այլն: Մօտեցան լոկոմոտիւին ու սկսեցին նկարագրել նրա դիրքը, լծակների դրութիւնը խցանների բացման չափը, ուղղութիւնը, արձանագրեցին դժի տարածութիւնը, վերստաչափը, վագոնների դիրքը, գժի դրութիւնը. ապա դառնալով սալոն վագոնը՝ ներսում սկսեցին տաք վիճաբանութիւններ:

Իուրսը, գժի մօտ էլ հաւաքուել ու նոյնպէս վիճում էին երկաթուղու այն ծառայողները, որոնք այս դէպքի հետ շատ թէ քիչ առնչութիւն ունէին:

— Եղբայր, սա կատարեալ խայտառակութիւն է. միթէ՞ մարդատար գնացքը կարելի է հաւատալ ամեն մի պատահական երեխայ լակոտի: Ես նրան ասում եմ, կամաց գնա, եղանակը վատ է. նա փոխանակ լսելու՝ ուղղակի հայհոյում է...

— Քսան ու մէկ տարի ծառայում եմ, օբերի խօսքը կարելով սկսեց գժի վարպետը. ո՞վ էր տեսել առաջուայ ժամանակ այդպիսի երեխաներին մարդատարի վրա: Մինչև մեքենավարը չը սպիտակէր, մինչև 20-25 տարի ապրանքատարի վրայ չը փորձէր, ո՞վ կը տար նրան մարդատարը. իսկ այժմ մեզ պէս փորձեա՞ծ մարդկանց դուրս են

վնդում ու ասպարէզը այդպիսիներին են տալիս: Երեք տեղ կարմիր լապտեր ցոյց տամ, ինքս անձամբ այդ մըրը կին ներկայ լինեմ, և այսպիսի դէպք, քնած էր, ինչ էր:

— Գժի վարպետ Միխայլով, համեցէք. յանկարծ լուռեց սալոն-վագոնի դռները միջից ժանդարմի ձայնը:

Գժի վարպետը ցնցւեց. իսկոյն գլխարկը հանեց, նայեց իր շուրջը, ապա դողդողալով՝ բարձրացաւ վագոն:

Սկզբնական հարցուփորձից յետոյ դիմեց նրան ժանդարմների մեծը.

— Ո՞րտեղ էիք դուք այս գիշեր:

— Ես, ձերդ գերագանցութիւն, կարմիր լապտերը ձեռքիս՝ կանգնած էի 165-րդ վերստի վրայ, որպէսզի գնացքը ազատեմ վտանգից, բայց մեքենավարը քնած էր, նա ինձ և իմ կարմիր լապտերը ուշ նկատեց. դեռ լաւ է որ նկատեց, եթէ ոչ ամբողջ գնացքը ձորն ընկած, բոլորովին խորտակած կը լինէր, ձեռքը ճակատից չը հեռացնելով պատասխանեց վարպետը:

— Ինչո՞ւ դուք 163 և 164-րդ վերստերի վրայ նշաններ չէք դրել:

— Ինչպէս չէ, ես զգուշացրել էի, ձերդ գերագանցութիւն, բայց մեքենավարը՝ ախր ասացի, որ քնած էր, չը նկատեց:

— Ձեր ասածները ինչո՞վ կը հաստատէք: Վկաներ ունէ՞ք: Դիմեց նրան պրոկուրորը:

— Այո, ունեմ, ձերդ պայծառափայլութիւն:

— Որո՞նք են:

— Իմ վկաներս օբեր-կոնդուկտորն է իմ օգնականը և 164 ու 165 վերստերի պահապանները:

— Ասացէք խնդրեմ, ինչո՞ւ մեզ ժամանակին հեռադրով չը նախազգուշացրիք, հարցրեց մասնաժողովի անդամ, երիասարդ ինժեներ, դէպօրի կառավարիչը:

— Որովհետև, ձերդ գերագանցութիւն, սարի փուլ գալը ուղիղ ժասի 2-ին պատահեց, մինչև ամեն բան կար-

զարգեցի և ուզում էի գալ կայարան, այս դժբախտութիւնը պատահեց:

— Իսկ ժամի 2-ին դուք ի՞նչ էիք անում գծի վրայ, նկատեց պրոկուրորը:

— Այսպիսի մըրիկ գիշերներին ձեր խոնարհ ծառան երբէք տանը չի նստում. մենք փորձեալ ենք, 22 ասորի այս գծի վրայ ծառայում ենք, ձերդ պայծառափայլութիւնը:

— Այո, ճիշտ է, սա ինձ մօտ հի՛ն և շատ հաւատարիմ ծառայող է. ինքնագոհ կերպով հաստատեց տեղի կառավարիչը՝ շփելով իր արգէն սպիտակ բեղերն ու միրուքը:

— Ստորագրեցէք և կարող էք գնալ, ասաց նրան ժանդարմների մեծը:

Վարպետը առանձին բաւականութեամբ առանց շտապելու ստորագրեց անուն, հայրանուն, ազգանուն և խորը գլուխ տալով հեռացաւ:

— Աւելի եռանդի բերելու համար, իմ կարծիքով, այսպիսի ծառայողներին հարկաւոր է ներկայացնել առանձին վարձատրութեան. ինչ էք ասում, պարոններ, դիմեց տեղի կառավարիչը վարպետի հեռանալուց անմիջապէս յետոյ:

— Այո... Այո... Անշուշտ... Ես կարծում եմ... Անպատճառ... ամեն մէկը իր հերթին հաւանութիւն տաւ այդ մտքին:

— Հը, ինչպէս անցաւ, Իւան Պետրովիչ, դարձան վարպետին դրսի ծառայողները, որոնք անհամբեր ըստպասում էին իրանց -երթին:

Բոլորը գցեցի մեքենավարի վզին, թո՛ղ գնան այժմ նրան զրգզրգեն:

— Ի հարկէ, աչք ու յօնքով նշաններ անելով՝ ասաց օրերը: Նա արգէն մեռել է, նրան ոչինչ չեն անիլ, իսկ եթէ մենք մատնւենք... այս ասելով նա առանձնացաւ վարպետի հետ և սկսեց ցածր ձայնով և խորհրդաւոր նշաններով ինչ-որ ասել նրան: Այդ միջոցին լուեց ժան-

դարմի կողը՝ «օրեր-կոնդուկտոր Կիրակոզով»:

— Դուք ի՞նչ կարող էք ասել այդ դէպքի մասին, դիմեց նրան ժանդարմների մեծը:

— Ես... ձեռը ճակատից չը հեռացնելով՝ սկսեց օրերը—զգում էի, որ այսպիսի դէպք պիտի պատահէր, որովհետև մեքենավարը շատ անփորձ էր. որտեղ հարկաւոր էր արագ գնալ, նա գանգաղ էր գնում և ընդհակառակը. երբ 161 վերստի վրա նա թափառած գնում էր, ես մինչև անգամ գանգահարեցի, կանգնեցրի գնացքը, և զգուշացրի նրան, ասացի՝ եղբայր, կամաց գնա, թո՛ղ մի ժամում 25-30 վերստ կտրի. բայց նա լսե՛ւ էր: Նա ուզում էր աչքի ընկնել, չէ՞ որ առաջին անգամն էր նշանակւած մարդատարի վրա:

Այդ միջոցին բոլոր նայեցին շահիլ ինժեներին: Սա հագաց, կրմկրմաց, բայց հարկաւոր էր խօսել:

— Այո, առաջին անգամն էր, բայց նա աչքի ընկնող և շատ բարեխիղճ մարդ էր, հէնց նրա բարեխղճութիւնը նրանից է երևում, որ մարդը մինչև վերջին շունչը մաքառել է. միթէ չէր կարող թուչել և այդպիսով իրան ազատել. իսկ թէ ինչ կը պատահէր այն ժամանակ գնացքի հետ, դա պարզէ:

Շարունակեցէք, շարունակեցէք:

Նա դեռ շատ երիտասարդ էր, մարդատար գնացքը նրան չէր կարելի հաւատալ, շարունակեց օրերը:

— Դուք վկաներ ունի՞ք, որ մեքենավարին զգուշացրել էք, հարցրեց պրոկուրորը:

— Այո, ձերդ պայծառափայլութիւն, բացի իմ ընկեր կոնդուկտորներէից, դա կը վկայէ և իշխան Ֆոն-Շիլլինգը. նա ինքն առաջին կարգի կուպէում նստած էր, երբ ես գնացքը կանգնեցրի:

— Այո, այո, ճիշտ նա այս գնացքումն էր, նկատեցին մի քանիսները:

— Ես կարծում եմ, բաւական է. դարձաւ ժանդարմը

իր ընկերակիցներին, ապա կարգալով օբերի ցուցմունքները՝ առաջարկեց ստորագրել:

—Ներէցէք, պարոն ժանգարմ, մի հարց ևս, դիմեց պրոկուրորը:

—Խնդրեմ, ասաց նրան ժանգարմների մեծը:

Օբերը նորից ձեռքը բարձրացրեց ճակատին:

—Ասացէք խնդրեմ, պ. օբեր, գծի վարպետը ինչո՞ւ այդքան ուշ եկաւ, մի՞թէ չէր կարելի նրան իսկոյն կանչել:

—Գծի վարպետը՝ ը՛ր... Այն. գծի վարպետը, այն, այն, նա այստեղ էր, ձերդ պայծառափայլութիւն:

—Այժմ կարող էք, ես ոչինչ չ'ունեմ հարցնելու, ասաց պրոկուրորը:

Եւ այսպէս. ամեն մէկը իր հերթին, նախ իր գլուխն էր գոլում, ապա մի բերան արած՝ բոլոր մեղադրանքը թափում էին խեղճ մեքենավարի գլխին:

Երբ արձանագրութիւնը վերջացաւ, ժանգարմի մեծը սկըսեց կարգալ, որպէսզի ներկայ եղողները ստորագրեն և հաստատեն: «Թվերջոյ, շարունակեց նա, այս բոլորից ներկայ մասնաժողովը եզրակացնում է, որ գնացքի խորտակման պատճառը եղել է այժմ հանգուցեալ մեքենավար Դաւիթ Յարութիւնեանը. ա) որ գնացքը ընթանալիս է եղել շատ արագ, այն ինչ նա պէտք է գնար ժամը ոչ աւելի քան 35—40 վերատ, բ) որ նա քնած է եղել, կարմիր լապտերը չի նկատել, կամ եթէ նկատել է, շատ ուշ և գ) որ լոկոմոտիւրը յետ է մղել, որից և առաջացել է գնացքի խորտակումը:

Սրձանագրութիւնը ստորագրելուց յետոյ խորհուրդը դուրս եկաւ սարն-վագոնի պատշգամբը, ուր խօսակցութիւնը իսկոյն անցաւ մասնաւոր առարկաների:

Գնացքի շուրջը տիրում էր ազմուկ. մշակներ, վերակացուններ, վարպետներ խառնուել էին իրար, ամեն մէկը մի բան էր ասում, ամեն ամեն մէկը իր գիտեցածն էր անում: Մօակայ կայարանից գալիս էին նորանոր գնաց-

քներ. որը մշակներ էր բերում, որը գործիքներ ու վարպետներ, այս ինչ կամ այն ինչ կառավարիչն էր գալիս: Մարն-վագոնի պատշգամբը քանի գնում՝ լցւում էր սաշտօնական մարդկանցով. նրանք վիճում, խօսում, ասում՝ ամեն մէկը իր կարծիքն էր պնդում, ամեն մէկը իր գիտեցածն էր գոռում, ու ինչ-որ թունդ վիճաբանութեան մէջ էին ընկել:

Մինչ այդ՝ դուրսը աշխատող բազմութեան մէջ իրարանցում էր ընկել: «Գնա՛, ներկայացիր», ասում էին ոմանք մի դունատ և դալկացած կնոջ, հաւաքւում էին նրա շուրջը, մխիթարական խօսքեր էին ասում, ամեն կերպ ուզում էին կարեկցութիւն ցոյց տալ նրան: Բայց ջանիլ կինը կարծես ոչինչ չէր տեսնում, չէր լսում. ամուր բռնած իր վեցամեայ երեխայի ձեռքից՝ այս ու այն կողմն էր դառնում, անհանգիստ և ուշադրոյս մէկին որոնում էր, բայց ու՛մ... ինքն էլ չը գիտէր:

Մարգարիտն էր...

Նա ուշադնաց ընկած էր, երբ ամուսնու դիակը դըրին ապրանքատար վագոնում և տարան: Երբ ուշքի եկաւ նա, զարմացած նայեց իր շուրջը:

«Մայրիկ ջար, մայրիկ», մղկըտալի և սիրտ կտրատող ձայնով գոչում էր երեխան:

— Հանգստացէք, հանգստացէք, ոչինչ չը կայ, այս ու այն կողմից արտասանում էին մխիթարական խօսքեր:

Նա ամբողջ մարմնով դողում էր, ատամները զարկւում էին իրար, աչքերի տակ կապտել, բիբերը լայնացել ու խորն էին ընկել բնի մէջ, երեսը դեղնել էր, իսկ հայեացքը յուսահատ ու վշտալի: Նա ամուր բռնել էր երեխայի ձեռքը, երբեմն շղաձգական ցնցումով քաշում էր դէպի իրան, երկար նայում էր նրան, յանկարծ ձրջալով հրում էր իր ձնից ու նորից, երբ լսում էր երեխայի աղեկտուր ձայնը, վրա էր ընկնում խելագարի նման կր-

կին ամուր բռնում էր ձեռքից ու քաշում էր դէպի իրան:

Իզուր է անցնում բժշկի թախանձանքը. նա չի կարողանում հասկացնել հիւանդին, որ բարձրանա վազոնը ու հանգստանա այնտեղ:

— Գոնէ դեղը խմացնենք, յուսահատած կերպով դառնում է բժիշկը Ֆելդշերներին: Բայց իզուր: Երբ բաժակով հեղուկը մօտեցրին կնոջ շրթունքնեկին, նա կատաղաբար առաւ և գողացող ատամներին մէջ շարդեց բաժակը: Երթունքներից հոսող արիւնը խառնելով բերանից թափւող հեղուկի հետ՝ ներկեց նրա կիսամերկ և թաց կուրծքը: Բժիշկը սիրալիբ համոզելուց յոյսը կտրած՝ հըրամայեց Ֆելդշերներին ոսկրեայ ամսնով ուժով խմացնել նրան: Երբ սրանք մօտենալով կնոջը՝ բռնեցին ձեռքերը, նա ձչաց և սկսեց աւելի սաստիկ գողացնել. երբ սկսեցին նրա բերանը ուժով բաց անել, յանկարծ նա մի վայրենի ձիչ արձակեց, ապա անզուսպ կերպով քրքջաց: Եւ այդ քրքիջը դուրս էր գալիս նրա կրծքից ինչպէս անհեղ վշտի ու սոսկալի ցաւի մի հեղեղ:

— Թողէք հանգստանա, հրամայեց բժիշկը. Ֆելդշերները կանգ առան:

— Հանգստացէք, ի սէր Աստուծոյ, տիկին, ինչ պատահեց ձեզ. հաւատացէք ինձ, ձեր ամուսին Դաւիթը բոլորովին չի վրասել:

— Դաւիթ, գոչեց կինը:

— Հայրիկ, հայրիկ ջան, ձայնակցեց երեխան ազիողորմ կերպով:

— Դաւիթ, Դաւիթ, կրկնեց մայրը նայելով իր շուրջը. ձեռները սարսափով առաջ տարածած՝ ասես մի վտանգից պաշտպանուելու համար. աչքերը լայն բացած, արտասանում է նա կծկտուր հարաշանքով լի. խօսքեր: Ահոելի գետ է վազում... սառուց է, բարձրանում է... բարձրա-

նում է... ինչ հսկայական սիւն է... անազին սար է... ս՛ւտ՛... մեծացաւ... մեծացաւ... Նա մրսում է... ցուրտ է... քամին փչում... Դաւիթ գնացքը գալիս է... հեռու... հեռու... կարմիր լապտերը... հեռու, սարը փուլ է գալիս... կորաւ, կորաւ... Վարդան, Դաւիթն... Ապա երեխային քաշում է դէպի իրան և ճշարով վազում է դէպի ձորը: Նրան բռնում են: Բժիշկը շարժում է գլուխը, «խելազարութեան նշաններ են», մտածում է նա:

Երբ նորից ոսկրեայ ամսնով դեղը մօտեցրին կնոջը, այս անգամ սա առանց ընդդիմանալու դատարկեց մինչև յասկը և թոյլ աւեց վերարկուով ծածկել իրան: Դեղի գորութիւնիցն էր, թէ մարմնի յոգնածութիւնից, նա ընկաւ անորոշ թմրութեան մէջ. ծնկները ծալուում էին, գլուխը պտտուում էր, նա այլևս չը կարողացաւ կանգնել, ընկաւ տեղն ուտեղը մի կոյտ շպախների վրայ: — Դա լաւ է, թող քնի սոսց բժիշկը և հրամայեց ծածկել նրան մի այլ վերարկուով ևս. ապա դառնալով երեխային՝ ասաց. — դու էլ, փոքրիկ, այ այստեղ մօրդ մօտ պառկիր ու քնիր: Երեխան տեղաւորեց մօր գրկում, իր փոքրիկ թևով փարեց մօր վզով ու անմիջապէս քնեց: Բայց մայրը անհանգիստ էր, նա դառանցում էր, շղացաբար ցնցում. երբեմն ծանր անխ էր քաշում, շարժում էր ձեռները, ոտները, ուզում էր վեր թռչել, բայց չէր կարողանում. գլուխը ծանրացել, կարծես արճիճ էր լցւել նրա մէջ. այդ բոլորը նա զգում էր, ուզում էր աչքերը բաց անել, բայց նրանք մի աւելի ուժեղ ձեռքով փակւում էին. նորից ձիգ էր անում արթնանալու, բայց իզուր, ընկնում էր թմրութեան և անյայտութեան աշխարհի մէջ: Եւ այսպէս նա երկար տանջւում էր, մինչև որ նրան արթնացրեց մօտեցող լոկոմոտիւի սուլիչը:

— Այժմ դուք լաւ էք զգում ձեզ, դիմեց նրան բժիշկը:

— Ես, ում եմ սպանել...

—Ո՞ւր է ձեր երեխան:

—Սարը ահռելի է... իսկ մարդիկ... բռ՛ւ՛... նա վազում է... չէ՞ք տեսնում:

—Փոքրիկ, փոքրիկ, վերկաց մայրիկդ կանչում է: Երբ երեխան աչքերը արորելով ու զարմացած նայում էր իր շուրջը, բժիշկը դիմեց կնոջը՝ ասելով.

—Սա ձեր երեխան չէ.

—Իմն է, ճշաց նա և ազահաբար վրայ վթռչելով՝ բռնեց երեխայի ձեռքը և քաշեց դէպի իրան:

«Իեռ յոյս կայ», մտածեց բժիշկը. ապա դառնալով տիկնոջը՝ ասաց.

—Գիտէ՞ք, ձեր ամուսինը, Դաւիթը, կենդանի է, հասկանում էք, նրա միայն ոտն է փոքր ինչ վնասել: Այո, ճիշտ եմ ասում, ձեր ամուսինը, Դաւիթը...

—Դաւիթ Դաւիթ... ճշալով նա ցատկեց դէպի մշակները. մոլորած վազում էր, որոնում էր, ուզում էր մօտենալ լուսամտիին: Մշակները բռնեցին նրան:

—Սպասիր, Դաւիթը այնտեղ չէ, բեցէք, ձեզ ասում են՝ գնացէք, դիմեցէք. ցոյց տալով պատշգամբի կողմը՝ պնդում էին մշակները: Յետոյ ուշ կը լինի, թշուառ կին, ամուսնուդ կորցրիր, զոնէ ապրուստի միջոց տան:

—Ամուսինս, երբ նա առաւօտը դուրս եկաւ, ցուրտ էր... փոթորիկ էր...

Ինչ-որ կարծես մտաբերում էր. նա կանգ առաւ, աչքերը յառեց հեռուից մօտեցող լուսամտիին ու ընկաւ խորը մտածմունքների մէջ: Մի վայրկեան նրա դէմքի թախիծն անցնում էր, աչքերը այլևս խելագարի նման չէին նայում, ոչոքից նա չէր վախենում, մինչև անգամ ժպտաց: Երեխան, որ միշտ նայում էր մօրը, ուրախութիւնից փաթաթեց մօր փեշերին ու ժպտալով ասաց. «մայրիկ ջան»:

«Դաւիթը կենդանի է». մնլթ մառախուղի պէս մի բան անցաւ նրա գլխում՝ շոյելով նրա քնքոյշ զգացմուն-

քները, բայց դա երկար չը տևեց, նորից նրա գլխում տիրեց մի ժխոր, զարուբելի մաքեր անզուսպ ալիքների նման ալեկոծեցին նրա տանջւած ու խորտակուած սիրտը, ցնցեց, դողաց նա ամբողջ մարմնով, մի ճիշ, մի աղեկաուր ու սոսկաւի ճիշ դուրս թռաւ նրա՞ նշած կըծքից. «Դաւիթ, Դաւիթ», կոչեց նա, ապա ամուր բռնելով երեխայի ձեռքը՝ մի վճռական թռիչքով գցեց իրան մօտեցող լուսամտիի առաջ...

Իզուր գոռաց մեքենավարը, իզուր դողաց ու մոնչաց մեքենան, արդոն ուշ էր, նրանք իրանց գերը կատարել էին...

## ԿԱՊՈՅՏ ՇԱՊԻԿԸ

—Տանը բոլոր հանգիստ քնած էին, բացի ծերունի Բեսօից, որը խորասուզված սառը մտածմունքների մէջ՝ անհանգիստ անց ու դարձ էր անուժ իր նեղլիկ սենեակում: Նա շուտ-շուտ կանգնում էր պատուհանի առաջ և իր պզտոր հայեացքը պցում հեռուն, լայն ու մեծ քաղաքի ամենախուլ անկիւնին, որ մշուշապատ խաւարի մէջ դեռ նշմարւում էին աղօտ լոյսի ցոլքեր: Եւ երբ այդ լոյսերն էլ մարեցին, ծերունու սիրտը աւելի անհանգիստ սկսեց բաբախել: Իրսի ամեն մի թեթև շուկին վեր էր թռչում, գնում էր ճրճըռեցնելով բաց էր անում պարսպի մեծ դուռը, բայց Դաթօն չկար ու չկար: Նա յուսահատ դառնում էր տուն և նորից սիրան ամրացնելով սպասում: Ահա շունը հաշեց. նա արագութեամբ վազեց դուրս, բայց իզուր. խաբւած էր. շան վրա բարկացած տուն է մտնում:

—էյ, պառաւ, դու ի՞նչ ես այդպէս խումփում, լուսացաւ սխր, Դաթօն չի եկել:

Պառաւը չի պատասխանում, որով ծերունու միտքը աւելի է պզտորւում:

—Պառաւ, նորից դառնում է նա կնոջը. — այսօր ճաշին Դաթօն տուն եկաւ:

—Խելքդ կորցրել ես, սյ մարդ, միասին չճաշեցի՞նք:

—է՛, դու ի՞նչ ես հասկանում:

Մի պահ չանցած, նա նորից դիմում է կնոջը:

—Լսիր կապոյտ շապիկը հագաւ նա այսօր:

Բայց առանց կնոջից պատասխան սպասելու, նստեց

աթոռին, գլուխը առաւ ափերի մէջ, արմունկներով յենեց սեղանին. խորասուզեց մտածմունքների մէջ: Կինը որ արդէն քունը կորցրել էր և ինչ որ ժխորի մէջ էր զգում իրան, գլուխը կամաց բարձրացրեց և նայեց ամուսնուն:

Մարդու դէմքը արձանացած էր, աչքերը լայն ու ապշած:

—Բեսօ, ցաւդ տանեմ, ինչն է չես քնում, ես բաց կանեմ դուռը, հէնց որ Դաթօն գայ, մի փոքր քնիր:

Բեսօն սթափեց. կնոջ սիրալիր վերաբերմունք մեղմացրեց նրան:

—Մեր աղան ջանէլ է, կին, դեռ շատ ջանէլ, իսկ ժամանակը գէշ, դու ոչինչ չես հասկանում:

Պառաւը լսեց, երկուսն էլ չքնեցին. երկուսն էլ թէև անհանգիստ էին, բայց աշխատում էին միմեանց սիրտ տալ: Մինչ այդ խաւարը փարատւում էր, դուրսը աքաղաղները եռանդով կանչում էին:

—Դժւար թէ էլ Դաթօն գայ, — խօսեց Բեսօն նայելով լուսանցքին:

Բայց նոյն վայրկեանին թեթև շուկ լսեց, դուռը կամացուկ բաղխում էին:

—Դաթօն է, միաձայն կոչեցին նրանք և շտապ բացին դուռը: Պառաւների ուրախութիւնը անչափ էր:

—Ցաւդ տանեմ, Դաթօ. — շուտ-շուտ կրկնում էր մայրը:

—Իե՛ս ջանէլ ես, որդի չկարծես՝ հայրդ չի հասկանում, նա ամեն բան գիտի, մազերն սպիտակել են, և ինչէր չի տեսել այս իմ տանջւած գլուխը:

—Հայրդ, Դաթօ ջան, ինձ այնպէս վախեցրեց. ասում է՝ այնտեղից տանում են բանտ, տէրը ով է, կախում են, ճանապարհին զնդակահար են անում, ասում է, թէ նա իմ աղաս է, ես գիտեմ, հանգիստ չի մնալ: Ցաւդ տանեմ, Դաթօ, ճիշտ է ասում հայրդ:



— Յիմար-յիմար մի խօսի. մի բան բեր թող ուտի, չես տեսնում՝ յոգնած է, հանգստանալ է հարկաւոր:

Դաւիթ մտազբազ էր. մօր փաղաքշանքներ, հօր թափանցող աչքերը նրա վրայ ոչ մի ազդեցութիւն չարին: Նա բան չկերաւ, շորը զգուշութեամբ հանեց, ծալեց, և դրեց գլխի տակ. բարձերը գննեց, նայեց հօրը, ապա վերմակը քաշեց մինչև գլուխը:

— Մի բան էլ ծածկեմ, — դողալով հարցրեց մայրը:

— Հարկաւոր չէ, ժամի եօթին արթնացրո՛ւ:

— Վաղը տօն է, Դաթօ:

— Գիտեմ, հայրիկ, ես առածին գործ ունեմ:

Մարգօն չի եկել, աւելի անտանբեր հարցրեց նա:

— Մինչև կէս գիշեր սպասում էր խեղճը:

— Էհ... արաւԴաթօն և աւելի կծկեց տեղում:

Երկու պառաւները փափաղով խօսում էին. մի բան նրանց սաստիկ զարմացնում էր:

Դաթօն ոչ մի անգամ հագուստը այդքան խնամքով հանած և գլխի տակը պահած չկար: Այդ կէտը հայրը չէր կարող ի նկատի չառնել, բայց մայրը ամեն կերպ աշխատում էր համոզել, թէ դա այնպէս պատահական է:

Լուսացաւ. հեշտաեւր սովորականի նման ներս բերեց: Դաթօի քոյր Թամարան թէյ էր պատրաստում և շուտ-շուտ նայում ժամացոյցին:

— Մայրիկ, ժամի եօթն է, ասաց նա:

— Թող քիչ էլ քնի, ուշ եկաւ երեխաս:

Բայց Դաթօն մօրը գրկեց իր այդ մեծ բաւականութիւնից. տեղիցը վեր թռաւ. գլխի տակից խնամքով հանեց շորերը, դրեց առաջը. սկսեց որոնել գրպաններում մի ինչ որ բան, ապա դառնալով քրոջը ասաց.

— Թամարն, նոր գնած հագուստս բեր:

Մայրը և քոյրը ուրախացած մօտեցան նրան:

— Դու այսօր կապոյտ շապիկդ չէ՞ս հագնելու:

— Ո՛չ:

— Ա՛, վերջապէս. — բացականչեց մայրը: — միշտ ասում էի, որդի, թող այդ անիծւած կապոյտ շապիկներդ: Ես բոլորը աղքատներին պիտի տամ:

— Տուր, մայրիկ. ով գիտէ, ես կարելի է էլ չեմ հագնի:

— Ճիշտ. ուրախացած կոչեցին քոյր ու մայրը: Այն ինչ հայրը լուռ էր, նա իր սուր դիտող հայեացքով գննում էր որդուն և ինչ որ լաւ բան չէր գուշակում գրանից:

Մայր ու աղջիկ գուգեցին սոգային. օսլայած շապիկը կարմիր փողպատաւով և մուգ շակոնակագոյն պինձակը, որ ամուր գրկում էր նրա իրանը, նրան աւելի գեղեցկացրին: Կուրծքը դուրս ընկաւ և լայն թիկնունքը աւելի շեշտեց: Երկար սև մազերը թափւած էր ճակատին. կրակոտ աչքերը սպասողական, անհանգիստ մի ինչ որ տենդային բան ունէին իրարց մէջ:

— Ա՛, ցաւդ տանեմ, Դաթօ. բացականչում էր քոյրը հիացած:

— Գիժօն որ տեսնի հօ կը խելագարւի, խօսեց մայրը երջանիկ ժպտը երեսին:

— Դու էլ քիչ է մնում, որ խելագարւես, պառաւ. մի ոգևորւիլ այդպէս, լաւ կանես, որ մեզ միայնակ թողնես, ես Դաթօի հետ առանձին գործ ունեմ:

— Բեսօ, ինչ կըլինի, որ մենք էլ իմանանք:

Բեսօն պատասխանի տեղ, իր խորհրդաւոր նայւածքով կնոջը և աղջկանը հասկացրեց, որ նրանց հեռանալը անհրաժեշտ է և դա որդու օգուտն է պահանջում: Նրանք խանարհեցին Բեսօի կամքին:

— Այժմ մենակ ենք. հօ գիտես գժբաղդ գլուխս ինչեր է տեսել, ահա վիրաւոր կուրծքս, ահա ճակատիս ըսպին: Սրանք կարող են վկայել, որ հօրիցդ ծածկելու ոչ մի վտանգ չունես:

Որդին տատանման մէջ, գլուխը խոնարհել էր ցած:

— Որ մի յանդուզն միտք կայ գլխումդ, շարունակեց

հայրը—ես գիտեմ, որ դու մի ինչ որ բան ես վճռել. խօսիր, հաւատա հօրդ, նա քեզ արգելք չի լինի: Երբ նա յուժ եմ այդ կրակոտ աչքերիդ, իմ երիտասարդութեան պատկերը գալիս առաջս կանգնում է, արիւնս եռում է, ուզում եմ նորից հրացանս կրծքիս սղմած՝ մագլցել մեր հարազատ կիրճերում ու այն ազատ օգից միանգամ էլ շնչել:

—Ես միշտ քեզանով հպարտ եմ եղել, հայր:

—Քեզ յանձնւած է մի գործ:

—Այո:

—Եւ հագուստդ փոխւած ես, որ...

—Որ չճանաչւեմ և հնարաւորութիւն ունենամ:

—Բաւական է. այժմ ինձ բոլորը պարզ է:

—Սիրտս պատառ-պատառ է լինում, հայր, բայց այլ կերպ չեմ կարող. վճռւած է:

— Ոչինչ, աղաս: Վուած է, ուրեմն պէտք է կատարես: Խեղճ մայրդ, սրբան էր ուրախացել. նա չի հասկանում, որ դժբաղդութիւնը, այդ կապոյտ շապիկի մէջը չէ: Նա ուզում է աղքատներին տա. ո՛չ, դու այդ հագուստը ները աղքատներին չես տա. նրանց կը պահես ինձ համար, որ իմ թշուառ աչքերը նրանցով սրբեմ, նրանցով...

Այդ խօսքերի հետ հայրը գրկեց սրբուն և իր գոգ-դոջուն ձեռքով սեղմեց սրբու գլուխը իր կրծկին: Եւ որդին ամբողջ մարմնով զգում էր հոր անձայն ու անարտասուր հեկեկանքը:

—Դուռը կամացուկ բաղխեցին:

—Դաթճ, Դաթճ.—լուեց դռան յետևից մօր ձայնը:—

Տես ով է եկել, չարածճի Գիժօն է, է:

Տղան վազեց բաց արաւ դուռը:

—Վահ, Դաթճ, —բացականչեց կարմրած՝ զիտելով երիտասարդին:

—Բեսօ, ցաւդ տանեմ, ինչ է պատահել, կամաց հարցրեց պառաւը՝ մարդու այլայլւած դէմքին նայելով:

—Ոչինչ. գնա բանիդ, ինչ պիտի պատահի:

Երբ կինը նորից դուրս ելաւ, Բեսօն լուռ ու մտախոն կանգնել էր դեռ. մէկ նայում էր Դաթճին, մէկ այդ թարմ ու աշխոյժ աղջկան. և կարծես վարանման մէջ էր: Յանկարծ ձեռքի մի տարօրինակ շարժումով մօտ կանչեց Գիժօն:

—Ե՛կ աղջիկս: Դաթճն հեռու տեղ պիտի գնա, դու արժանի ես իմ Դաթճին. եկ, մի քաշուէ, համբուրիք նրան և մնաս բարև ասա, նա քու նշանածն է:

Մարգարիտը զարմացած նայեց Բեսօն. նա մինչ այդ իրան տանու աղջիկ էր համարում և իբրև թամարայի ընկերունի ազատ մուտք ու ելք ունէր նրանց տանը. սիրում էին նրան բոլորը և ոչ ոքի համար գաղտնիք չէր որ նրանք խելագարի նման միմեանց սիրում էին: Տանը շատ էր խօսուել, հանաք-շիտակ, բայց այդպէս կարուկ և լուրջ, այն էլ Բեսօի կողմից, միանգամային անսպասելի էր: Աղջիկը ապշած ու յուզւած մի վայրկեան նայեց Դաթճին և երբ նրան հանդիպեց Դաթճի վշտահար աչքերը յանկարծ մի ներքին երկիւղ զգաց:

—Գրկիք, Դաթճ, նշանածիդ.—դարձաւ ծերունին իր որդուն մի տեսակ հրամայական ու խորհուրդաւոր շեշտով:

Երիտասարդը անխտահ մօտ եկաւ, բռնեց քարացած աղջկայ ձեռքից: Թեթև քաշեց դէպի իրան, յետոյ յանկարծ վաթաթեց, սեղմեց կրծքին ու մնացին անշարժ անձպտուն ոչ մէկը ոչ միւսը:

Եւ երկնր:

Մարգարիտը անսահման ուրախութեան մէջ ողբում էր, նա կամացուկ գլուխը բարձրացրեց և լի երկիւղածութեամբ նայեց Դաթճին:

Դաթճի վշտահար հայեացքը գերել էր նրան—այդ տխուր հայեացքի մէջ նա զգում էր անհուն երջանկութիւն. նա այլևս չկարողացաւ զիմանալ, ամբողջ հոգով

ընկաւ նորից Դաթօի գիրկը և խորասուզեց իր ծով երջանկութեան մէջ:

Նա գգում էր իր շրթունքներին ջերմ համբոյրներ, նրա հոգին կուռ շրթաներից ազատուած՝ ապրում էր հեռու, մի սքանչելի եթերայն աշխարհում. «Դաթօ», շնորհում էր նրա շրթունքները, «Դաթօ», խաղում էր նրա երջանիկ ժպիտը:

Բեսօն տարօրինակ էր, նրա ձեռքերը գողում էին, այլայլուած նայում էր շուրջը, կարծես նա շտապում էր, նրա խօսքերը կցկտուտ էին և անկապ. նա կարծես աւելի սրտի ցաւից, հագիւ լսելի արտասանեց. — Դաթօ, Մարգօ:

Տղան մի կտրուկ շարժումով կամաց-կամաց հեռացրեց աղջիկը գրկեց. դարձաւ հօրը, լուռ սեղմեց նրա ձեռքն ու դուրս նետեց անակից խելագարի պէս:

Երբ նա սթափուեց, արդէն փողոցի մէջն էր. բաւական հեռուն. մեն մենակ դեռ գնում էր. կանգ առաւ, ուժերը լարեց, ճակատը սրբեց. անցածը շատ թարմ էր, իր վառվռուն նշանածի պատկերը՝ անգուսպ հեկեքանքի մէջ կենդանացաւ նրա առաջ:

«Յեա դարձիր, յեա դարձիր, կրկնում էր նրան մի ներքին ձայն:

— Ո՞րես գնում, ո՞ւր, ո՞ւր ես թողնում քո բախտը, քո երջանկութիւնը»:

— Յեա դարձեր, գոնէ մի անգամ էլ. գոնէ մի համբոյր էլ: Գնա, պարսպից նայեր. նա դեռ արտասուում է, նա քեզ որոնում է, Դաթօ:

Թարմ էր, շատ թարմ. աղջկա պատկերը, որին անյբան երագուն սիրել էր իր սրտրիխորքում, համբոյրները դեռ գողում էին նրա շրթունքներն, նշանածի արցունքները նա դեռ գգում էր իր այտերի վրա...

«Մարգօ»... խօսեց նրա հոգին, և նա աւիամա կանգ առաւ, նայեց յետ, դեպի իրանց տան կողմը:

Լուռ էր, հանգիստ, մի թարմ ու ցողոտ առաւօտ էր:

Գարնանայն գիղեցիկ արևը ուղղակի շոյում էր: Նորաբողբող ծառերը ճամբի երկու կողմից, թարմ ծաղիկները ու խոտերը ամեն կողմից «կեանք, կեանք» էին պուռում նրա երեսին:

Օ, ինչ լաւ է աշխարհը, բայց մարդիկ...

Եւ նա յիշեց նախորդ գիշերւայ ժողովը. և կարծես արիւնը սառաւ, այն ծխոտ սենեակը և այս մաքուր բնութիւնը, ինչ կապ կարող էր լինել: Դա մի երագ էր երևի, բայց միտքն ընկաւ թէ ինչպէս էր ինքը խօսում. ինչպէս պահանջում էր բոլորից, որ տուն, տեղ, կին, երեխայ պէտք է մօռնաւ... Բայց այսօր ինքն է տատանման մէջ:

«Դաթօ ամաչիր». լսելի կերպով արտասանեց նա. կարծես դրանով ուզեց խեղտել ներքին ծայրը...

«Բայց չեմ կարող, չեմ կարող». դուրս թռաւ նրա կոկորդից խեղտող ձայն: Եւ այդ ժամանակ նա զգաց, որ սիրտը արագ սկսեց բաբախել. զգաց մի ներքին քաղժը ջերմութիւն:

Նա քայլերը արագացրեց դէպի տուն. նորից կանգ առաւ:

Ահա իրանցը, փողոցը, որքան սիրելի է նա այժմ. նա իր սուր հայեացքով ուղում էր թափանձել պարիսպներից, աների հաստ պատերից այնկողմը և տեսնէր այնտեղ իր նշանածին: Մի քանի քայլ էլ և դու այնտեղ ես. ինչպէս էր հոգին ինդում:

Ամբողջ երեսով կարմրած, ամօթխած, հայեացքը գետին հառած՝ նա առաջ չէր շարժուում:

«Մարգօ», դողողալով խօսեց նա. աւելի ցածր և մեղմ:

Եւ ոչ ոք չը լսեց նրա ձայնը. նա ձուլւեց իր հոգու խորքում, որ այնքան փայփայած տեղ ունէր:

Նա պահւեց այնտեղ սուրբ, անբիծ, անարատ:

Մի անգամ էլ նայեց իրանց տան կողմը, ուր ծառե-

ըր միջից հազիւ տանիքի մի մասն էր նկատուում. արագ սրբեց ճակատը, շուռ եկաւ ու շարժեց:

Նա չէր գնում. նա վազում էր, նա փախչում էր:

Նա փախչում էր իրանց տանից, իր Մարգոից, նա փախչում էր բախտից ու կեանքից, նա փախչում էր ինքն իրանից:

Տանջւած մարդկութեան ապագայ բարօրութիւնը նոր գոհեր էր պահանջում:



ԱՐՑՈՒՆՔՆԵՐ

Մտմտեալ սրտիս  
յոյգ արցունքներից  
պսակ եմ յիւսել

Դու հեռացար...

Դու հեռացար և դատարկեց ամենինչ, դատարկեց և իմ սիրտը: Ես ժպտեցի. դառը հառաչանք դուրս թռաւ իմ կրծքից: Մի աներևոյթ ոյժ նետեց ինձ դէպի անդունդը և խորտակեց, ինչ որ աստուածայն, ինչ որ վեհ ու սուրբ էր:

Ահա նրա փշրանքները...

Օ, որքան փոքր, անմիտ ու կուրացած էի ես:

Այն սեւաւոր օրից, երբ միտքս սկսեց գործել, երբ ինձ հաշիւ ուզեցա տալ, կրակը նորից բորբոքեց, սառ-սուռը թափանցից ուղեղիս մէջ, սիրտս մորմորեց և ես տանջեցի անասելի վշտով:

---

Ձիւնը եկաւ. սարեր, ձորեր ծացկեց, հող ու ջուր սառաւ, ծառեր զոստցան թև ու թռչուն չեց հեռու աշ-խարհ:

Մոլոր շրջում եմ ծառից-ծառ, թփից-թուփ: Ար-ցունքն աչքերիցս վաղուց է ցամաքել բայց նա դեռ հե-ծում է:

Ուզում էի սրտիս խորքում պահեալ մի հատիկ սփո-փիչ արցունք ունենալ. մի վայրկեան նորից ապրել:

Հոգիս յուզում էր սիրտս պատառ-պատառ էր լի-նում, ես նետում էի դուրս. մոլոր շրջում էի անորոշու-թեան շուրջը և յոգնած ընկնում էր ցած:

Ծառը սաղարթ տխուր շարժում էր և ցուրտ ու չոր քամուց պատսպարելով ինձ, մերթ մխիթարում, մերթ դառնազին յառաջում էր:— «Նա գնաց, նա գնաց»: Եւ այդ դէղնած թորշամած տերևները նրա արցունքներն են, որ հատ-հատ ընկնում են երեսիս ու այլևած աչքերիս:

Դու հեռացար...

Սարեակը եկաւ և իր դայլայլիկների հետ դողաց ամբողջ մարմնով:

Սիրտս ալեկոծւեց, փախա դաշտ:

Ձնծաղիկ էր բուսել այնտեղ. փնջիկ հիւսեցի: Գարնան առաջի ծաղիկը ձեռքիս, դողդող քայլերով, բարձրացա վերը. միտքս ալեկոծ, յուզւած սրտով բաղխեցի այնտեղ... Ի դուր էր աչքերս որոնում նրան. նա չը կար. բայց ես զարգարեցի նրա մազերը...

Երբ ուշիկ եկա, ինձ թւաց որ ես մի վայրեկան սպրեւ եմ. արցունքներս ցողում էր մազերիդ և այդ մազերի վրա ամրացրած էր ծաղիկը. նա թաց էր. ես նրան սեղմեցի շրթունքներիս և պահեցի սրտիս խորքում:

Գարուն էր:

Ծառերը զարգարել էին, թփերը պճնւել, ծաղիկները բուրում էին. մանիշակը բացւել էր, հեղիկը խաղում էր գեփիւտի հետ, շուշանը շողում էր արևի ցոլքերում:

Ամեն անից, ամեն թևից մի թռչուն էր եկել. նրանք բո ձայնին էին սպասում: Երբ դու երգում էիր, նրանք լուռ, լուռ էին. երբ դու զբոսնում էիր իջնում էին ձեռքերդ և անթարթ աչքերիդ էին նայում:

Ծաղիկները գգում համբուրում էին ոտքերդ. շնչում էին քու բոյրից. իրերում, ժպտում էին քիչ. թռչունը

խօսում էր քու հոգուց. երկիրը օրօրում էր քու իրանը և դու ծաղկանց մէջ սաւառնում էիր անբիծ մաքրութեամբ:

Լուսինը հանգարտ լողում էր. ջինջ երկնակամար բացել էր գիրկը քու առաջ. անթիւ անհամար աստղեր գուրգուրալով շրջել էին քեզ. մերթ փարւում հպւում էին, մերթ հանգարտ լողում էին եթերում:

Նորաբողբոջ տերևները խաղում էին քու շողքերի հետ, ալվառ ծաղիկները օրօրում էին նազանքով. ծովի գեփիւտը մրմունջ էր ասում քեզ:

Ծաղիկների կրծքում էի հիւսելքո բոյնն, ամեն թփից, ամեն ծառից ու ծաղկից պսակ էի պատրաստել քեզ համար. սիրտս պատառւում դուրս էր նետւում, նա որոնում էր, նա խելակորոյս կանչում էր քեզ:

Հեռու մշուշի մէջ ամպեր էին հաւաքւում, նրանք լողում էին ոտքերիդ տակ և դու տենչաքով սքսղում էիր այնտեղ:

Ահ, որքան յստակ ու սուրբ էր դա...

Դու ձեռքդ մեկնում էիր և իմ սիրտը որոնում էր քեզ. նա նայում էր աչքերիդ, նայում էր աննդհատ և անհագ. Եւ քու հայեացքը թափանցում էր սրտիս խորքերը, հպւում, ձուլւում էր այնտեղ:

Ահա աղբիւրը, ծառը, ծաղիկները և խիտ սուտերի տակ քու ժպիտը. նրան զարգարել էի վարդազոյն յոյսերով, լուսով և շողերով: Ահա և համբոյրը իբ բոյր և կոկոմ տենչանքով... Եւ ոտքերիդ տակ քու անբախտ Հրանիդը:

Դառը դժգոյն աշնանայն ցուրտ էր փչում. սև սև ամպեր էին կուտակւում բամին փոյում էր անտառի խորքից:

Ծառերը տերևաթափ էին լինում, վարդենին գոսանում էր. ծաղիկները թառամում էին գիտնին, բայց նրանք դեռ ապրել էին ուզում:

Մերկացած ծառը բողբոջ էր արցակում գոսացած բարդը կոկոն էր տալիս. շուշանը արմատից ցողուն էր բռնում, մարգարիտը բացել և թախծալից աչքով որոնում էր: Չէին ժպտում, չէին հրճւում, թիթեռնիկների և մեղուների հետ չէին խաղում. նրանք եկել էին կարեկցութեան, այրած սրտին լացու արցունք ցողելու:

Որքան յուզմունք կար նրանց վեհ ու սքանչելի սրտերի մէջ:


Նրանց անարատ ցոլքերում ապրում էր իմ արցունքըները և երբ այրած աչքերիցս քամում էի տանջանքի վերջին կաթիլները, վաղօրդեան ճառագայթը՝ գալիս էր երկրնքից՝ գուրգուրում, հպւսւմ էր ցողերին, տանում էր նրան վերը, շատ վերը. սիրաս լցւում էր վշտով և ես օրհնում էի քեզ...

Գիշերը տարածւում էր ժանգ ու մուլթ գիշեր. խորը գերեզմանային լուսթիւն էր տիրում շուրջս. ծաղիկները խոնարհում էին գլուխները մօտենում էին իրար, շնչում էին և դողում: Հնչովս տաքացնում էի արցունքովս վշտակից լինում նրանց և մենք յուսակտուր սպասում էինք արշալուսին:

«Եկաւ, եկաւ». շարժեցին ծաղիկները, Յասմիկը հանեց գլուխը. յակինթը թռթռալով շարժեց թևերը, հեղիկը նազանքով բացեց աչքերը: Արևը ապրում էր նրանց վառ ցոլքերում, հպւում կենդանութիւն էր տալիս, ոսկէ ճառագայթներով ցողում էր ամենուրեք. բայց նա ինձ չէր տեսնում, ես էլ էի բեկւած սրտով սպասում, ամբողջ

մարմինս դողում էր, ձեռքերս սեղմւած շնչարգել սպասում էի...

«Եկաւ, եկաւ, ուզեց խօսել և իմ անբախտ սիրտը. ճայնա խեղդւեց, լեզու և կապար դառաւ, արցունքներս սառան, կպան աչքերիս:



Faint, illegible text at the top of the left page, possibly bleed-through from the reverse side.

Second block of faint, illegible text on the left page.



Large block of faint, illegible text at the bottom of the left page, continuing from the upper sections.

Faint, illegible text at the top of the right page, possibly bleed-through from the reverse side.

Second block of faint, illegible text on the right page.

**'E S T L'**

Large block of faint, illegible text at the bottom of the right page, continuing from the upper sections.



Մի գեղեցիկ առաւօտ էր դա:

Արևի ճառագայթները դեռ ցողերի մէջ էին խաղում. մայր երկիրը իր խոր քնից արթնացած՝ օրօրում էր ամպերի հովերում և թռչունները վազօրդեան երգեր հիւսելով օրհնում էին նրան:

Իր հրաշակերտ պալատում, անմեղ, անարատ, վառ երազանիներով և դեռ շոյող ննջի մէջ սքողած՝ արբենում էր գեղեցիկ Ադան՝ երբ գեփիւռը հետու տեղից հատ-հատ հասցրեց նրա ականջին վշտահար երգի ալեկոծ բեկորներ: Ահաբեկ սրտով նա ցած իջաւ:

Կատաղի ծովի զիմաց, վիթխարի ժայռի կրծքին հին-լած էր դժգոյին պատի. նա երգում էր. նրա ձայնը տխուր էր, մեղամաղձոտ և սրտառուչ, երբեմն նրա հոգու խորքից դուրս էր թռչում բողբոջ, երբեմն խորը հառաչ հեռ անգուսպ վիշա:

Ադան անվստահ քայլերով մօտեցաւ նրան:

—Ո՞վ ես... Հազիւ շնչաց նա: պատանեն լուռ էր:

—Ո՞ւմ ես որոնում դու այստեղ. ի՞նչ ես դու երգում:

—Ես երգում եմ վիշառ... Ադա:

—Իու երգում ես վիշառ. զարմացած, հարցրեց աղջիկը:

—Այո:

—Եւ այդքան սքանչելի:

—Վիշառ սքանչելի է, Ադա, երբ դու միայն նրան նայում ես:

Տես, այս հսկայական լեռներին, նայիր, այս հրապուրիչ տեսարաններին. լայնածաւալ ծովը ալեկոծում է մեր զիմաց. գեղեցիկ է. բայց որքան վիշա կա նրա մէջ:

—Այստեղ զբոսնում էի. ամեն առաւօտ սիրտս խօսում էր բնութդան հետ,—յուզմունքով դառաւ նա տղուն.— Եւ անհագ կարոտով որոնում էի... որոնում էի և...

—Գտա՞ւ:

—Ոչ, Ադա, որոնածը չեն գտնում. բայց լսիր:

«Երկինքը դեռ բաժանւած չէր երկրից. ծաղիկները խաղում էին աստղերի հետ. հողին յստակ էր, սէրը անթառամ:

Երբ պատանին սիրուց յուզւում էր, աղջիկը նրա սիրտը կրակ ու բոց էր զցում և երբ պատանին այրւում էր նրա ոտքերի տակ, աղջիկը իր մի կաթիլ արցունքով նորից կենդանութիւն էր տալիս և նրանք ապրում էին յաւատիան»:

—Պատմե՞մ:

—Պատմիր:

«Վսեմ էր աշխարհը, յստակ անարատ, սիրալիր գրաւիչ, ինչպէս այդ քու ծով աչքերը:

Վսիմ էր բնութիւնը, հզօր, յաղթական... բայց նա այդպէս չը մնաց:

Նայիր լեռներին, շղթայել—դապել են յաւիտենական կապանքներով. ձիւնը ծանրացել է նրանց հսկայական գագաթներին, կաշկանդել է իր սառնամանիք ճիրաններում: Այժմ ամպերը կուտակւում են նրանց թաւօտ լանջում, ալիքը ծէծում է նրանց վիրաւոր կրծքին. կայծակը ապրում է, փայլակը շողում է այնտեղ:

Օ՛ որքան տանջանք կա այս վճիտ ջրերում»:

Ադան լուռ էր. նա մտախոհ նայեց պատանուն, մի շարժում արաւ, աշտարակից մի քար պոկեց և աղմուկով զցեց ծովը:

—Եթէ դու կարողանայիր ծովի մէջ թաղել և ինձ և իմ անբաժան վիշառը, Ադա, ապառաժի կտորը ինձանից բախտաւար չէր լինիլ:

Ադան ցնցեց, նա ինքնամօտացութեան մէջ, պատա-

նու ձեռքիցը ամուր քաշեց դէպի իրան և երկիւղալի նայեց նրան:

Պատանին շարունակեց:

«Երկինք ու երկիր անեղ կուեցին. ծովը կատաղից, ալիքներ խառնեցին իրար, որոտ տեղաց, փայլակ, կայծակ շանթահարեցին. մի բոց ծնեց, մի ամպ բարձրացաւ: Այն չքնաղ կոյսը շողում էր ամպում, այնքան սքանչելի, այնքան սուրբ ու անարատ էր նա: Արևը իր ջերմ ճարագայթներով ողողել՝ նրբաքողում էր նրա կուսական մերկութիւնը, բայց նա հպարտ լողում էր հօրիզոնում. մերթ թուշում, հպում էր երկնքին, մերթ թեթև խաղում մօտենում էր ծովին. ամպերը շանդարտ օրօր էին ասում նրան և ոչ մի չար բան չը կար աշխարհում»:

— «Ահա իմ ընկերը կոչեց պատանին, թեքը մեկնեց վագեց դէպի կրակը»:

— Կրակը:

— Այո, Ադա, կրակից հեռանալ չես կարող. նա հեռւից էլ է այրում քեզ:

«Մի դիւթիչ գիշեր, գեփիւռը ծովից օրօր էր ասում, պատանին ու աղջիկը զմայլւած՝ գուր գուրում էին իրար:

Երջանիկ համբոյրները շրթունքին ննջում էր պատանին. բայց աղջիկը երազանքների մէջ էր:

Երկինքը հափշտակել էր վառ ցնորքներով և տենչալի երազ եկել պաշարել էր նրան:

Լուսինը շողերով զարդարում էր նա փրփուր մագերը, սէր էր աղբսում երազուն աչքերից, կրակ ու բոց էր գցում մատաղ կուրծքը, և յուզիչ համբոյր այն վառ աչքերից, և թութիւ հպում տենչալի շրթից, և լեռներ, և ծով, երկինք ու աստղեր, և մեղմ գեփիւռ մերթ ողբում արցունք էին թափում, մերթ գուրգուրում, ժպտում էին նրան:

Եւ օր օրի վրա երազ ու երկինք, կրակոտ համբոյր և սէր, աղէրսանք, մինչ վաղօրդաեան լուսոյ ցոլքերը օրօր

էին ասում, արբեցնում աղջկան. և սա հափշտակած փայլուն երազանքներով, սլանում էր երկինք և այնտեղից կարեկցաբար նայում էր պատանուն, և երբ պատանու հայացքը հարում էր նրան. — «Ոչ, ոչ». սիրելի ժպտով դառնում էր նրան. — «Ես քեզ շատ եմ սիրում շատ»:

«Բայց»...

Պատանին կանգ առաւ. թէ ինչէր կատարում նրա հոգում, աղջիկը այդ չը կարողացաւ հասկանալ, բայց նրա համար մի բան պարզ էր, որ տղան դժւարանում էր շարունակել. քնքաբառ առաւ նա՝ պատանու ձեռքը և ուղիղ աչքերին նայելով ասաց. — աղջիկը նրան խաբել է անպէս չէ:

— Ոչ նա չը խաբեց, Ադա, խաբում են երեխանները. նա անիծեց. նա օրհնեց. թողեց պատանու հոգում տանջանքի մի սքանչելի դրոշմ և մի անողորմ կրակ»:

«Մի ժանգ ու մութ, խաւար գիշեր պատահեց այդ, Ադա:

Այն վերջին ժպիտն էր, որ դողաց թշուռ պատանու շրթունքին և արցունքներ, որ թափւեցին նրա կրծքին:

Նա անարեկ բացեց աչքերը և սրտի բաբախումով նայեց իր շուրջը, մենակ էր, միայնակ իր սև վշտի հետ. դեռ դողում էր կուսական համբոյրը նրա շրթունքներին, արցունքը թոթովում էր նրա հոգու խորքերում:

Երազ էր, անեղ զարհուրելի երազ, նա կանչում էր, նրա ձայնը դողում էր, սիրտը ձմլում. նա յուսահատ ուրոնում էր, մի ձիչ էլ, մի սրտակտուր աղաղակ էլ և ընկղմում է վշտի մէջ աւելի խորը, աւելի խորը:

Ոչ մի տեղ հանգստութիւն չէր գտնում, բարձրանում էր սարերի լանջին անելի ժայռերի կատարին, տարածում է ձեռքերը. շրթունքները չեն շարժում, համառ ու լուռ ողբում է միայն նրա հոգին:

«Իմ ամբախտ աչքեր, ի՞նչու չը կուրացաք առաջին վայրկեանին.

Ի՞նչու չը տեսաք իմ դառը վիճակը»:

«Մի արցունք գոնէ, իմ թշուառ աչքեր»:

Ալեկոծւում է ծովը, ալիքներ են բարձրանում, անդունդը վշտում է. երկիրքը փայլատակում է, բայց ոչ ոք նրան չի պատասխանում, ոչ ոք նրան չի տեսնում, ոչ ոք չի հասկանում. նա իր վշտի հետ միայնակ է, միայնութեան մէջ»:

«Նայիր, իմ կուրացած աչքեր, նայիր շատ հեռուն. գուցէ դու կարողանաս տեսնել նրան, գուցէ կարողանաս գտնել դու նրան»: Փոթորիկը տանում էր հեռնւ պատանու յուսակտուր խօսքեր:

—Օ, ինչ դառն է, երբ գիտես, որ քեզ ոչ ոք չի հասկանում, երբ գիտես, որ միայնակ ես քու անբաժան վշտի հետ, Ադա...

«Եւ անհ մի օր, երբ պատանին խորասուզած՝ քրքրում է իր տանջւած սիրտը. նրան պատահում է մի աղջիկ. այնքան գեղանի, այնքան երջանիկ ու բախտաւոր:

Կանչում է նա պատանուն, և խնդրում է նրանից պատմել իր վիշտը:

Վիշտը պատմել...

Նրան հասկանալ է պէտք, Ադա... Բայց աղջիկը նրան չի հասկանում, նրա մանկական սիրտը յուզում է. մատաղ կուրծքը ալեկոծւում է. նա իր քնքոյշ ձեռքը մեկնում է պատանուն և անմեղութեամբ կոչում է. —Ես կը որոնեմ նրան. ես կը գտնեմ և դու երջանկ կը լինես:

— «Ո՛չ դու մի որոնել նրան. նա ինձ մօտ է, նա իմ հոգու խորքումն է, ես բաժանւել եմ ուզում, ես փախչել եմ ուզում, բայց նա երկու ձեռքով բռնած իմ սիրտս՝ սեղմում է նրան, ես ուզում եմ ասել նրան, բայց սիրում եմ, ուզում եմ անիծել, ամբողջ հոգով թունաւորել, իմ շրթունքներս աղօթք են մրմնջում նրան... Ադա:

—Գու գնում ես. սպառիր, ինչո՞ւ պատմեցիր:

—Օ, եթէ կարողանայի իմ դժբախտ վիճակի վրա լաց

լինել, եթէ կարողանայի մի արցունք քամել, իբրև մի օտար գոնիայ, քեզ չէի պատմել:

Պահեր այդ մանկական, անարատ արցունքներդ... Մի օր, երբ սիրտդ ալեկոծւի, երբ քնքոյշ հոգիդ դառնանայ, յիշեր ինձ, այն ժամանակը ինձ կը հասկանաս, բայց արցունք չես ունենալ թափելու, Ադա. ինչ դառն է կեանքը:

Աղջկա ականջին դեռ հնչում էր պատանու վշտահար ձայնի վերջին բեկորները: «Մի արցունք գոնիայ իմ թշուառ աչքեր, ինչու չը կուրացաք առաջին վայրկիեանին, ինչու չը տեսաք իմ դառը վիճակը»:

Այդ օրւանից չքնաղ Ադաի սիրտը մի յոյզ, մի անշէջ կրակ է ընկնում, նրա աչքերից քունը փախչում էր, գիշերները նա լուռ թափառում էր աշտարակի շուրջը և երբ հնչում էր թռչնոց վաղօրեան երգը, նրա սիրտը ալեկոծւում էր, նա իր հոգու խորքից լսում էր. «Մի արունք գոնեայ իմ թշուառ աչքեր»... և նրա աչքերից թափւում էին կաթ-կաթ արցունքներ, նրան թւում էր, որ նա ապրում է, նա որոնում է և պիտի գտնի այն սքանչելի վիշտը, որ այնքան փայլիայած, այնքան հարազատ էր իրան:



## ՏԵՈՒՐ ՊԱՏՄՈՒԹԻՒՆ

Խորհակած կեանքիս  
լուռ բեկորներից  
արձան եմ կանգնել:

Նրա մանկական աչերը նայում էին լի սիրով, ուրախութեան բուռը տենչով:

— Չգնամ, ասացի ես ախուր:

— Հա, մի նա. թէյ հմի:

— Թէյ, խմեմ:

— Հա:

Նա բարձրացաւ ոտքերի ծայրերին և իր փափլիկ թևերը մեկնելով՝ ուղեց թռչել ընկնել գիրկս: Մի ակընթարթում առա նրան, բարձրացրի ձեռքերիս վրա. նրա ուրախութեան չափ չկար:

— Ո՛ւ՛սւ, ինչ մեծ ես, կոչեցի ես, նա քրքջաց, երկու ձեռքով փարւեց վզովս և իր քնքոյշ այտերը մօտեցրեց շրթունքներիս:

— Է՛լի:

Ես նորից թոցրի նրան:

— Է՛լի, է՛լի, թոթովեց նա:

— Յոգնեցիրք. այժմ նստենք թէյ հմենք, հա:

— Հա. համաձայնեց նա և մնաց գրկումս և իր փոքրիկ ձեռքերով սկսեց խաղալ ինձ հետ. նա գլարձանում էր, խկ էս սքանչանում էի նրանով, ուզում էի, որ նա խօսի, խօսի երկար:

— Չուշունն ուսում է. սիրուն-լանը, գիտես. թոթ-վեց նա:

— Որտեղ է Չուշունն:

— Դուսը:

— Թօթօն վազեց, վազեց. հափ-հափ-Չուշու. հատ-հափ Չուշու: Միևնոյն ժամանակ նա իր փոքրիկ մատնե-րով շփում էր երեսս, Չոկոտում էր բեխերիս մազերը և աշխատում էր մտցնել բերանս, գիտում էր ատամներս: Ես աննդհատ նայում էի, նայում և չէի հասկանում ինչն է ինձ գրաւողը, արդեօք այն չքնաղ մանկական դէմքը, վսեմ աչքերը, սպիտակ-փրփուր մազերը, թէ՛ նրա աստուածա-յին անմեղութիւնը. ես նայում էի, նայում էի անկշտում, յափշտակում էի նրա իւրաքանչիւր հնչիւնը, իւրաքան-չիւր խօսքը: Նա նորից և նորից սկսում էր թոթովել, փոքրիկ բերանը բաց ու խուփ էր լինում, մանրիկ ատամ-ները խփում էին իրար. շատ անգամ նա ինձ համար ան-բացատրելի բառեր էր արտասանում. լսում էի, ազա-հուլթեամբ կլանում էի նրան. և նա ամուր կպած կրծ-քիս՝ խաղում էր, խաղում էր անհանգիստ ու զարմացած. խաղալիքներ էր գտել երեսիս, թէ ուսումնասիրում էր, այդ, ես չգիտեմ, բայց նա գնում էր, մանրակրիտ նա-յում էր վրաս: Հերթը հասաւ փողպատիս. ժապաւէնս քանդեց. նայեց աչքերիս և այն տեղից երևի համա-ձայնութիւն գտնելով. նորից իր ճանապարհով գնաց:

— Ծուռ արի, ասաց նա. ես գլուխս դարձրի.

— Պասիք, ես «պասեցի». նա բրբջաց և մեծ բաւա-կանութիւն զգալով իր արածից, նայեց ինձ, ես համբու-րեցի նրա գլուխը ու նա սեղմեց կրծքիս:

Ես թէյը հովացնում էի և նա խմում էր:— Ածա ժըպ-տում էր նա. թևերը-ձեռքերը շարժում էր և թռթռում էր իմ իւրաքանչիւր շարժւածքներիցս.— Պրծանք. ասացի ես. «պրծանք». կրկնեց նա:

— Ես ը՛րպան ունիմ. ֆարթուլը ցոյց տալով դառաւ նա ինձ:

— Դու գրպան ունիս:

— Հա, ասացի ես:

Նա իր փոքրիկ գրպանից հանեց կոճակներ, գոյնգ-գոյն թելերի կտորներ, ժապաւէններ և յցրեց իմ ժլլե-տիս գրպանը. այնտեղ նա գտաւ մատիտ և գրչահատ:

— Բաց արա, ասաց նա:

— Բաց արա, բաց արա.

— Ո՛ւ, դժւար է, տես չեմ, կարողանում: Նա ինքը ուզեց բաց անել: Մատիտը և գրչահատը մի պահ նրան զբաղեցրին. նա ինձ մօռացաւ. ես զգուշութեամբ համ-բուրեցի նրա մազերը. նա կարծես սթափւեց, աւելի տե-ղաւորեց գրկումս. յարմարութիւն էր որոնում, գլուխը թէքելու տեղ էր փնտրում. ես ամենայն խնամքով պատ-րաստեցի գիրկս. նա մի ձեռքում մատիտը, միւսում-գրչ-հահատը բռնած՝ անթարթ շնչում էր կրծքիս և կարծես մտածմունքներ եկել պաշարել էին նրան: Ես յետևում էի նրա մեղմ շնչառութեանը, զգում էի անսահման ջեր-մութիւն. խնամքով շփում էի նրա դանդուրները. չէի շարժում, թւում էր ինձ որ կրխանգարեմ, կրցաւեցնեմ, յանցանք կը գործեմ այդ Աստու առաջ: Քարացած դի-տումի. նրա թերթունքները ծանրանում էին. մի քանի անգամ կպան և բացւեցին. նա գլուխը թեթև շարժեց, յարմարեց, մի ակնթարթի էլ և նրա աչքերը մեղմ փակ-ւեցին:

Լուռ էր սենեակս, տխուր և միայնակ. մի վայրկեան հայեացքս հեռացրի նրա մանկական երեսից. նայեցի շուրջս. ապա կարծես պատերից վախենալով՝ նորից ա-ռա գիրկս, նորից կպա նրա ջերմ շնչառութեանը:

Վաղուց չէր, որ մնացել էինք միայնակ, լքւած, ան-խիթար:

Մթնեց այն մռայլ օրը. բայց նա դեռ այնքան թարմ

էր, այնքան կենդանի իմ յիշողութիւններէ առաջ, որ չէի կարողանում ազատուել այդ ինձ կաշկանդիչ անգութ մը-տապատկերներէրց: Այն դժբախտ առաւօտը իւր ամենային մանրամասնութեամբ և ինձ համար անսպասելի դժբախտ նորութիւններով եկաւ Կորից պաշարեց ինձ. մարմինս ցնցեց, սառսուռ գգացի. շղերս կծկեցին, ճնշում էր ինձ մի բութ, աւելի շուտ խեղտիչ, ծանրութիւն: Մի ճիչ դուրս թռաւ իմ կրծքից, մի անգիտակցական բողբոջ խլացաւ իմ հոգու խորքում. աչքերս բեւեռեցին դռներին. ես փար-ւեցի մանուկին, սղմեցի նրան ամուր: Մի պահ անորո-շութեան գրկումն էի. երբ ուշքի եկա ամեն ինչ չքացել էր. երեխան աչերը լայն բացած՝ նայում էր ինձ. երևի գա-ռանցանքիս մէջ մօր անունն էր դուրս թռել բերանիցս. սիրտը բաբախում էր, ձեռքերը պարզեց, ուղեց խօսել... Ես... մա... Քնիր, քնիր, բերանիցը խլեցի ես «Ման...» քնիր-գիշեր է, գիշերը չեն խօսում, դուքսը խաւար է, փողո-ցում մարդ չկա... Ասացի ես շտապ-շտապ. ապա չը գի-տեմ ինչու ցածր և հագիւ լսելի շնչացի նրա ախանջին. «գու խելօք ես». և յոգնած գլուխս ընկաւ ուսերիս. նա կարծես ինձ հասկացաւ, թեթև շարժում արաւ, յարմար-ւեց գրկումս և նորից աչքերը փակեցին:

Նրա մատաղ գլուխը հանգստանում էր իմ կրծքին և չէր զգում ինչ է կատարում ներսը, բայց ինձ թուում էր, որ թունաւորում եմ այդ անմեղ արարածին, նրա արիւնը վարակում եմ իմ կրծքով, իմ տանջանքները դրոշմում են նրա անարատ հոգում. որ ես իմ քայքայած կեանքի դո-յութիւնը քաշ տալու համար գողանում, յափշտակում եմ նրա ամենավեհ սրբութիւնները... Բայց միևնոյն ժամա-նակ սարսափում էի, որ մէկը պիտի գա, խլէ նրան իմ կրծքից, պիտի բանա այն վէրքը, որ այս քնքոյշ մարմնի տակ այնքան խնամքով պահուում—սփոփում է:

Աչքերս դռնից չէի հեռացնում. ահա նա կամացուկ բացեց. ոտքերի ծայրով մօտեցաւ պառաւ դայեակը՝

այս դժբախտ յարկի միակ կենդանի վկան. նա տխուր ձայնով դառաւ ինձ:—Երեխան դիր տեղը, մեղք է թող քնի:

—Այո, մեղք է. ասացի ես:

—Դու էլ հանգստացիր, աւելացրեց նա և իր վշտալի հայեացքը գցեց ինձ. ես նրա աչքերից նշմարեցի, որ նրա վշտը այնքան երեխայի համար չէր, որքան իմ. նա հարա-դատ մօր պէս դողում էր ինձ վրա, երևի ես շատ տան-ջած դէմք ունէի, որ նա այնքան խիստ էր նայում ե-րեսիս: Ես սարսափով դիտում էի նրան, նայում էի նրա շրթունքներին, ահա նա կը շարժւի և, առանց զգալու, որ այդ խօսքերը թունաւորում, ջախջախում են ինձ՝ կը ջանա իբրև մայր մխիթարել ինձ:

Նա բարձերը ուղղեց և դառաւ ինձ:

—Ուշ է, հանւեցրու երեխային և հանգստացէք:

Նա «բարի գիշերի» հետ շնչաց երկու բառ ևս, որը ես հագիւ, աւելի շուտ, շրթունքների շարժումներից, լսեցի. նա խնամքով գուռը փակեց և հեռացաւ:

Ես ազատ շունչ քաշեցի, գլուխս թեքեց դեպի երե-խան, շրթունքներս մօտեցրի մաղերին, զգուշութեամբ համ-բուրեցի. անսահման կարօտով սեղմեցի կրծքիս.— ոչ, այս-պէս լաւ է, թող էլի քնի.— մտածում էի ես, բայց դայեա-կը նորից դուռը բացեց և ես աւելի շուտ, որ նա չխօսի, տեղիցս մեքենաբար շարժեցի և զգուշութեամբ դրեցի մանձակալին. նա օդնեց ինձ, մենք լուս հանւեցրինք նրան: Փափուկ բարձերի վրա ննջում էր նրա սիրուն գլուխը. դայեակը նայեց երեխային, մի բան շնչաց. աղօթք էր թէ անէծք ես չհասկացա, բայց ինձ աւելի շուտ թուաց, որ դա նորից վերաբերում էր երեխայի մօրը, որից ես սարսա-փում էի, այժմ ուրախ էի որ չ'լսեցի:

—Ա՛յ այժմ լաւ է, դայեակ, շնորհակալեմ, գնա, հան-գստացիր:

—Դու էլ, դու էլ, հանգստացիր:

— Ես էլ, ես էլ, դայեակ, կը հանգստանամ.

Նա գնաց:

Ես երկար նայում էի նրա յետևից և չէի կարողանում հասկանալ այդ մարդուն: Ի՞նչ է ուզում նա ինձանից. հարկաւոր չէն նրա փաղաքշանքները, թող նա ինձ հանգիստ թողնէ: Ամեն անգամ երբ պատրաստուում էի իմ դժգոհութիւնը յայտնելու նրան, բայց նա հէնց սենեակս էր մտնում թէ չէ, ես դողում էի նրա առաջ: Փառք Աստծու գնաց. այժմ ես միայնակ եմ փոքրիկի հետ. նա մի ամբողջ աշխարհ է ինձ. նրանով ես ապրում, շնչում եմ. նա է իմ ամբողջ էութիւնը: Որքան պարտական եմ նրան. չէ՞ որ ես ոչինչ եմ, մի հիւլէ. նա, իբրև մի մարմնացեալ սրբութիւն, եկել, պահում է ինձ. նրա իւրաքանչիւր շնչառութեան հետ հոգիս լցում է ջերմութեամբ: Եւ այդ փոքրիկ մանուկը, այն մեծ վշտի ծովում, կռիւ է մղում. իմ յուզած սրտի ալեկոծութեան դէմ մաքառում՝ չի թողնում ինձ խեղդելու: Ես զգում էի, որ այդ մատաղ կուրծքը, այդ սքանչելի մանուկը, կարողանում է յաղթել:

Ծնկաչոք ընկայ մահճակալի ոտքերին, գլխով յենեցի լծակին, նրա փոքրիկ ձեռքը զգուշութեամբ առա փերիս մէջ, շրթունքներս մօտեցրի նրան և յուզած սրբուով սկսեցի հեկեկալ:

... Եթէ նա կարողանար խօսել, կարողանար հասկանալ ինձ, կը պատմէի նրան, կասէի բոլորը, բոլորը... Կուրծքս լիքն էր, հարկաւոր էր ազատութիւն տալ: Եւ նա կը լինէր այն միակ արարածը, որին ես վստահ կըլինէի հաղորդակից անել իմ վշտին. այն միակ մաքրութեան տիպարը, որը չէր խորշիլ ինձանից, որը չէր ժլատալ իմ անբախտութեան վրա, չէր հեզնիլ...

— Մենք իհարկէ կըմնանք իբրև լաւ բարեկամներ այնպէս չէ՞, խօսեց կինս իր հրաժէշտի վերջին ըոպէսներին, երբ ես սարսափի մէջ սքողած մոլորել էի:

— Այո... արտասանեցի. և ինձ թւաց, որ եթէ նա ասէր. «Ես պիտի սոււառնեմ ծաղկանց մէջ երջանիկ, իսկ դու դժոխային բոցերի մէջ պիտի այրւիս, այնպէս չէ՞»: Ես նոյնպէս կարտասանէի. — Այո...

— Իու ինձ նամակ կը գրես և իմ նամակներին կը պատասխանես. խօսեց նա նորից շտապ-շտապ:

Իուրսը կառքը կանգնած էր, այլևս ոչինչ չէր մնում ասելու և նա սեղմեց ձեռքս, զննող աչքերով նայեց ինձ. նրա դէմքի վրա իւրքնաբաւականութեան ժպիտ խաղաց. նա թափանցեց իմ հոգու խորքերը մինչև ոսկոռներս. նա ճանաչում էր ինձ աւելի քան ես, նա տեսնում էր իմ անսահման տանջանքը՝ տանջանքը՝ զսպած կաշկանդւած. նա տեսաւ որ հազիւ եմ զսպում, հեկեկանքից խեղդում եմ և նա կարծես դիտմամբ չէր շտապում. նրան շոյում էր իմ անսահման սէրը. նա հպարտանում էր իմ տանջանքով, ներքուստ հրձուում էր. նա գիտէր, որ ես իրան եմ սպասում, իր հեռանալուն. նայեց մինչև անգամ այն ճերմակ բարձերին, որոնք միակ ընկերս պիտի լինէր, իր հեռանալուց յետոյ. նա գուցէ և զննեց թէ բարձերը որքան փափուկ են և յարմար են դրան...

Արդէն վճուած էր, նա պիտի գնար. և ես թերևս երագի մէջ կարծես հրաշքի էի սպասում:

Կառօր շարժւեց...

Չգիտեմ ինչո՞ւ ես դուրս էի եկել պատշգամբ, նայում էի կառքի յետևից. նա սրնթաց հեռանում էր:

Նա տանում էր իր հետ իմ ամբողջ էութիւնը: Անիւրի ամեն մի պտոյտը պոկում էր սրտիցս, քաշում, ջլատում էր նրան: Այնտեղ էր իմ երիտասարդութիւնը, իմ վառ իդէալական ցնորքները, իմ երազած ու փայփայած իդձերը, տենչանքները. նրանք մէկիկ մէկիկ ընկնում էին փողոցի ցեխի ու տիղմի մէջ, անիւր իր պտոյտների հետ խորտակում էր նրանց:

Սիրտս դատարկւում էր, ես զգում էի, թէ ինչպէս

մեռնում եմ, ուղեղս տեղից շարժւում էր, ոտքերս փայտացել էին և ինձ թւում էր, որ ոտքերիս տակը խորխորատներ են. սրունգներս երկարանում էին, հասնում էին անդունդի խորքերին և այսպէս ես քայլում էի. քայլում էի նոյն փողոցով, ուր այնպէս արագ կառքը սլացաւ: Ես դուրս էի եկել քաղաքից և աննդհատ երեւոյով առաջ էի գնում. թւում էր որ ես իմ յուզարկաւորութիւնն եմ կատարում...

Երբ ուշքի եկայ, ուղեղիս առաջին աշխատանքը ինքնասպանութեան հարցէր: Յանկարծ չ'գիտեմ ինչո՞ւ ես ինձ վրա ծիծաղեցի. երանի չէ՞ր, որ վերքս այնքան թեթեւ լինէր, որ կարողանայի այդ քայլին դիմել... Մեռած մարդը ուզում է ինքնասպանութիւնը գործել. ծիծաղելի էր դա ինձ համար...

Չգիտեմ ուրևականի պէս որքան ժամանակ էի թափառել, որքան էի տանջւել. այժմ հաշուել էի վիճակիս հետ, փակւել էի տանը և ահա միակ միսիթարութիւնս երեխան էր և կարծես սրտիս խորքում դեռ մի մօռացւած անկիւն էր մնացել և այդ խորը՝ այդ փոքրիկ ծալքը՝ թերևս պահում էր ինձ:

Ի՞նչուր բացւեց. դայեակն էր. նա եկել էր խօսելու. կանգնեցի, աչքերս յառել էի նրան և յանցանք գործածի պէս սպասում էի:

— Բաւական է, բաւական է. նրան դու նոր չէիր կորցրել. խօսեց նա ծանր, ծանր:

— Իայեակ...

— Այո, այո. նա վաղուց էիր, նա այն...

— Իայեակ...

— Նա թունաւորեց, բայց դու լուծւում էիր, և այժմ...

— Բաւական է, խեղդւած արտասանեցի ես: Ուզում էի ականջներս փակել՝ չլսել նրան, նրա խօսքերը թոյն էին, նա մի պահ լուց, մօտեցաւ երեխայի մահճակալին, նայեց նրան, նայեց և ինձ վրդովւած ու թախծալից:

Ես սարսափում էի նրա աչքերից. մի զարհուրելի միտք անցաւ գլխովս. Մի՞թէ... գոռացի ես. դայեակը ցնցւեց, նա այլևս չ'կարողացաւ նայել ինձ.— Սուտ է, սուտ է, գոռացի ես նրա յետեից. Չղերս կծկւում էր, աչքերս մթնում էին, սպասում էի, որ դայեակը մի բան կասի, բայց նա լուռ էր. ես խելագարի նման ընկա մահճակալին. ազանութեամբ գննեցի. աչքերով կլանում էի... Ա՛հ, մի յուսահատական ճիշ դուրս թռաւ կրծքիցս՝ ձեռքերս շարւեցին, մկանունքներս կծկւեցին, մատներս կպան իրար, մի զարհուրելի ոստոյն արի...

Չգիտեմ ինչ պատահեց ինձ, երեխան յատակին ընկած անմխիթար լացէր լինում, լամպարը մարել էր, և ես տենդային դրութեան մէջ՝ դժոխային ծիծաղով բըրբըջում էի...

Հետեւեալ օրը կիւրակի էր, վառ գարնանային առաւօտ, ես շատ վաղուց էի անից դուրս եկել, թափառում էի քաղաքից դուրս սարերի լանջերին, ապառժաների ծոցում. երբեմն կանգնում էի, դիտում էի ցած—քաղաքի մթնոլորտին և ծանր վիճակի տակ՝ նորից հայեացքովս հեռանում էի դէպի սարերը. ուզում էի մտածել, ուզում էի միտքս ամփոփել, հասկանալ դրութիւնս, ինչ անելս, ուզում էի մի ելք գտնել. տունը ինձ չէր դրաւում, միտքըս պղտոր էր, ցաւում էի, տանջւում էի, բայց առանց վշտի խորութեան. քայլերս չէի զգում, թւում էր, որ ես գետնի վրա չեմ մանգալի. մարդիկ ինձ իբրև մի-մի առարկաներ էին երևում, չէի կարողանում նրանց ծառից, թրփից, սիւնից կամ անից շոկել. եմ ծանօթներիցս շատերն էին ինձ պատահել, բայց ես չէի յիշում, թէ ինչ են նրանք ինձ ասել, կամ ես ինչ եմ նրանց պատասխանել: Եւ այդպէս անորոշ դրութեամբ քայլերս տանում էին ինձ առանց իմանալու, թէ որ տեղ եմ ես...

Եկեղեցու զանգերը ինձ սթափեցրին. արդէն երեկոյ



էր. նրանք միահամուռ զողանջում էին. ես զգացի, որ ամբողջ օրը տանը չեմ եղել, սիրտս ձմլւեց, չը գիտեմ ինչո՞ւ ինձ թւաց, որ ես պէտք է տուն գնամ. երևի աւելի շուտ իմ ոչինչ լինելս հաւաստիացնելու համար և երբ ես անցնում էի փողոցով, սարահարթի լայն եզերքին, մեր նախկին զբոսավայրում, ես չ'կարողացա խոյս տալ մեր տան վաղեմի բարեկամներին, որ երեքով, փոքրիկի ձեռքից բռնած՝ զբօսնում էին, մի ակնթարթում ես յիշեցի ինձ, իմ ընտանիքը ճիշտ այդպէս:

Օ՛, բարև, բարև... ինչու մենակ ես, ինչպէս է երեխադ, այս լաւ եղանակին կը զբօսանէիր երեխիդ հետ:

Ինձ թւաց, որ նրանք հեզնում, ծաղրում են ինձ:

—Քու երեխի համար եմ հարցնում, Արամը, ինչպէ՞ս է:

Ես ուզեցա պոռալ, որ նա իմ երեխան չէ, սիրելի բարեկամս, ինչպէս դա, որ ձեռքիցը բռնած ման ես ածում, քոնը չէ: Բայց սիրտս սառաւ, իսկոյն զգացի, որ անկարող եմ:

—Նա այժմ երևի ման է գալիս, այնպէս չէ՞ ասաց կինը. տես իմ Սերիոժան, երկու ամսով է միայն մեծ քու Արամիցը:

—Այո, 902 թ. սեպտեմբ. 2-ին ծնւեց Սերիոժան. այնպէս չէ... մեծ բաւականութեամբ ասաց բարեկամիս ընկերը:

Միրալիր ժպիտը երեսին, ամուսնուն թևանցուկ անելով, գլխով հաւանութեան նշան տւեց նրան կինը...

—Ճիշտ այդպէս. չգիտեմ ինչու, դուրս թռաւ իմ կրծքից:

—Ի՞նչու ձեր Արամին էլ...

—Այո, Այո. բացականչեցի ես՝ ուղիղ կնոջ աչքերին նայելով: Կինը կարծես ինձ հասկացաւ, նա փոքր ինչ կարմրեց և կմկմալով շարունակեց. առաջ... ես ձեր կնոջը որքան համակրում էի, բայց նա դեպի մեզ ապերախտ գտնւեց. թողեց ամուսնուն, երեխային. բարեկամներին...

—Ընհդակառակը, մենք շատ պարտական ենք նրան, տիկին. նա գոնէ իր ընկերութիւնը մինչև վերջը տարաւ. իսկ դձը... Ես զայրացա և գուացի նրա ամուսնու վրա:

«Սա խելագար է». ասացին նրանք և հեռացան. և ես դիտում էի հեռւից. դիտում էի թէ մարդիկ որքան կեղծեն:

Երբ ես վերջապէս վերագարծա տուն, դայեակը ինձ չը դիմաւորեց. ես այլևս նրանից չէի խորշում:

—Լաւ որ, կէս զիշերին, նոր ես տուն գալիս, երկար լռութիւնից յետոյ ներս եկաւ նա՝ տաք հեշտաեռը ներս բերելով. — երեխան տաքութիւն տւեց. բժիշկը նայեց. շարունակեց դայեակը: Երեխան էլ ինձ չէր հետաքրքրում, ինձ թւում էր, որ ես արդէն ծայրին մօտենում եմ. ականջներս խշշում էր. գլուխս բթացել էր, և ես շատ բան չէի հասկանում դայեակի ասածներից. նա ինձ երկու նամակ տւեց, հասկացա, բայց չէի ուզում հաւատալ. սխալւած չէի, կնոջս նամակներն էր: Բայց նա ինչո՞ւ այսքան պահել էր:—Մէկը վաղուց եմ ստացել, բայց սա այսօր ստացա. դռների միջից ինքն իրան խօսեց դայեակը Միրելի...իկս, գրում էր նա իր առաջի նամակում: Կարծես մեր մէջ ոչինչէր պատահած. ճիշտ այնպէս, ինչպէս անցեալ տարի ամառանոցից: Այժմ ես Փ...ուսն եմ, բնութիւնը կատարեալ հրաշք է, ծովը իր խորճրդաւոր գոյներով, կապուտակ երկինքը, ան որքան կուզէնայի, որ դու էլ մի անգամ ճանապարհորդէիր, և ինչո՞ւ միասին չպէտք է լինէինք. մարդիկ ի՞նչու չար են, ես բեզ միշտ սիրել և այժմս էլ սիրում եմ... Միրելիս, դու չէ՞ս բարկանում ինձ վերա, չէ՞ որ ես այնպէս եմ կարօտացել քեզ, այնպէս եմ կարօտացել, անհամբեր սպասում եմ նամակիդ: Մի՞թէ մարդիկ չեն կարող միշտ մնալ իբրև լաւ բարեկամներ. մօռացիր անցեալը, ես գիտեմ, դու այնքան ազատամիտ ես, որ չես բարկանալ. վերջապէս մարդիկ պէտք է ապրին իրանց զգացմունքներին բաւականութիւն տալու համար.

այս կարճ աշխարհում էլ ինչո՞ւ պէտք է ապրել, եթէ ինքն իրան պէտք է կեղծէ: Ո՛րքան դառը ճշմարտութիւն կար այդ տողերի մէջ, բայց ես այլևս չը կարողացա կարդալ, ինձ թւաց, որ սա ծաղրէ, բնութեան զարհուրելի ծաղր:

Ես պատռեցի հետևեալ ծրարը. գծերը շղաձգական էին, տողերը ծուռն ու մուռ և նամակը երկար. հաւաքեցի համբերութիւնս կարդալու:

«Մեր բաժանելուց անմիջապէս յետոյ ինձ պաշարեց անհասկանալի տխրութիւն». սկսում էր նա, առանց «սիրելի...ի» «պաշտելի» աշխատում էի դուրս գալ, չմտածել. տեսարանները ինձ չէին գրաւում. կուպէտում փակւած՝ անցա ամբողջ գիծը:

Շոգեհնաւում նա ինձ սպասում էր. (անունը չեմ ուզում տալ, գիտեմ գու տանել չես կարող). նրա սիրալիք ընդունելութիւնը, փաղանքշանքերը, ծովի գեղեցիկ տեսարանները ինձ ցրեցին և ես զգալով ինձ բոլորովին մի նոր աշխարհում՝ ուրախ, զւարթ կտրեցի երկար ճանապարհներ, հասանք Փարիզ: Ահա այդտեղից գրեցի իմ առաջի թեթևօլիկ նամակը:

Նա ինձ համար վարձեց ամենագեղեցիկ արուարձանը, շքեղ կահաւորւած. մօզիստիկաները շրջապատեցին ինձ. ամենանորը հագուստներով ես գմայլում էի, իսկ նա ոտքերիս մօտ չոքած՝ համբուրում էր ձեռքերս:

Առաջի շաբաթները մենք մանգալու շատ տեղեր ունէինք, ամեն օր նորանոր տեսարաններ, նորանոր թանգարաններ և ցուցահանդէսներ. Փարիզի գեղարւեստական աշխարհը կլանել էր ինձ, ես չէի կշտանում, չէի նոյնիսկ երևակայում, որ երբ և իցէ ես կը բաւականանամ այդ բոլորից. բայց այժմ անհերք ամիս է անցել այդ օրից և ես սենեակումս մենակ փակւած՝ բաժակով հեղուկը առաջս դրած՝ լինել թէ չլինելու հարցնեմ վճռում. թերևս մի քանի վայրկեանից և մենք բաժանւենք յաւիտիան:

Հէնց առաջին օրերից նրա մօտ վիզիտով մի քանի

ֆրանսուէրներ եկան, նրանք իրանց վիզիտները խնամքով շարունակում էին. մի օր ճաշի ժամանակ նրանցից մէկը երգեց, շատ գեղեցիկ. նա հիացած էր, առաւ նրա ձեռքը և բոլորի ներկայութեամբ համբոյրներ դրոշմից. ես նայեցի կնոջը, նա կարմրեց և ինձ թւաց, որ այդ ըուպէին նա ինձանից գեղեցիկ է. և առաջին անգամը զգացի իմ իր լինելս. առաջին անգամ իբրև կին՝ ես իմ աչքում ստորացա, ամբողջապէս զգացի թէ, ինչ բանի համար եմ ես միայն պետք: Երբ ընթրիքն էլ վերջացաւ, մենք մնացինք երկուսով. ես նրան անկեղծ կերպով ասացի զգացմունքներս. նա շոյեց իմ մագերը և յոգնած համբոյրներով պսակեց նրանց. ես աւելի զայրացա, միթէ ես ուրիշ բանի պէտք չեմ. անցաւ գլխովս, բայց նրան բան չասացի:

Այնինչ ֆրանսուէրները ինձ հանգստութիւն չէին տալիս. նրանց վիզիտները յաճախանում էր, մնում էին մեզ մօտ ուշ գիշերները և նա ճանապարհ էր զցում նրանց և շատ էր ուշանում: Քա անտանելի ըուպէներ էին լինում ինձ համար. նա վերադառնում էր յոգնած ու քայքայւած. կանացի հրպարտութիւնս թոյլ չէր տալիս նրան որևէ հարց այդ մասին և ես մնացել էի մտատանջութեան մէջ. բայց դա ինձ համար շուտ պարզեց:

Մի երկոյ գնացինք օպերա և ես նրան տեսա առաջնակարգ գերերի մէջ. նա օպերային երգչուհի էր: Այդ երեկոյ նրան մի գեղեցիկ, թարմ ծաղկից, փունջ նւիրեցին և ես համոզւած էի, որ դա կողքիս նստողիցն է. ես ճանաչում էի նրա ճաշակը. մի տանեակ այդպիսի պսակներ պատւիրել էր նա ինձ համար:

— Որքան գեղեցիկ փունջ է. խօսեցի ես նայելով նրա աչքերին. յիշում ես դու այդպիսի փնջիկներ.

— Այո, երևի նոյն ծաղկանոցին են պատւիրել:

Երբ վերադարձանք տուն, նա շատ անհանգիստ էր, ես նկատում էի, որ ուզում է հեռանալ. այդ գրութիւնից ազատելու համար՝ ասացի ես. — ոչինչ սիրելիս, գնա եթէ

անդ ունես, ես անհամբեր կսպասեմ քեզ. ես փարւեցի նրա վզովը և առաջին անգամն էր, որ նրան կեղծում էի: Նրա ուրախութեանը չափ չկար:—Սյո, ես այս բոլորն, երևի մի կէս ժամից, այստեղ կլինեմ.—որքան բարի ես դու, շտապ-շտապ ցիլինդրը ծածկելով գնաց նա, նոյնիսկ մօռա-նալով իր հրաժեշտի սովորական, աւելի շուտ, արհեստա-կան համբոյրները:

Ինձ համար այժմ բոլորը պարզ է և ես արդէն վճռել եմ իմ անելիքս: Նա կը գա և կը տեսնի իր սենեակի մի լամպարը հանգածէ. լուցկին կը վերցնէ, կը վառէ միւսը և այդ քանով կը վերջանա ամեն բան: Ահա իմ տեսակի կա-նանց դերը տղամարդկանց աչքում:

Այստեղ թաղում են գիշերները և դա շատ լաւ է, ինձ ոչոք չի տեսնիլ, գիտեմ լուռ ու մունջ գիակարքը կը տանի ինձ կը լանձնի սև հողին և մի արցունք չի կաթիլ իմ անբախտ շիրմին. կանյետանա նա Փարիզեան այն լա-բիրնդում, անմիտ և սառը.

Ներողութիւն չեմ ինդրում քեզանից, և ոչ էլ ցաւում եմ քեզ համար. տանջանքս քեզ հաւասար է և դա բաւական է: Երեխի մասին ոչինչ չեմ գրում. ես սարսափում եմ ինձ մայր անւանելուց, դա բնութեան մի հեղնանք էր ինձ համար: Նամակս կարգալուծն պէս նրան տուր խեղճ մօրս...

Ճակատս շփեցի, երեքալով մօտեցա երեխի մահճակա-լին, երկար նայում էի նարն. նրա այտերը վառ-ւում էին, տաք շնչառութիւնը հասնում էր երեսիս. ես ակնապիշ նայում էի, առանց խորհելու. ամեն բան քարա-ցել էր իմ մէջ: Երեխան մի քանի ցնցումներ արաւ. մի գնալ... մի գնալ... զառանցեց նա. ես անգիտակցաբար բռնեցի նրա փոքրիկ ձեռքը, տաք այրում էր, յանկարծ նա ցնցումով քաշեց դէպի իրան և աչքերը բանալով նա-յեց ինձ.—Ղուր. շնչաց նա հազիւ լսելի: Ես երկու ձեռ-քով վրա ընկաւ բաժակին, գլուխը փոքր ինչ բարձրացրի և նա մեծ կումերով գատարկեց Ղուրը:

—Ո՞րտեղդ է ցաւում. անուգողով հարցրի ես: Գրկիր ինձ. ձեռքերը պարզելով ասաց նա, պատաս-խանի փոխարէն: Ես խնամքով առա նրան գիրկս և սե-նեակում հանդարտ ման էի ածում. Նա հարմարեց, երկու փոքրիկ բազուկներով փարւեց վզովս և իրան այդպէս ա-ւելի լաւ գգալով՝ ուզում էր քնել:

—Ո՞րտեղդ է ցաւում: Գլուխս, ասաց նա և փոքր լուռութիւնից յետոյ դիմեց ինձ: —Մայրիկը ինչու չեկաւ... Սյո հարցը ինձ համար այնքան անակնկալ էր, որ ես շւարեցի: —Նա ինձ այնքան համբուրեց. ես տեսա, նա լաց եղաւ, նա էլ չի գալ. նա մեռել է, համարեա ինքնիրան մրմնջաց երեխան:

Յուզմունքից շրթունքներս գոգում էր. ես չէի կա-րողանում նրան և ոչ մի բառ ասել:

—Նա լաւն էր չէ. նա շատ լաւ մայրիկ էր. նա ա-սաց, ասաց քեզ համար շատ բաներ կը բերեմ. խաղալի-քներ, գիտես. ասաց ոսկէ ձկնիկ կը բերեմ. ասաց, թամ-բած ձի... Բայց ես չեմ ուզում. ոչինչ չեմ ուզում. թող ինքը, ինքը թող գա. ես այնքան լաց եղա, այնքան լաց եղա. հայրիկ ջան...:

Նրա արտասանած վերջին բառերն այնքան աղերսա-կան էին, այնքան սրտառուչ, որ ես այլևս չկարողացա ինձ գապել. շրթունքներս հպեցին նրա աչքերին և, ամ-բողջ հոգով՝ իբրև մի երեխա, լաց եղա: Իմ սառած աչքե-րը՝ որից արցունքը վաղուց էր ցամաքել, բար դառել, այժմ նա հեղեղի պէս վազում էր և ես զգում էի, որ հոգիս լուռ աղօթում է երեխային. երկու ձեռքով ամուր գրկած՝ սեղմում էի նրան կրծքիս, փակում էի ինձ փակ-չի, որ չգրկւեմ ես նրանից և լուռս ուր անկողնի լու-սացաւ ինձ համար մի նոր տալում:




# Յ Ա Ն Կ

1.	Շուշան. արտատպած «Մուրճ»-ից	1904 թ. երես 7.
2.	Լուսի . . . «Մուրճ»-ից	1904 . . . 18.
3.	Հռիփսի . . . «Ընկեր»-ից	1906 . . . 29.
4.	Պահակը . . . «Ընկեր»-ից	1904 . . . 35.
4.	Բանուորը . . . «Մուրճ»-ից	1906 . . . 40.
6.	Մի կտոր հացի համար «Մուրճ»-ից	1903 . . . 50.
7.	Կապոյտ շապիկը. «Արշալոյս»-ից	1906 . . . 72.
8.	Արցունքներ . . . . .	1905 . . . 81.
9.	Վիշտը . . . . .	1905 . . . 89.
10	Տխուր պատմութիւն . . . . .	1906 . . . 97.

# Վ Ր Ի Պ Ա Կ Ն Ե Ր

Ձեռն	Էջ	սպառ է	պիտի լինի
4	2	անհրաժեշտ	անհրաժեշտ
«	20	գնդակահարութիւն	պահակը
9	1	սուռն	անուշ
24	20	լաւակը կնած	լացակը կնած
32	31	իկան	իրան
35	20	հենւած	յնւած
36	19	զինոր	զինոր
38	17	գոռացիք	գոռացիք
39	6	սարսափով էինք	սարսափով էինք
41	31	նրա	նրան
47	20	հրեղէն	հրէջ են
48	4	անգուտ	տնօգուտ
49	11	խոքից	խոքից
56	18	թողը ելով	թողը ելով
59	32	նաւթացնողի շէշներ	նաւթացնողի շէշներ
77	16	միանգամային	միանգամային
78	5	եթեւայն	եթեւային
79	1	գարնանայն	գարնանային
«	14	ծայրը	ծայրը
«	25	ինդուս	ինդուս
«	27	հուսած	յառած
83	22	ընկնում էր	ընկնում էր
84	3	յառաջուր էր	հառաջում էր
84	28	իրերում	երերում
«	28	քիչ	քեղ
85	20	անհագ	անյագ
86	5	բարդը	վարդը
87	4	լեզու և կապար	լեզու և կապար
90	11	հենւած	յնւած
«	12	պատի	պատանի
91	4	գտան	գտանք
92	23	հափշտակել	յափշտակել
«	24	նրա	նրա
94	32	սպառիր	սպառիր
95	3	պահեր	պահիր
95	15	արունք	արցունք
99	18	յետևում էի	հետևում էի
«	23	թերթունքներին	թերթունքներին
103	19	լինէր	լինէին
105	9	շարեցին	շարժեցին



« Ազգային գրադարան



NL0363054

50793

